

ಪೌಲನು ರೋಮಾಪುರದವರಿಗೆ ಬರೆದ ಪತ್ರಿಕೆ ಪೌಲನೆ ರೋಮಾಪುರವಾಳನ ಲೀಖ್ಯೋತೆ ಚಿಟ್ಟಿ ಮಾಲುಮ್ ಕರಾನು

ರೋಮಾಪುರವಾಳನ ಅಪೊಸ್ತಲ ಪೌಲನೆ ಲೀಖ್ಯೋತೆ ಚಿಟ್ಟಿನ ಘಣೇಧಿಘಣು ಕ್ರಿಸ್ತನ ಪೈದಾಖ್ತನ ವಾರ್ 54 ಥು 58 ವರಖ್ತನಿ ಬೀಚ್ಚ ಲೀಖಿರಾಖ್ಯೊಸ್. ಪೌಲನೆ ಬಿಜೂಬಿ ರೋಮ್‌ನ ಭೇಟಿ ದೀರಾಖ್ಯೊಥೊ ಕೊಯ್ನಿ. ಇನಖ್ತಾಜೆ ಯೋ ರೋಮ್‌ಲ್ಹಾತೆ ವಿಶ್ವಾಸಿವೋನ ಮಾರಗ್ ದೇಖಡಾನಖ್ತಾಜೆ ಆ ಚಿಟ್ಟಿನ ಲೀಖ್ಯೊ ತದೆ ಯೆಹೂದ್ಯ ಅಜ್ಜು ಯೆಹೂದ್ಯಕಾಹೆತೆ ವಿಶ್ವಾಸಿಖ್ತಾರುಜಿನು ಹಿಜ್ಜಾ ಥೂ. ಆ ಚಿಟ್ಟಿನ ಕೊರಿಂಥ ಖ್ತಿಯೇರ್‌ಥು ಲೀಖ್ಯೊ ಯೋ ವಖ್ತಮ್ ಯೋ ಹಿಜ್ಜಾಸ್ ಥೊ. ಪೌಲನೆ ಖ್ತಾರು ದೇಖ್ತಾಯೇಸುಕ್ರಿಸ್ತನ ವಿಶ್ವಾಸ್ ಕರ್ನುಕರಿ ಅಜ್ಜು ವಿಧೇಯ ಹೋಣುಕರಿ ಬೋಲಾನಖ್ತಾಜೆ ಲೀಖ್ಯೊ 16:26.

ರೋಮಾಪುರವಾಳನ ಲೀಖ್ಯೋತೆ ಚಿಟ್ಟಿ ವಿಶ್ವಾಸಿಖ್ತಾರನ ಖ್ತಾರಿಬಾಜೂಬಿ ಅಜ್ಜು ಖ್ತಾರೀಸ್ ವಖ್ತಮಾಬಿ ಆ ಏಕ್ ಮಹಾನ್ ಪುಸ್ತಕ್ ಹುಯಿರ್ಲ್ಲ್ಯಾಸ್. ಶನಕತೊ ಅನಾಮ ಪೌಲನೆ ಯೇಸುಕ್ರಿಸ್ತಧಿ ಮಳಾತೆ ರಕ್ಷಣೆನಿ ಬಾರೇಮ ಫೋಡೆನ್ ಅಜ್ಜು ಬರೋಬರ್‌ಥಿ ಬೋಲಿರಾಖ್ಯೊಸ್. ಪೌಲಬಿ ಯೇಸುಕ್ರಿಸ್ತನಿ ಸುವಾರ್ತೆನ ಜ್ಞಾನಿ ಒಪಂದಾನನಿ ಜೋಡ್ಡುಮಳ್ಳೆನ್ ಬೋಲಸ್. ಕೈಏಕ್ ಪೊಂಡಿತ್‌ಖ್ತಾರು ಆ ಪುಸ್ತಕ್‌ಮ 1:16 ವಚನ್ ಘಣಿ ಮುಖ್ಯಹುಯಿರ್ಲ್ಲ್ಯಾಕರಿ ಬೋಲಸ್. ಯೋ “ಸುವಾರ್ತೆನಿ ಬಾರೇಮ ಮೇ ಖ್ತಾರ್‌ಮಾವ್‌ಕೊಯ್ನಿ ಶನಕತೊ ವಿಶ್ವಾಸ್‌ಕರವಾಳ ಹರೇಕ್ ಜ್ಞಾನ ರಕ್ಷಣೆನ ಲ್ಯಾವಾನಿ ದೇವ್ನಿ ಶಕತ್ ಹುಯಿರ್ಲ್ಲ್ಯಾಸ್. ಪಹಿಲೆ ಯೆಹೂದ್ಯರ್‌ನ ಇನಕೇಡೆಥು ಯೆಹೂದ್ಯರ್‌ಕಾಹೆತೆ ಇವ್ಜುನ” ಆ ಚಿಟ್ಟಿನು ಭಾಗ್‌ಹುಯಿರ್ಲ್ಲ್ಯಾತೆ 1—1

ಖ್ವಾರು ಘಣು ಗಧಾರ್‌ನು ದೇವ್ನು ವಚನ್ ಹುಯಿರ್ಲ್ಲ್ವಸ್. ಬೇನು ಭಾಗ್ ಹುಯಿರ್ಲ್ಲ್ವತೆ 13—15 ಖ್ವಾರು ವಿಶ್ವಾಸಿನ ಜಿವ್ಣನ ಹೋಣುತೆ ಕೈಏಕ್ ಕಾಮ್ ಕರಾನು ಮಾರಗ್ ವತಾಳಸ್.

ಕಾಡಿದೇಖೊ

1. ಪೌಲ ಮಾಮೂಲಿಧಿ ಇನಿ ಬಾರೇಮ ಬೋಲ್ತೊಹುಯಿನ್ ಅಜ್ಜು ಮೇ ಕಿನ ಲೀಖುಕರುಸ್‌ಕರಿ ಬೋಲಾನಿವಾತೆ ಬೋಲ್ತೊಹುಯಿನ್ ಆ ಚಿಟ್ಟಿನ ಶುರುಕರಸ್. 1:1-15
2. ಇನಕೇಡೆಧು ಯೊ ಅದಮ್‌ಭಮಾನನಿ ಹಾಲತ್ ಅಜ್ಜು ಯೇಸುಕ್ರಿಸ್ತಧಿ ಮಳಾನು ರಕ್ಷಣೇನಿ ಬಾರೇಮ ಲೀಖಸ್ 1:16—11:36
3. ಅನಕೇಡೆಧು ಪೌಲ ಕೈಏಕ್ ವಿಶ್ವಾಸಿನ ಜಿವ್ಣನ ಹೋಣುತೆ ವಾಟ್ ಒತಾಳಸ್. 12:1—15:13
4. ಯೋ ಆಚಿಟ್ಟಿನ ರೋಮ್ಲಾತೆ ಸಬೆನ ಅದ್ವಿವೋನ ಕೈಏಕ್ ಪರಕ್ಟ ಖ್ವಿಲಾಮ್ ಕರ್ತೊಹುಯಿನ್ ಆ ಚಿಟ್ಟಿನ ಖರ್ತಿ ಕರಸ್ 16:1-27

1 ಯೇಸು ಕ್ರಿಸ್ತನೊ ದಾಸಬಿ ಅಪೊಸ್ತಲ ಹುವಾನಖ್ವಾಜೆ ಬುಲಾಯೊಹುಯೋಬಿ ದೇವ್ನು ಸುವಾರ್ತೆನ ಬೋಲಾನಖ್ವಾಜೆ ಚೂಣಾಯೊಹುಯೊ ಪೌಲ,

2 ದೇವ್ನು ಘಣ ಹಗಾಮ್ಪಪಾರ್ ಪವಿತ್ರ ದಪ್ತರಾಮ ಇನ ಪ್ರವಾದಿಖ್ವಾರಾಧಿ ವಾಗ್ದಾನ್ ಕರ್ಯೊತೆ,

3 ದೇವ್‌ನೊ ಛಿಯೊಹುಯಿರೊತೆ ಅಪೊ ಪ್ರಭು ಯೇಸುಕ್ರಿಸ್ತನಿ ಬಾರೇಮ ಬೋಲಾನು ಹುಯಿರ್ಲ್ಲ್ವಸ್. ಅದಮ್‌ಭಮಾನನಿ ರೂಪಾಮ ಯೋ ದಾವೀದನು ಖೂಮ್ ಪೈದಹುಯೊ.

4 ದೇವ್ನು ಪಹಿಲೆ ಪವಿತ್ರ ದಪ್ತರಾಮ ಇನ ಪ್ರವಾದಿಧಿ ಬೋಲ್ತೆರ್ದೆತೆ ಆ ವಾಗ್ದಾನ್‌ಕರ್ಯೊತೆ ಸುವಾರ್ತೆ ಮರ್ಯಾಹುಯಾಮಾಧು ಪಾಳ್ವು ಜಿವ್ತುಹುಯೋತೆ ಇನಿ ಶಕಡ್ಲಿ ದೇವ್‌ನೊ ಛಿಯೊಕರಿ ವತಾಳ್ತೆಲಿದೊ. ಯೋಸ್ ಅಪೊ ಪ್ರಭು ಯೇಸುಕ್ರಿಸ್ತ ಹುಯಿರೊಸ್.

5 ಇನು ನಾಮ್ಮಿ ಮಹಿಮೆನಖ್ವಾಜೀಸ್ ಅಖ್ವಾಸ್ ದೇಖ್ವಾನು ಅದ್ವಿಖ್ವಾರು ಅನ ವಿಶ್ವಾಸ್ಕರಿನ್, ವಿಧೇಯಹುಯಿನ್ ಚಾಲನಿತರ ಕರಾನ ಅಪೊಸ್ತಲಹುವಾನಿ ಮೋಕಾನ ಯೇಸುಕ್ರಿಸ್ತಧೀಸ್ ದೇವ್ನೆ ಮನ ದೀರಾಖ್ಯೊಸ್.

6 ರೋಮಾಪುರಮ ರ್ವವಾಳ ತುಮೂನಾಬಿ ಮಳೈಲೀನ್ ಕ್ರಿಸ್ತವಾಳ ಹುವಾನಖ್ವಾಜಿ ತುಮೂನ ಬುಲಾಯೊ.

7 ಅಜ್ಜು ಇಮ್ಮಸ್ ದೇವ್ ಪ್ಯಾರ್ಕರಾತೆ ಅಜ್ಜು ಇನು ಶೊಂತ್ ಅದ್ವಿವೊ ಕರಿ ಹುಯಿರ್ವ್ವಿತ್ತೆ ರೋಮ್ವಾಳ ತುಮುನ ಲೀಖುಕರುತೆ ಶಾತ್‌ಕತೊ: ಬಾ ಹುಯಿರ್ವ್ವಿತ್ತೆ ದೇವ್‌ಧೀಬಿ ಪ್ರಭು ಯೇಸುಕ್ರಿಸ್ತಧೀಬಿ ತುಮೂನ ವಾರ್‌ಖೊಬಿ ಶಾಂತಿಬಿ ಮಳಾದೆ.

ಧನ್ಯವಾದ್‌ನಿ ಪ್ರಾರ್ಥನೆ

8 ಖ್ವಾರೇಧಿ ಪಹಿಲೆ ತುಮಾರಿ ವಿಶ್ವಾಸ್‌ನಿ ಬಾರೇಮ ಜಗತ್ತ್ ಅಖ್ವಿಬಾಜ್ಜು ಪೂಚ್‌ತಾಚ್ ಹೂಕರಸ್. ಇನಖ್ವಾಜಿ ಮೇ ತುಮಾರಭಣೀಡು ಯೇಸುಕ್ರಿಸ್ತನ ನಾಮ್‌ಧಿ ದೇವ್ನೆ ಧನ್ಯವಾದ್ ಕರುಸ್.

9 ದೇವ್ನೆ ಛಿಯ್ಯಾನಿ ಸುವಾರ್ತೆನ ಮನ್‌ಲಗಾಡಿನ್ ಬೋಲ್ತೊಹುಯಿನ್ ಇನಾಸ್ ಮಾರ ದಿಲ್‌ಧಿ ಸೇವೆ ಕರಾವಾಳೊಹುಯಿನ್ ಬೈಕೂಸ್ ಕೊಂತೆ, ತುಮಾರಖ್ವಾಜಿ ಬಿಂತಿ ಕರುಕರಸ್. ಅನ ದೇವಸ್ ಸಾಕ್ಷಿ.

10 ಮೇ ಹರೇಕ್ ಪ್ರಾರ್ಥನೆಮ ದೇವ್, ಇನಿಖ್ವಾಜ್‌ನಿಘೊಣಿ ಹಮ್ಮೆತೋಬಿ ತುಮಾರಕನ ಆವಾನ ಮೋಕ ಮಳಾದೆಕರಿ ದೇವ್‌ಮ ಗಿಂಗೈಲೆವುಸ್.

11 ತುಮೂನ ಮಳಿನ್ ಧೋಡಿ ಆತ್ಮಿಕ ಆಶೀರ್ವಾದ್ ತುಮಾರಿ ಜೋಡ್ವಾಟಪಾಡಿನ್ ದೀನ್ ತುಮೆ ಅನೇಧಿ ಶಕತ್ ಲೇವ್ಣುಕರಿ ಮಾರಿ ಶಂತೋಖ್ವೊಹುಯಿರ್ವ್ವಿತ್.

12 ಮಾರಿ ವಿಶ್ವಾಸ್‌ಮ ತುಮೇಬಿ ತುಮಾರಿ ವಿಶ್ವಾಸ್‌ಧಿ ಮೇಬಿ ಏಕ್‌ಧಿಏಕ್‌ಜಣು ಮದತ್ತ್ ಲೇಲೆವ್ಣುಕರಿ ಮಾರಿ ಆಖ್ವೊ.

13 ಬೈಯೇ ಭೇನೆವೊ, ಪರೈಆದ್ತಿಯೇವ್‌ಮ ಜುತ್ಯೋತೆತಿಮ್ ತುಮಾರಮಬಿ ಜೂತಿಶ್‌ಕರಿ, ಮೇ ಕೈಯೆಕ್‌ಹಲ್ಲ ತುಮುನ ಮಳಾನಖ್ವಾಜೆ ದಿಲ್‌ಕರೈತ್ತೋಬಿ, ಹಮ್ಮೆಲಗು ಶಾತ್ತ್ರಿ ಏಕ್ ಆಡು ಹೂಕರ್ತುಧು ಕರಿ ತುಮೇಬಿ ಮಾಲುಮ್‌ಕರಿರಾಕೊ ಕರಿ ಮಾರಿ ಆಖ್ವ್.

14 ಮೇ ಗ್ರೀಕ್‌ವಾಳನಾಬಿ ಅಜ್ಜು ಅಲಕ್‌ಅದ್ತಿವೊನಾಬಿ ಅಕ್ಲಿನಾಬಿ, ಬಿಣ್ಣೆಪ್ಪೊಲಿನಾಬಿ ಫೇಡ್ವತೆ ಏಕ್ ಕರ್ನಿ ಮಾರಪರ್ ಛಾ.

15 ಅಮ್‌ಛಾತೆ ಇನಾಖ್ವಾಜೆ ರೋಮ್ ಖ್ವಯೇರ್ಮ ಛಾತೆ ತುಮೂನಾಬಿ ಸುವಾರ್ತೆ ಬೋಲಾನ ಮೇ ಹುಮ್ಮಖ್ವೊಧಿ ತಯಾರ್ ಹುಯಿರೈಡ್ವ್.

ಸುವಾರ್ತೆನಿ ಶಕತ್

16 ಮಾರಿ ಸುವಾರ್ತೆನಿ ಬಾರೇಮ ಮನ ಪೂರ ಆತ್ಮ ವಿಶ್ವಾಸ್ ಛಾ. ಶನಕತೊ ಯೋ ಪಹಿಲೆ ಯೆಹೂದ್ಯರೊನ ಇನಕೇಡೆಧು ಯೆಹೂದ್ಯಕಾಹೇತೆ ಇವ್ವುನಾಸ್ ಕಾಹೇತೆ ವಿಶ್ವಾಸ್‌ಕರವಾಳ ಹರೇಕ್‌ನಬಿ ಆ ಸುವಾರ್ತೆ ರಕ್ಷಣೆನ ಉಬ್‌ಜಾವನಿ ದೇವ್ವಿ ಶಕತ್‌ಹುಯಿರೈಡ್ವ್.

17 ಕಿಮ್‌ಕತೊ ದೇವ್ ಸುವಾರ್ತೆಧಿ ಅದ್ತಿವೊನ ಇನಭಣಿ ಅಳ್ಳುಹುವಾನಿಘೊಣಿ ಕರಸ್. ಅಥ್ರಾನು ಸಂಬಂದ ಶುರುವಾತ್‌ಧು ಖ್ವರ್ತಿಲಗೊಬಿ ವಿಶ್ವಾಸ್‌ನಪರ್ ಭೀರೆಸ್. “ಅಮ್ ನೀತಿವಾಳೊ ವಿಶ್ವಾಸ್‌ಧೀಸ್ ಜಿವ್‌ಶೆ” ಕರಿ ಪವಿತ್ರಪುಸ್ತಕ್ ಲಿಖ್ಪಿರೈಡ್ವ್.

ಅದಮ್‌ಜಮಾನಾನಿ ಗಲತ್

18 ಖರಾಬ್ ಚಾಲ್‌ಧಿ ಖ್ವಾಚನ ಲಪಾಡವಾಳು ಹುಯಿರೈಡ್ವ್ತೆ ಅದ್ತಿವೊನು ಅಖ್ವಿಧರಾನು ಭಕ್ತಿಕೊಂತೆ ಅಜ್ಜು ಪಾಪ್ಪುಚ್ಚಾಲ್ವ ಉಪ್ಪರ್ ದೇವ್ವು ಇರಾದೊ ಪರ್‌ಲೋಕ್‌ಧು ಉತ್ತಿನ್ ಆವಸ್.

19 ಶನಖ್ವಾಜೆಕತೊ ದೇವ್ವಿಬಾರೇಮ ಇವ್ವುನ ಬರೋಬರಾಧಿ ಮಾಲುಮ್ ಹುಯಿರೈಡ್ವ್, ಯೊ ಇವ್ವುನ ದೇವ್ವೆಸ್ ವತಾಳ್ವೊ.

20 ಕಿಮ್‌ಕತೊ ಡೋಳಾಮ ದೆಖಾವಕೊಂತೆ ಇನಿ ಚಾಲ್‌ಚಲಣ್‌ಅಖ್ವು ಕತೊ ಇನಿ ಕದೇಬಿ ರೈವಾನಿ ಶಕತ್‌ಬಿ, ದೇವ್ವಿಸ್ವಭಾವ್‌ಬಿ, ಜಗತ್ ಉಬ್‌ಜಾಯೋತೆ ಧರೀನ್ ಇನೆ ಕರೈಡ್ವ್ತೆ.

ಉಬ್ಬಾಞ್ವಿಧಿ ಯೋ ಮಾಲುಮ್‌ಪಡಸ್. ಅಮ್ ರ್ವಾಪರ್ ಇವ್ವೆ
ಖಿವು ಭಾಣುಬಿ ಬೋಲಾನ ಕೊಲುಷೇನಿ.

21 ಶನಕತೊ ಇವ್ವೆ ದೇವ್ವ ಮಾಲುಮ್ ಕರರಾಖ್ಯತೋಬಿ ಇನ
ದೇವ್‌ಕರಿ ಖರಾಯುಕೊಯ್ನಿ ಇನಿ ಮದತ್‌ನ ಯಾದ್‌ಕರಿನ್
ಧನ್ಯವಾದ್ ಕರೈಕೊಯ್ನಿ. ಇನ ಬದಲ್ ಇವ್ವ ಕೊಂತೆಕಾಮ್ ಮಘನ್
ಹುಯಿಗು. ಅಕ್ಕಲ್‌ಕೊಂತೆ ಇವ್ವೊ ದಿಲ್ ಅಂಧಾರೇಡಿ ಭರೈರೈಸ್.

22 ಇವ್ವೆಸ್ ಗ್ಯಾನಿಕರಿ ಬೋಲಿಲಿನ್ ಇವ್ವೆಬಿಣ್‌ಅಕ್ಕಿನು ಹುಯಿರೈಸ್.

23 ಮಟಾಕೊಂತೆ ದೇವ್ವಿ ಮಹಿಮೆನ ಇವ್ವೆ ನಾಶ್ ಹುಯಿಞ್ವಾಯಿತೆ
ಅದ್ವಿ ಜಾನ್ವರ್, ಜಿನಾವರ್, ಖ್ವಾಳಾತೆ ಕೀಡ್‌ಕಮ್ಮಾನ ಮೂರತ್ತ್
ಪೂಜಕರಲಗ್ಗು.

24 ಇನಖ್ವಾಜೆ ಅದ್ವಿವೋನ ದಿಲ್ಲಿ ಲಾಲಚ್‌ನಿಫೋಣಿ ಚಾಲಿಲಿನ್ ಇವ್ವ
ಇವ್ವ ಶರೀರ್‌ನ ಇವ್ವಮಹಿ ಖರಮ್ ಕಡೈಲ್ಯವಾದೆಕರಿ ದೇವ್ವೆ ಇವ್ವುನ
ಕಚಿಂಡ್ ಚಾಲ್‌ಮ ಮ್ಹೇಲಿದಿದೊ.

25 ಇವ್ವೆ ದೇವ್ವು ಖ್ವಾಚನ ಝೂಟುಕರಿ ಬದಲೈಲೀನ್,
ಉಬ್ಬಾಞ್ವೋತೆ ದೇವ್ವ ಆರಾದನೆ ಕರೈಕೊಂತೆ ಉಬ್ಬಾಹುಯ
ರಾಘಾನಸ್ ಆರಾದನೆ ಕರೈ. ಅಖ್ವ ಹಗಾಮ್ ಉಬ್ಬಾಞ್ವೋತೆ
ದೇವ್ವಾಸ್ ಹಮೇಶ ಸ್ತುತಿ ಹುವಾದೆ, ಆಮೆನ್.

26 ಇವ್ವೆ ಅಧ್ಯಾನು ಕರೈತೆ ಇನಖ್ವಾಜೆ ದೇವ್ ಇವ್ವುನ ರ್ವೈವ್ವುತೆ
ಶರೀರ್‌ನು ಪರಕ್ಕು ಸುಖಭೋಗ್‌ನ ಮ್ಹೊಂದಿನ್ ನಾಕರೈತೆ ಶರೀರ್‌ನು
ಪರಕ್ಕು ಸುಖಭೋಗ್‌ನ ಕರಾನ ಮ್ಹೇಲೈ.

27 ಇಮ್ವೆಸ್ ಪಖ್ವೊ ಮ್ಹಾಮುಲಿನು ತಯೇಡಾನಿ ಶರೀರಿಕ್
ಭೋಗ್‌ನ ಮ್ಹೊಲಿನ್ ಇವ್ವ ಇವ್ವಾಮಸ್ ಖರಮ್‌ಕೊಂತೆ ಕಾಮ್ ಕರಾಡಿ
ಇವ್ವುನ ಮಳೆಣುತೆ ನಿಶತ್‌ನ ಲೀಲಿದು.

28 ಶನಖ್ವಾಜೆಕತೊ ಯೊ ಅದ್ವಿಖ್ವಾರು ದೇವ್ವಿ ಗ್ಯಾನ್ ರ್ವಿಟಾರೈತೆ
ಇನಖ್ವಾಜೆ ಇವ್ವುನ ಪಾಪುಕಾಮ್ ಕರಾನ ಮ್ಹೊಲಿದಿದೊ.

29 ಇವ್ವೆ ಅಖ್ವಿಧರಾನು ಖರಾಬ್‌ಫನ್ನೆಮ ಭರೈರೈವಾಳು
ಹುಯಿರೈಸ್, ಶೈತಾನಿಬುದ್ಧಿ ಪೈಶಾನಿಲಾಲಚ್, ಪೇಟೊಬಳಾವೊ,

ಭೋಕಾನು, ಝಗಡೊ, ರಗಾವನು, ಕೇಡ್‌ಕರಾನು, ಅಜ್ಜು
ಚಾಡಿಬೋಲವಾಳು,

30 ಏಕ್ಸಪರ್ ಏಕ್ ಖರಾಬ್ ಬೋಲವಾಳು ದೇವ್‌ವಹೇರ್
ಕರವಾಳುಬಿ, ಖ್ವರಮ್‌ಕಡಾವಾಳುಬಿ ಹಂಕಾರ್‌ವಾಳುಬಿ,
ಗಬ್ಬರ್‌ಕರವಾಳು ಅಜ್ಜು ಬಡೈಮಾರವಾಳುಬಿ, ಇವ್ಣೆ ಕದೇಬಿ
ಖರಾಬ್ ಕಾಮ್ ಕರಾನಸ್ ಸೋಚವಾಳು, ಆಯಾಬಾನಿ ವಾತೆನ
ನಾ ಖ್ವಮ್‌ಜಾವಾಳುಬಿ,

31 ಬಿಣ್‌ಸೋಚ್‌ವಾಳುಬಿ, ವಾತ್ಸ ಟುಕಿಜಾಯಿತೆ, ಇವ್ಣೆ ಬಿಜೇಕ್ಸ್
ಗೋರ್‌ನಾರ್‌ವಾಳುಬಿ ಹುಯು.

32 ಅಥ್ರಾನುಖ್ವಾರು ಚಲಾವವಾಳು ಮರಣ್‌ಮ ಭಾಗ್‌ಲ್ಯಾವಾಳು
ಕರಿ ಬೋಲಾನು ದೇವ್ವಿ ನಿಯಮ್ ಹುಯಿರ್ದಿಶೆಕರಿ ಮಾಲುಮ್
ಥೂ. ಕತೋಬಿ ಖ್ವಮ್‌ಜೇನ್‌ಬಿ ಇವ್ಣು ಇವ್ಣೇಸ್ ಯೋ ಅಖ್ವಾ
ಕಾಮ್ ಕರವಾಳು ನಾ ಹುಯಿನ್, ಇಮ್ ಕರವಾಳನ ಭಾಲ್ ದೈವಾಳು
ಹುಯಿರ್ದಿಶ್.

2

ದೇವ್ವಿ ನ್ಯಾವ್ವತೀಪ್

1 ಇನಖ್ವಾಜೆ 'ಬಿಞ ಅದ್ವಿನಿ ಬಾರೇಮ ತೀಪ್ ಕರಾವಾಳೊ ಮಾರೊ
ದೋಸ್ತಿ, ತೂ ಕೋಣ್‌ರ್ದಿಯೋತೊಬಿ ತುನ ಇನೇಥಿ ಕ್ಷಮಾಕೊಯ್ವಿ.
ಶನಕತೊ ಬಿಜೇಕ್‌ಜಣಾನು ಗಲತ್ತ್ ಥೂಂಡಾವಾಳೊ ಹುಯಿರೋತೆ
ತೂ, ಇವ್ಣೆ ಕರಾತೆ ಇನಾಸ್ ತೂಬಿ ಕರಸ್. ಇನಖ್ವಾಜೆ ತಾರುತೂಸ್
ಅಪರಾದಿ ಕರಿ ಸಾಬಿತ್ ಕರಿಲೇಸ್.

2 ಅಪರಾದ್ವ ಕರಾವಾಳಾನಿ ಬಾರೇಮ ದೇವ್ ಕರಾನು ತೀಪ್
ಖ್ವಾಚನ ಲೀನಸ್ ರ್ದಿಸ್‌ಕರಿ ಅಪ್ಪುನ ಮಾಲುಮ್ ಛಾ.

3 ಕತೋಬಿ ಅಲಾ ಮಾರೊ ದೋಸ್ತಿ, ಎಥ್ರಾನುಖ್ವಾರು
ಚಲಾವವಾಳಾನ ಉಪ್ಪರ್ ನ್ಯಾವ್ವತೀಪ್ ಕರಾತೆ ತೂ ದೇವ್ವ ತೀಪ್‌ಥಿ
ಬಚಿಗಯೊಕರಿ ಸೋಚಿಸ್ತಿ ಶು?

4 ಇನಿ ಘಣಿ ದಯಾಬಿ, ಖ್ವಮಾಳಿಲ್ಯವಾನು ಅಜ್ಜು ಹಮೇಶಾನಿ ಶಾಂತಿ ಅನಖ್ವಾರು ತೂ ಝಿಟ್ಕಾರಸ್ಕಿ ಶು? ದೇವ್ನಿ ಅಲ್ಫಿಗುಣ್ ತುನ ದಿಲ್ ಫರೈಲ್ಯಾವಭಣಿ ಚಲಾವಾಶೆಕರಿ ಬೋಲಾನು ತುನ ಮಾಲುಮ್ ಕೊಯ್ನಿಕಿ ಶು?

5 ಕತೋಬಿ ತಾರೊ ದಿಲ್ ಮೊಂಡ್‌ಬಿ ಕರಣ್ ಹುಯಿರುಸ್. ಇನಖ್ವಾಜೆ ತುಮೆ ದೇವ್ನೊ ಇರಾದೊ ಅಜ್ಜು ನೀತಿಧಿರ್ದವಾನು ನ್ಯಾವ್ತೀರ್ಪ್‌ನ ದನ್ತ ತುಮೂನ ಉಷೇತೆ ನಿಶತ್ತ್ ಅಜ್ಜೂಬಿ ಜಮಕರ್ತೊಹುಯಿನ್ ವಳೇಜ್ಜಾಸ್.

6 ಶನಕತೊ ದೇವ್ ಹರೇಕ್ ಜಣಾನಾಬಿ ಇವ್ಣ ಇವ್ಣ ಕಾಮ್ನ ದೇವ್ಣತೆ ಇನಾಮ್ ದಿಶೆ.

7 ಥೋಡುಜಣು ಅಲ್ಫಾನ ಕರ್ತುಹುಯಿನ್. ಮಹಿಮೆ, ಇಜ್ಜತ್, ಹಮೇಶನಜಾನ್ಮ ಜಿವ್ಣನ ಡೂಂಡಸ್. ಇವ್ಣನ ದೇವ್ ಹರ್‌ಹಮೇಶಾನಿ ಜಿಂದಾಗಿ ದಿಶೆ.

8 ಕತೋಬಿ ಉಭಾರ್ಕತೆ ಅದ್ಮಿಖ್ವಾರು ಶೊಂತ್ ಆಖ್ವಕರವಾಳು ಖ್ವಾಚ್‌ನಲೀನ್ ಚಾಲಾನು ಮ್ವೇಲಿನ್ ರಗಾವ್ಣಿನ್ ಲೀನ್ ಚಾಲಸ್ಕಿ ಇವ್ಣಪರ್ ದೇವ್‌ನೊ ಇರಾದೋಬಿ ಚಂಡಾಳೆಬಿ ರಂಚ್‌ಶೆ.

9 ಪಹಿಲೆ ಯೆಹೂದ್ಯರ್‌ನ ಇನಪಾಲ್ಹಾಳ್ ಯೆಹೂದ್ಯಕಾಹೇತೆ ಇವ್ಣನ ಖರಾಬ್‌ಧಿ ಚಾಲವಾಳ ಹರೇಕ್‌ಜಣಾನ ಉಪ್ಪರ್ ವದೇಖ್ವೆಬಿ, ಲತಾಡಾಬಿ ಆವಾಶೆ.

10 ಕತೋಬಿ ಅಲ್ಫಿ ವಾಟ್‌ಪರ್ ಚಾಲವಾಳ ಅಖ್ವಾಮ ಪಹಿಲೆ ಯೆಹೂದ್ಯರ್‌ನ ಇನಕೇಡೆಥು ಯೆಹೂದ್ಯಕಾಹೇತೆ ಇವ್ಣನ ದೇವ್ ಮಹಿಮೆ ಮರ್ಯಾದಿ ಅಜ್ಜು ಸಮಾಧಾನ್ಮ ದಿಶೆ.

11 ಶನಕತೊ ದೇವ್, ಬೇದ್‌ಭಾವ್ ಕರಾಕೊಯ್ನಿ ದೇವ್ ಹರೇಕ್‌ಜಣಾನ ಎಕ್ಕ್‌ಸ್ ಆಲ್ತಿಮ ತೀರ್ಪ್ ದೇಸ್.

12 ಯೆಹೂದ್ಯರ್‌ಕಾಹೇತೆ ಇವ್ಣೆ ಮೋಶೇನು ಧರ್ಮಶಾಸ್ತ್ರ ನಾರ್ಡ್ವೀನ್ ಪಾಪ್‌ಕರೈತೊ ಧರ್ಮಶಾಸ್ತ್ರ ನಾರ್ಡ್ವೀನಸ್ ನಾಶ್ ಹುಯಿಜಾಶೆ; ಅಜ್ಜು ಯೆಹೂದ್ಯರ್‌ನ ಧರ್ಮಶಾಸ್ತ್ರ ಲ್ಹಾ, ಇವ್ಣೆ ಇನ ಮಹಿರ್ದೀನ್ ಪಾಪ್‌ಕರೈತೊ ಧರ್ಮಶಾಸ್ತ್ರ ಧಿ ತೀರ್ಮಾನ್ ಲಿಶೆ.

13 ಕೋಣೆಬಿ ಖಲಿ ಧರ್ಮಶಾಸ್ತ್ರ ಖ್ವಮ್‌ಜ್ಯುತೊ ದೇವ್‌ಖ್ವಾಮ್ಜೆ ನೀತಿವಾಳು ಉಶೆಕೊಯ್ತೆ. ಕತೋಬಿ ಧರ್ಮಶಾಸ್ತ್ರ ಬೋಲಾತೆ ಹರೇಕ್ ಪಾಡಿಚಾಲವಾಳುಸ್ ನೀತಿವಾಳುಕರಿ ಭೂಣೈಜಾಶೆ.

14 ಯೆಹೂದ್ಯರಾಕಾಹೆತೆ ಇವ್ಣುನ ಧರ್ಮಶಾಸ್ತ್ರ ಕೊಯ್ತೆ ಕತೋಬಿ ಇವ್ಣೆ ಶಾತ್ ಕರಸ್ತಿ ಯೋಅಖ್ವು ಧರ್ಮಶಾಸ್ತ್ರ ನಿಮತ್ ರ್ಡ್ವೀಸ್. ಇವ್ಣುನ ಧರ್ಮಶಾಸ್ತ್ರ ನಾ ರ್ಡ್ವಯುತೋಬಿ ಇವ್ಣುನ ಇವ್ಣೆಸ್ ಧರ್ಮಶಾಸ್ತ್ರ ಹುಯಿರ್ದ್ವೀಸ್.

15 ಇವ್ಣಿ ಚಾಲ್‌ಚಲಣಸ್ ಇವ್ಣ ದಿಲ್ಮ ಧರ್ಮಶಾಸ್ತ್ರನಿ ಹುಕಮ್‌ಅಖ್ವು ಲೀಖ್ಪಿರ್ದ್ವೀಸ್‌ಕರಿ ವತಾಳಿದೇಸ್. ಇವ್ಣಿ ದಿಲ್ವಿಸಾಕ್ಷಿಬಿ ಆಹೈರುತೆ ಖ್ವಾಚುಕರಿ ವತಾಳಿದೇಸ್. ಶನಖ್ವಾಜೆಕತೊ ಏಕೇಕ್‌ಹಲ್ಲ ಇವ್ಣಿ ಸೋಚ್‌ಅಖ್ವು ಇವ್ಣೆಸ್ ಗಲ್ತಿವಾಳಕರಿ ವತಾಳಿದೇಸ್. ಅಜ್ಜು ಏಕೇಕ್‌ಹಲ್ಲ ಇವ್ಣುನ ಬರೋಬರ್‌ಬಿ ಕರಸ್.

16 ಇನಖ್ವಾಜೆ ಮೇ ಬೋಲುತೆ ಸುವಾರ್ತೆನಿಘೋಣಿ ಯೋ ದನ್ಯ ಅಮ್ಮಸ್ ದೇವ್ ಯೇಸುಕ್ರಿಸ್ತಧಿ ಅಖ್ವಾಮ ಗಪ್ಲಧಿ ರ್ಡ್ವೀಯ್ತೆ ಸೋಚ್ ತೀರ್ಪ್ ಕರ್ಶೆ.

ಯೆಹೂದ್ಯರಾ ಅಜ್ಜು ಧರ್ಮಶಾಸ್ತ್ರ

17 ಕತೋಬಿ ತೂ ಯೆಹೂದ್ಯಕರಿ ಬೋಲೈಲ್ಯಾವಾಳ ಧರ್ಮಶಾಸ್ತ್ರನಸ್ ಆಧಾರ್ ಕರಿರಾಖ್ವೊಸ್, ತೂ ದೇವ್‌ಬಾರೇಮ ಬಡೈಮಾರಿಲೇಸ್.

18 ಧರ್ಮಶಾಸ್ತ್ರಧಿ ಉಪದೇಶ್‌ನ ಲೀನ್, ಇನಿ ಖ್ವಾಜೆನ್ ಕರಿರಾಖವಾಳೊಬಿ, ಆಹೈರುತೆ ಬರೋಬರ್‌ನು ಯೋ ಬರೋಬರ್‌ನು ಕಾಹೆಕರಿಬಿ ತರೀಪ್‌ಶ ಕರಾವಾಳೊ ಹುಯಿರ್ದೊಸ್.

19 ಕಾಣಾನ ತೂ ಏಕ್ ಮಾರಗ್ ವತಾಳವಾಳೊ ಹುಯಿರ್ದೊಸ್ ಅಜ್ಜು ಅಂಧಾರಮ ರ್ಡ್ವವಾಳನ ಉಜಾಳು ಹುಯಿರ್ದೊಸ್ ಕರಿ ತುನ ಮಾಲುಮಸ್ ಛಾ.

20 ಶಾತ್ವಿ ಮಾಲುಮ್‌ಕೊಂತೆ ಇವ್ಣುನ ಗುರುಹುಯಿನ್‌ಬಿ, ಧರ್ಮಶಾಸ್ತ್ರನಿ ಬಾರೇಮ ರ್ಡ್ವೀಸೆ ಅಖ್ವಿ ಗ್ಯಾನ್ ಅಜ್ಜು ಖ್ವಾಚು ತುನ ಮಾಲುಮ್ ಛಾ.

21 ಅಲಕ್ ಅದ್ವಿವೋನ ಉಪದೇಶ್ ಕರಾವಾಳೊ ತೂ, ತಾರುತೂಸ್ ಶನ ಕೊ ಶಿಕಾನಿ? ಚೋರ್ ನಾಕರ್ಕ್ಕರಿ ಬೋಧನೆ ಕರಾವಾಳೊ ತೂಸ್ ಚೋರ್ ಕರಸ್ಕಿಶು?

22 ತೂ ವ್ಯಬಿಚಾರ್ ನಾಕರ್ಕ್ಕರಿ ಬೋಲವಾಳೊ ತೂಸ್ ವ್ಯಬಿಚಾರ್ ಕರಸ್ಕಿಶು? ಮೂರತ್ಅಖ್ವಾನ ವಿರೋದ್ ಕರಾವಾಳೊ ತೂ ಮಂದಿರನಾಸ್ ಲೂಟಿ ಕರಾಸ್ಕಿಶು?

23 ಧರ್ಮಶಾಸ್ತ್ರನಿ ಬಾರೇಮ ಬಡೈಮಾರಿಲ್ವವಾಳೊ ತೂ ಯೋ ನಿಯಮ್ಮ ತೋಡನ್ ದೇವ್ ಖ್ವರಮ್ ಕಾಡಸ್ಕಿಶು?

24 “ಯೆಹೂದ್ಯವಾಳ ತುಮಾರ ಖ್ವಾಜೆ ಯೆಹೂದ್ಯರ್ಕಾಹೆತೆ ಅದ್ವಿಯೇವ್ನ ಬೀಚ್ಚ ದೇವ್ ನಾಮ್ ದೂಷಣೆ ಹೂಕರಸ್” ಕರಿ ಪವಿತ್ರದಪ್ತರಮ ಲೀಖ್ತಿರ್ದಸ್.

25 ತೂ ಧರ್ಮಶಾಸ್ತ್ರನ ವಿಧೇಯ ಹುಯಿನ್ ಚಾಲ್ಯೊತೊ ತುನೆ ಕರೈರಾಖ್ಯೊತೆ ಖ್ವತ್ತನ ಫಾಯಿದೊ ಹುಯಿರ್ದೆಶೆ; ಕತೋಬಿ ತೂ ಧರ್ಮಶಾಸ್ತ್ರ ಮೀರಿನ್ ಚಾಲವಾಳೊ ರ್ವಯೊತೊ, ತುನ ಖ್ವತ್ತ ಹುಯಿರ್ದ್ವತೋಬಿ ಹುಯುಕೊಂತೆ ತಿಮ್ ಹುವಾಸ್.

26 ಖ್ವತ್ತ ನಾಕರೈರಾಖವಾಳೊ ಧರ್ಮಶಾಸ್ತ್ರನಿ ನಿಯಮ್ನಿ ಪರಕ್ ಚಾಲ್ಯೊತೊ ಖ್ವತ್ತವಾಳೊ ನಾರ್ವಯೊತೋಬಿ, ಖ್ವತ್ತ ರ್ವಾವಾಳನಿತರ ಗಣಿಮ ರ್ವೀಶ್ಕೊಯ್ಕಿಶು?

27 ತುಮೆ ಖ್ವತ್ತಕರೈರಾಖ್ಯಸ್; ಲೀಖ್ತಿಹುಯು ಧರ್ಮಶಾಸ್ತ್ರನಬಿ ರಾಖಿಮ್ವೆಲ್ಯಸ್ ತೋಬಿ ಇನ ಮೀರಿನ್ ಚಾಲಸ್. ಅಮರ್ಕ್ವೀನ್, ಶರೀರ್ಥಿ ಖ್ವತ್ತ ನಾಕರಾಯತೋಬಿ ಮ್ಹಾಮೂಲಿಥಿ ಧರ್ಮಶಾಸ್ತ್ರನ ಪಾಡಿಚಾಲವಾಳು ಖ್ವತ್ತಕರೈರಾಖ್ಯತೆ ತುಮೂನ ತೀರ್ಪ್ ದಿಶೆ.

28 ಭಾರ್ ಖಲಿ ಯೆಹೂದ್ಯಹುಯಿರ್ದ್ವವಾಳೊ ಯೆಹೂದ್ಯಕಾಹೆ; ಅಜು ಭಾರ್ ಶರೀರಮ ಖಲಿ ಕರಿರಾಖ್ಯತೆ ಖ್ವತ್ತ ಖ್ವಾಙ್ಕು ಖ್ವತ್ತಕಾಹೆ.

29 ಕತೋಬಿ ದಿಲ್ವಮಹಿ ಯೆಹೂದ್ಯ ಹುಯಿರ್ದ್ವವಾಳೋಸ್ ಖ್ವಾಙ್ಕೊ ಯೆಹೂದ್ಯ; ಇಮ್ಮಸ್ ದೇವ್ ಆತ್ಮನ ಕಾಮ್ಥಿಹುವಾನು ಖ್ವತ್ತ ದಿಲ್ವ ಹುವಾಸ್. ಯೋ ಖಲಿ ನಿಯಮ್ನಿ ಲೀಖಾಪಟ್ ಹುಯಿರ್ದ್ವಕೊಯ್ಕಿ.

ದೇವ್‌ಥೀಸ್ ಆವಾನು ಹುಯಿರ್ಟ್ ಪಣ್ಣಿ ಎಥ್ರಾನವಾಳನ ಖ್ವಿರಾಪ್ಪಿ ಅದ್ವಿಧಿ ಆವಾನು ಕಾಹೆ.

3

1 ಇಮ್‌ರ್ಟ್‌ಯುತೊ ಯೆಹೂದ್ಯರ್‌ಹುಯಿನ್ ಯೆಹೂದ್ಯರ್‌ಕಾಹೆತೆ ಅವ್ವೇಧಿ ವಿಶೇಷ್ ಶಾತ್? ನತರ್ ಖ್ವಿತ್ ಕರೈಲ್ಯವಾಧಿ ಹುಯುತೆ ಫಾಯಿದೊ ಶಾತ್?

2 ಖ್ವಾರಿ ಬಾರೇಮ ಬೋಲಾನುಬಿ ಘಣು ಫಾಯಿದೊ ಲ್ಹಾ. ಪಹಿಲೆಥು ದೇವ್ನಿ ವಚನ್ ಯೆಹೂದ್ಯರ್‌ನ ದೆವೈರ್ಟ್‌ಸ್.

3 ಕತೋಬಿ ಇವ್ವಾಮ ಥೋಡಜಣಾನೆ ವಿಶ್ವಾಸ್ ಕರೈನಾಕರೈತೋಬಿ ಶಾತ್? ದೇವ್ ಬಿಣ್ ವಿಶ್ವಾಸ್‌ವಾಳೊಕಿ ಶು?

4 ಕದೇಬಿ ಕೊಯ್ನಿ ಅದ್ವಿಖ್ವಾರು ಝೂಟು ರ್ಟ್‌ಯುತೋಬಿ, ದೇವ್ ಎಕ್ಸ್ ಜಣೊ ಖ್ವಾಚೊ. ಪವಿತ್ರ ದಪ್ತರಮ ಅಮ್ ಲೀಖೈರುಸ್ತಿ, “ತೊ ತಾರಿ ವಾತೇವ್‌ಮಾಸ್ ನೀತಿವಾಳೊಕರಿ ತೀರ್ಮಾನ್ ಹೋಣು. ಹೊಜ್ಜತ್ ಭಿಡಾನಿವಖ್ವಾತೆ ತೊ ಜೂತ್‌ನು” ಕರಿ ಲೀಖೈರ್ಟ್‌ಸ್.

5 ಕತೋಬಿ ಅಪ್ಪಿ ಅನೀತಿಧಿ ದೇವ್ನು ಕಾಮ್‌ಅಖ್ವು ನೀತಿಪರ್ ಭಿಯುಸ್‌ಕರಿ ದೆಖಾವಸ್ ಕರಿ ಬೋಲಿಲಿಯೇಕಿ ಶು? ದೇವ್ ಅಪ್ಪುನ ನಿಶತ್ ದಿದೊತೊ ಇನೆ ಅಪ್ಪುನ ರಗಾಯೊ ಕರಿ ಬೋಲೆಜಾಯ್‌ಕಿ ಶು? ಅನ ಮೇ ಅದ್ವಿನಿ ಪರಕ್ಮಬೋಲು ಕರುಸ್ತೆ.

6 ದೇವ್ ನ್ಯಾವ್‌ಕರಾವಾಳೊ ನಾ ರ್ಟ್‌ಯೊಹೋತ್ತೊ ಯೋ ಜಗತ್ತ್ ತೀರ್ಪ್‌ಕರಾನು ತೋಬಿ ಕಿಮ್ ಉಶೆ?

7 ಮಾರಿ ಝೂಟಿಧಿ ದೇವ್ನು ಖ್ವಾಚಿನ ಉಪ್ಪರ್ ಪಾಡೀನ್ ಇನಿ ಮಹಿಮೆನ ವತಾಳನು ಉಶೇತೊ ಮನ ಪಾಪಿಕರಿ ಕಿಮ್ ತೀರ್ಪ್‌ಹುಯಿಶ್?

8 ಅಮ್ ರ್ಟ್ವಾಪರ್ ಅಱ್ಫುಕರಿ ದೆಖಾವನು ರ್ಟ್ವಿಯುತೊ ಅಪ್ಪೆ ಖರಾಬ್‌ನಾ ಕರೇಜಾಯ್‌ಕರಿ ಶನ ನಾಬೋಲ್ವು. ಇನಖ್ವಾಜೆ ಥೋಡುಜಣು ಮನ ದೂಷಣೆ ಕರೀನ್ ಮಾರಪರ್ ಕೈಏಕ್ ವಾತೆ

ಬೋಲ್ತುಹುಯಿನ್ ಝಿಟ್ಕಾರುಕರಾಸ್. ಎಥ್ರಾನವಾಳನ ನಿಶತ್ ಹುವಾನು ನ್ಯಾವಸ್.

ಕೋಣ್‌ಬಿ ನೀತಿವಾಳು ಕಾಹೆ

9 ಇಮ್‌ಕತೊ ಶಾತ್? ಅಪ್ಲೆ ಯೆಹೂದ್ಯಕಾಹೇತೆ ಇವ್ಲೆಥಿಬಿ ಉಚ್ಚಾಕಿ ಶು? ಕದೇಬಿ ಕೊಯ್ನಿನಿ! ಮೇ ತದೇಸ್ ಯೆಹೂದ್ಯರ್‌ರ್ಟ್ವೊ ಯೆಹೂದ್ಯಕಾಹೆತೆ ರ್ಟ್ವೊ ಖ್ವಾರೂಸ್ ಪಾಪ್ ಮಹಿರ್ಟ್ವಾಳು ಕರಿ ಮೇ ಪಹಿಲೇಸ್ ದೆಖಾಡಿರಾಖ್ಯೊಸ್.

10 “ಪವಿತ್ರ ದಪ್ತರಮ ಲೀಖೈರ್ಟ್ವೆ ತಿಮ್; ಕೋಣ್‌ಬಿ ನೀತಿವಾಳು ಕೊಯ್ನಿ, ಏಕ್ ಜಣೂಬಿ ಕೊಯ್ನಿ.

11 ಅಕ್ಲಿ ಏಕ್ ಜಣೂಬಿ ಕೊಯ್ನಿ. ದೇವ್ ಡೂಂಡಾವಾಳೊ ಏಕ್‌ಬಿ ಕೊಯ್ನಿ.

12 ಖ್ವಾರುಸ್ಲಣು ದೇವ್‌ಥಿ ದೂರ್ ಜೈರ್ಟ್ವೊಸ್, ಖ್ವಾರೂಸ್ ಫಾಯಿದೊಕೊಂತೆ ಹುಯಿರ್ಟ್ವೊಸ್. ಅಲ್ಫು ಕರಾವಾಳೊ ಕೋಣ್‌ಬಿ ಕೊಯ್ನಿ, ಏಕ್ ಜಣೂಬಿ ಕೊಯ್ನಿ.

13 ಇವ್ಲೆನ್ಲೆಟೊಸ್ ನಿಕ್‌ಳಿರ್ಟ್ವೆ ಮಖ್ವಾಣ್ಯ ಹುಯಿರ್ಟ್ವೊಸ್. ಇವ್ಲೆ ಝೂಟು ಜಿಭಾನ್‌ವಾಳು ಹುಯಿರ್ಟ್ವೊಸ್. ಇವ್ಲೆ ಹೋಟ್‌ನ ಪೀಲೆ ಖ್ವಾಪ್‌ನೊ ಝಾರ್ ಲ್ಹಾ

14 “ಇವ್ಲೆ ಮ್ಹೋಡಾಮ ಶಾಪ್ಪ ಶಬರ್, ಭರೈರ್ಟ್ವೊಸ್.

15 “ಇವ್ಲೆ ಗೋಡ ಲ್ಹೋಯಿನ ಕಾಡಾನ ಖದಾಬದುಕರಸ್.

16 ಇವ್ಲೆ ಜಾಸ್ತೆ ಹಿಜ್ಜಾ ಖ್ವತಾಪ್ಪಿಬಿ ನಾಶ್‌ಬಿ ರ್ಟ್ವೆ.

17 ಇವ್ಲೆ ಶಾಂತಿನೊ ಮಾರಗ್‌ನಸ್ ಮಾಲುಮ್ ಕರೈಕೊಯ್ನಿ.

18 ಇವ್ಲೆ ದಿಲ್‌ಮ ದೇವ್‌ನೊ ಧಡುಕೊಸ್ ಕೊಯ್ನಿ.”

19 ಧರ್ಮಶಾಸ್ತ್ರ ಶಾತಸ್ ಬೋಲ್ಕುತೋಬಿ ಧರ್ಮಶಾಸ್ತ್ರನ ಮಹಿರ್ಟ್ವಾಳನಸ್ ಸಂಬಂದ್‌ಪಡಸ್‌ಕರಿ ಅಪ್ಪುನ ಮಾಲುಮ್‌ಲ್ಹಾ. ಅಮ್ ಖ್ವಾರಾಸ್‌ನು ಮ್ಹೋಡು ಖ್ವೊಪೊ ಹುಯಿಜಾಶೆ. ಅಜ್ಜು ಜಗತ್‌ಖ್ವಾರು ದೇವ್ ನ್ಯಾವ್‌ನತೀರ್ಪ್‌ನ ದನ್ಮ ಗಣ್ತಿದೆವ್ಲು ಪಡಾಶೆ.

20 ಶನಕತೊ ಖಿವು ಅದ್ವಿ ರ್ಹಿಯೊತೋಬಿ ದೇವ್ನಿ ನಿಯಮ್ಮ ಧರ್ಮಶಾಸ್ತ್ರನ ಪಾಡಿಚಲಾಧಿ ನೀತಿವಾಳೊಕರಿ ಹುವಾನ ಕಿನೇಥೀಬಿ ಉಶೆಕೊಯ್ನಿ. ಧರ್ಮಶಾಸ್ತ್ರ ಅಪ್ಪಿ ಪಾಪ್ಪುಖಲಿ ವತಾಳಸ್ ಎತ್ರೇಸ್.

ದೇವ್ನಿ ಜೋಡ್ಡ ಅಪ್ಪುನ ನೀತಿವಾಳೊ ಕರಾನು ಕಿಮ್

21 ಕತೋಬಿ ಹಮ್ಮೆ ದೇವ್ ಧರ್ಮಶಾಸ್ತ್ರನಿ ಮದತ್‌ಕೊಂತೇಸ್ ಅದ್ವಿವ್‌ನ ನೀತಿವಾಳೊ ಕರಿಬಣಾವನ ಮಾರಗ್‌ನ ವತಾಳಿರಾಖ್ಯೊಸ್. ಕತೋಬಿ ಆಹೈರುತೆ ಧರ್ಮಶಾಸ್ತ್ರ ಅಜ್ಜು ಪ್ರವಾದಿ ಖ್ವಾರು ಆ ನವಮಾರಗ್‌ನಿ ಬಾರೇಮ ಅಪ್ಪುನ ಬೋಲಿರಾಖ್ಯೊಸ್.

22 ಯೇಸುಕ್ರಿಸ್ತಮ ವಿಶ್ವಾಸ್‌ಕರಾವಾಳಧಿಸ್ ವಿಶ್ವಾಸಿಖ್ವಾರವ್ನ ದೇವ್ನಿ ನೀತಿ ಆಪಾಶೆ. ಅನಾಮ ಖಿವುಬಿ ಅಶಿಲ್ ಕಮ್‌ಶಿಲ್ ಕೊಯ್ನಿ.

23 ಶನಕತೊ ಖ್ವಾರುಸ್‌ಭಣು ಪಾಪ್‌ಕರೀನ್ ದೇವ್ನಿ ಮಹಿಮೆಧಿ ದೂರ್‌ಹುಯಿಗು.

24 ಕತೋಬಿ ದೇವ್ನು ಪುಗಟ್ ವಾರ್‌ಖ್ವೇಧಿ ಇವ್ವುನ ಛುಟ್ಕಾರ್ ದೈವಾವಾಳೊ ಯೇಸುಕ್ರಿಸ್ತಧಿ ನೀತಿವಾಳುಕರಿ ತೀರ್ಪ್‌ಹುವಸ್.

25 ಇನೆ ರಂಜ್ಯೊತೆ ಇನ ಲ್ಹೊಯಿಧಿ ಇನ ಉಪ್ಪರ್ ಭರೋಖ್ವೊ ರಾಖವಾಳ ಹರೇಕ್ ಪಾಪ್ ಪರಿಹಾರ್ ಹೋಣುಕರಿ ಇನಾಸ್ ಸಮರ್ಪಣ್ ಕರಿಲಿದೊ. ಪಾಲ್ಲ್ಯಾ ಹಗಾಮ್ ಅದ್ವಿವೋನೆ ಕರೈತೆ ಪಾಪ್ಪು ಬರೋಬರ್‌ನಿ ನಿಶತ್ ದಿದೊಕೊಂತೆ ದೇವ್ನಿ ಖ್ವಮಾಳಿನಿನ್ ಚಾಲ್ಯೊ.

26 ಅಮ್ಮಿಪರಕ್ ದೇವ್ ಮೇ ನೀತಿವಾಳೊಕರಿ ವತಾಳಿಲೇಸ್. ಅಜ್ಜು ಯೋ ಯೇಸುನ ವಿಶ್ವಾಸ್‌ಕರಾವಾಳ ಹರೇಕ್ ನೀತಿವಾಳಕರಿ ಬಣಾವಸ್.

27 ಅಮ್‌ರೈವಪರ್ ಅಪ್ಪಿ ಬಾರೇಮ ಬಡೈಮಾರಿಲ್ಯವಾನ ಶನುಬಿ ಮೋಕ ಳಾಕಿಶು? ಕೊಯ್ನಿ. ಅಪ್ಪೆ ಧರ್ಮಶಾಸ್ತ್ರನ ಪಾಡಿ ಚಾಲಿಯೇಸ್‌ಕಿ ಶು! ಶನ? ಅಪ್ಪೆ ಶನ ವಿಶ್ವಾಸ್ ಕರ್‌ಯೇಸ್‌ಕಿ ಯೊ ಅಪ್ಪುನ ಊಚ್ಚು ಕರಾನಖ್ವಾಜೆ ಮೋಕ ದೇಸ್.

28 ಧರ್ಮಶಾಸ್ತ್ರ ಬೋಲಾತೆ ಕಾಮ್‌ಧಿ ಕಾಹೆ ಪಣ್ಣಿ, ಖಲಿ ವಿಶ್ವಾಸ್‌ಧಿಸ್ ಖಿವೊಬಿ ಅದ್ವಿ ನೀತಿವಾಳೊಕರಿ ಗಣ್ಣಿಮ ಆವಸ್.

29 ದೇವ್ ಯೆಹೂದ್ಯರನ ಖಲಿ ದೇವ್‌ಕಿಶು? ಯೋ ಯೆಹೂದ್ಯರಕಾಹೆತೆ ಇವ್ಣುನಾಬಿ ದೇವ್‌ಹುಯಿರ್ದೋಸ್ ಕೊಯ್ತಿಕಿಶು? ಒಹೊ, ಯೆಹೂದ್ಯರಕಾಹೆತೆ ಇವ್ಣುನಾಬಿ ದೇವ್‌ಹುಯಿರ್ದೋಸ್.

30 ದೇವ್ಣೆ ಖ್ವತ್ತವಾಳಾನ ನೀತಿವಾಳುಕರಿ ತೀರ್ಪ್‌ಕರಾನ ಇವ್ಣಿ ವಿಶ್ವಾಸಸ್ ಆಧಾರ್. ಇಮ್ಮಸ್ ಖ್ವತ್ತಕೊಂತೆ ಇವ್ಣುನ ತೀರ್ಪ್‌ಕರಾನಾಬಿ ವಿಶ್ವಾಸಸ್ ಕಾರಣ್ ಹುಯಿರುಸ್.

31 ಇಮ್‌ಕತೊ, ಅಪ್ಣೆ ವಿಶ್ವಾಸ್‌ಧಿ ಧರ್ಮಶಾಸ್ತ್ರನ ಬಿಣ್ ಮತ್ಲಬ್‌ನು ಬಣ್ಣೆನಾಖೆಸ್‌ಕಿಶು? ಕದೇಬಿ ಕೊಯ್ತು ಅಪ್ಣೆ ಧರ್ಮಶಾಸ್ತ್ರನ ಖಲಿ ಪಾಡಿಧರಿಯೇಸ್.

4

ಅಬ್ರಹಾಮ್‌ನಿ ಉದಾಹರಣೆ

1 ಇಮ್‌ಕತೊ ಅಗ್ಲಿ ಪಿಳೆಗಿವಾಳಾನ ಅಪ್ಪುನ ಗುರುಗುರಬ್‌ಲೊ ಅಬ್ರಹಾಮ್‌ನೆ ಅನಿ ಬಾರೇಮ ಶಾತ್‌ಲೀಲಿದೊಕರಿ ಅಪ್ಣೆ ಬೋಲಿಯೆ?

2 ಅಬ್ರಹಾಮ್ ಇನ ಅಲ್ಫಕಾಮ್‌ಧಿ ನೀತಿವಾಳೊಕರಿ ತೀರ್ಪ್‌ಲವಾಳೊ ಹುಯಿರೊಹೊತ್ತೊ ಖ್ವಿರಾಪ್ಪಿ ಕರೈಲ್ಯಾವಾನ ಇನ ಮೋಕ ರ್ದಿಯುಹೊತ್. ಕತೋಬಿ ದೇವ್ ಖ್ವಾಮ್ಣೆ ಕಾಹೆ,

3 “ಧರ್ಮಶಾಸ್ತ್ರ ಅಮ್‌ಬೋಲಾಸ್, ಅಬ್ರಹಾಮ್‌ನೆ ದೇವ್ ವಿಶ್ವಾಸ್ ಕರ್ದೊ; ಯೋ ವಿಶ್ವಾಸ್ ಇನಿ ಗಣ್ಣಿಮ ನೀತಿಕರಿ ಗಣ್ಣಿ ಹುಯೊ”.

4 ಕಾಮ್‌ಕರಾವಾಳನ ಮಳಾತೆ ಮಜ್‌ದೂರಿ ಕೃಪೆಧಿ ಕಾಹೆ. ಯೋ ಇನ ಮಳ್ಳುಧೂತೇಸ್ ಕರಿ ಗಣ್ಣಿ ಹುವಾಸ್.

5 ಕತೋಬಿ ಏಕ್ ಜಣೊ ಇನು ಶೊಂತ್ ಕಾಮ್ನ ಉಪ್ಪರ್ ವಿಶ್ವಾಸ್ ಕರಾನು ಮ್ಹೇಲಿನ್, ಗಲ್ತಿವಾಳಾನ ನೀತಿವಾಳೊಕರಿ ಕರಾವಾಳ ದೇವ್ ಉಪ್ಪರ್ ಇನಿ ವಿಶ್ವಾಸ್ ಕರಾನುರ್ದಿಯುತೊ ಆ ಇನೊ ಭರೋಖೊ ಇನ ನೀತಿವಾಳೊಕರಿ ಗಣ್ಣಿಕರಸ್.

6 ದೇವ್ ಕಿನು ಅಲ್ಲು ಕಾಮ್ ದೇಖಸ್ ಕೊಯ್ತೆ ನೀತಿವಾಳೊ ಕರಿ ಗಣ್ತಿ ಕರಸ್ಕಿ ಯೋಸ್ ಧನ್ಯಕರಿ, ದಾವೀದಜಿನು ಅಮ್ ಬೋಲಸ್. ಕಿಮ್‌ಕತೊ,

7 “ಕಿನು ಗಲತ್‌ಖ್ವಾರು ಪರಿಹಾರ್ ಹುಯಿರ್ಲ್ಲ್ಯಾಸ್ಕಿ, ಕಿನು ಪಾಪ್‌ಖ್ವಾರು ಕ್ಷಮಾಪಣ್ ಹುಯಿರ್ಲ್ಲ್ಯಾಸ್ಕಿ ಯೋಸ್ ಧನ್ಯ ಹುಯಿರ್ಲ್ಲ್ಯಾಸ್.

8 ಪ್ರಭು ಕಿನ ಪಾಪ್‌ನ ಗಣ್ತಿಮ ಲೇಯ್‌ಕೊಯ್ತೆ ಯೋ ಅದ್ಕಿ ಖ್ವಾಚಮಸ್ ಧನ್ಯ!”

9 ಯೋ ಆಶೀರ್ವಾದ್‌ನಿ ವಚನ್ ಖಲಿ ಖ್ವತ್ತ್ ಹುಯಿರ್ಲ್ಲ್ಯಾಳನಕೀ ನತರ್ ಖ್ವತ್ತ್ ಕರ್ತೊಖಕೊಂತೆ ಇವ್ಣುನಾಬಿ ಛಾಕಿ ಶು? ಶನಖ್ವಾಚೆಕತೊ ಪವಿತ್ರ ದಪ್ತರಮ ಅಮ್ ಬೋಲ್ತೊರ್ಲ್ಲ್ಯಾಸ್, “ಅಬ್ರಹಾಮ್ ಇನಿ ವಿಶ್ವಾಸ್‌ಥೀಸ್ ನೀತಿವಾಳೊಕರಿ ಗಣ್ತಿ ಹುಯೊ”.

10 ಯೋ ಕದೆ ಹುಯುತೆ? ಇನ ಖ್ವತ್ತ್ ಹುಯಿಗುತೆ ತದೇಕಿ ಖ್ವತ್ತ್‌ಹುವಾನ ಪಹಿಲೆ? ಯೋ ಖ್ವತ್ತ್ ಹುಯುತೆ ತದೇಕಾಹೆ, ಖ್ವತ್ತ್‌ಹುವಾನ ಅಗಾಡಿಸ್.

11 ಒಹೊ, ಖ್ವತ್ತ್‌ಹುವಾನ ಪಹಿಲೇಸ್ ಇನಠೂತೆ ವಿಶ್ವಾಸ್‌ನು ಖ್ವಣೇದ್ ಹುಯಿನ್, ನೀತಿನು ಮುದ್ರಾನ ಲೀಲಿದೊ. ಅಮ್‌ರ್ಲ್ಲ್ಯಾಪರ್ ಯೊ ವಿಶ್ವಾಸ್‌ಕರವಾಳ ಅಖ್ವಾನಾಬಿ, ಇವ್ಣುನ ಖ್ವತ್ತ್ ನಾ ಹುಯುತೊಬಿ ಅಬ್ರಹಾಮ್ ಅಖ್ವಾಸ್ನ ಆತ್ಮಿಕ ಬಾಹುಯೊ. ಇನಖ್ವಾಚೆ ಇವ್ಣೆ ನೀತಿವಾಳಕರಿ ಗಣ್ತಿಮಹುಯು.

12 ಎತ್ರೇಸ್ ಕಾಹೆ ಖ್ವತ್ತ್ ಹುಯಿರ್ಲ್ಲ್ಯಾಳನಾಬಿ ಯೊ ಬಾ ಹುಯಿರೊಸ್, ಇವ್ಣುನಖಲಿ ಖ್ವತ್ತ್ ಹುಯಿರ್ಲ್ಲ್ಯಾ ಇನಖ್ವಾಚೆ ಕಾಹೆ ಕತೊಬಿ ಅಪ್ಲೊ ಗುರುಗುರಬ್‌ಲೊ ಹುಯಿರ್ಲ್ಲ್ಯಾತೆ ಅಬ್ರಹಾಮ್‌ನ ಖ್ವತ್ತ್‌ಹುವಾನ ಪಹಿಲೆ ಥೂತೆ ವಿಶ್ವಾಸ್‌ನ ಮಾರಗ್‌ಪರ್ ಇವ್ಣೆಬಿ ಚಾಲಸ್ ಇನಖ್ವಾಚೆ ಇವ್ಣುನ ಯೊ ಬಾ ಹುಯಿರೊಸ್.

ವಿಶ್ವಾಸ್‌ಥಿ ದೇವ್‌ವಿವಾಘಾನ್ ಲಿದೋತೆ

13 ಜಗತ್‌ನಾಸ್ ಹಕ್‌ದಾರ್ ಉಷೆಕರಿ ಬೋಲಾನು ವಾಗ್ಡಾನ್ ಅಬ್ರಹಾಮ್ ಧರ್ಮಶಾಸ್ತ್ರನ ಪಾಡಿ ಚಾಲುಕತೋಛೋತಿ ಇನಖ್ವಾಜೆ ಕಾಹೆ. ವಿಶ್ವಾಸ್‌ಧಿ ಆವಾತೆ ನೀತಿಹುಯಿರ್ಟ್ಸ್.

14 ಶನಕತೊ ಧರ್ಮಶಾಸ್ತ್ರಧಿ ಜಿವವಾಳೂಸ್ ಹಕ್‌ದಾರ್ ರ್ವಯೂತೊ, ವಿಶ್ವಾಸ್‌ನ ಮತ್‌ಲಬ್ ಕೊಂನೈ ಹುಯಿಜಾಶೆ. ವಾಗ್ಡಾನ್ ಬಿಣ್‌ಫಾಯಿದಾನು ಹುಯಿಗು

15 ಶನಕತೊ ಧರ್ಮಶಾಸ್ತ್ರ ಅದ್ಮಿವೋನ ದೇವ್ ಇರಾದಮ ನಾಖಸ್, ಕತೋಬಿ ಧರ್ಮಶಾಸ್ತ್ರ ನಾ ರ್ವಿಯುಹೊತ್ತೊ ಇನ ವಿಧೇಯ ದೈವಾನುಬಿ ಕೋ ರ್ವಿಯುಹೊತ್ತಿ.

16 ಇನಖ್ವಾಜೆ ಯೋ ವಾಗ್ಡಾನ ವಾರ್‌ಖ್ವೇಧಿಸ್ ಮಳಸ್. ಆ ವಾಗ್ಡಾನ್ ಧರ್ಮಶಾಸ್ತ್ರನ ಆಧಾರ್ ಹುಯಿರ್ಟ್ವೆ ಇವ್ಣುನಾಸ್ ಕಾಹೆತೆ, ಅಬ್ರಹಾಮ್‌ನಬಿ ಇನಿ ಪಿಳ್ಗಿವಾಳಾನ ಫುಗಟ್‌ಧಿ ಮಳಾಸ್ತೆ ವಾಗ್ಡಾನಸ್ ಇನಾಮ್ ಹುಯಿರ್ಟ್ವೆ. ಅಮ್ ಅವ್ಣೆ ಅಬ್ರಹಾಮ್‌ನಿ ಘೋಣಿ ಭರೋಖ್ವೊ ಕರ್ತೆ ಶನಕತೊ ಯೋ ಅಪ್ಪಖ್ವಾರಸ್‌ನ ಬಾ ಹುಯಿರ್ಟ್ವೊಸ್.

17 “ಮೇ ತುನ ಕೈಏಕ್ ಜಗ್‌ಜಾತ್‌ನ ಅದ್ಮಿವೋನ ಬಾಕರಿ ದೀರಾಖ್ಯೊಸ್!” ಕರಿ ಪವಿತ್ರ ದಪ್ತರಾಮ ಲಿಖೈರ್ಟ್ವೆ. ದೇವ್ ಮರಾವಾಳನ ಜಾನ್ ದೈವಾಳೋಬಿ, ಕೋರ್ಟ್ವಿಂತೆ ಇನ ರ್ವವಾನಿತರ ಕರವಾಳೋಬಿ ಹುಯಿರೋತಿ ದೇವಾಮ್ ಅಬ್ರಹಾಮ್‌ನೆ ವಿಶ್ವಾಸ್‌ಕರ್ಟ್ಯೊ ಇನಖ್ವಾಜೆ ಆ ವಾಗ್ಡಾನ್ ದೇವ್‌ಧೀಸ್ ಇನೆ ಲಿದೊ.

18 ಭರೋಖ್ವೊ ರಾಖಾನ ಶನು ಆಧಾರ್ ನಾರ್ವಿಯುತೋಬಿ ಅಬ್ರಹಾಮ್‌ನೆ ನಂಬ್ಯೊ ಅಜು ಭರೋಖ್ವೊ ಕರ್ಟ್ಯೊ ಅಮ್‌ಸ್ ಕೈಯೇಕ್ ದೇಖ್ವೊ ಆತ್ಮಿಕ ಬಾಹುಯೊ. ಪವಿತ್ರ ದಪ್ತರಾಮ ತಾರಿ ಪಿಳ್ಗಿ ಆಪ್‌ನ ಶುಕ್ಕರನಿತರ ರ್ಟ್ವಿಶೆ. ಕರಿ ಪವಿತ್ರ ದಪ್ತರಾಮ ಬೋಲ್ಕುತೆ ತಿಮ್.

19 ಯೋ ತದೇಸ್ ಖ್ವುಮಾರ್ ಖ್ವೊ ವರಖ್ವೊನೊ ಹುಯಿರ್ಟ್ವೊ ಇನು ಶರೀರ್ ತದೇಸ್ ಕಮ್ಲಯಿಗೈಧಿ, ಇನಿ ಬಾವಣ್ ಸಾರನ ಲಡ್ಡಹುವಾನ ದನ್ ಖ್ವುತಮ್ ಹುಯಿಗುತೋಬಿ, ಯೋ ವಿಶ್ವಾಸ್‌ಮ ಕಮ್‌ಜೋರಿ

ಹುಯೊಕೊಯ್ನಿ.

20 ಇನೆ ದೇವ್ನಿ ವಾಗ್ದಾನ್ ಕರೊಯ್ತೆ ಬಾರೇಮ. ಯೋ ಅವಿಶ್ವಾಸ್‌ಧಿ ಗುಮಾನಿ ಕರೊಯ್ತೆ ಯೋ ಹಿಮ್ಮಡ್ಲಿ ಭರೈನ್. ಇನೆ ದೇವ್ನಿ ಮಹಿಮೆ ಕರೊಯ್ತೆ.

21 ಯೋ ವಾಗ್ದಾನ್ ಚಲಾವನ ದೇವ್ ಶಕತ್‌ವಾಳೊ ಹುಯಿರೊಯ್ತೆ ಕರಿ ಪೂರ ಘಟ್‌ಧಿ ಭೀರವಾಳೊ ಹುಯೊ.

22 ಇನಖ್ವಾಜೆ ಅಬ್ರಹಾಮ್ ಇನಿ ವಿಶ್ವಾಸ್‌ಧೀಸ್ “ನೀತಿಕರಿ ಗಣ್ತಿ ಹುಯೊ”.

23 ಯೋ ನೀತಿವಾಳೊ ಗಣ್ತಿಹುಯು, ಕರಿ ಬೋಲಾನಿ ವಾತೆಖಲಿ ಇನ ಏಕ್‌ಭಣಾನ ಖ್ವಾಜೆಸ್ ಕಾಹೆ.

24 ಹೈರುತೆ ಅಪ್ಪಖ್ವಾಜೆಬಿ ಕತೊ, ಅಪ್ಪೊ ಪ್ರಭು ಯೇಸುಕ್ರಿಸ್ತನ ಮರ್ತ್ಯಹುಯಮಾಧು ಉರಾಡ್ಯೊತೆ ದೇವ್ನಿ ವಿಶ್ವಾಸ್ ಕರಾವಾಳು ಅಜ್ಜು ನೀತಿವಾಳ ಕರಿ ಬೋಲೈರೊತೆ ಅಪ್ಪುನಾಬಿ ಲಿಖೈರೊ.

25 ದೇವ್ ಯೇಸುನ ಅಪ್ಪ ಪಾಪ್‌ಖ್ವಾಜೆ ಮರಣ್ಣ ದೀನಾಖಿನ್ ಅಜ್ಜು ಅಪ್ಪುನ ನೀತಿವಾಳ ಕರಿ ತಿರ್ಮಾನ್ ಹುವಾನಖ್ವಾಜೆಸ್ ಜಾನ್‌ಧಿ ಉರಾಡೈಗಯೊ.

5

ದೇವ್ನಿ ಜೋಡ್ಲನೀತಿ

1 ಅಮರ್ತ್ವಾಪರ್ ವಿಶ್ವಾಸ್‌ಧಿ ನೀತಿವಾಳುಕರಿ ತೀರ್ಪ್ ಲೀಲಿದಾತೆ ಅಪ್ಪುನ ಅಪ್ಪೊ ಪ್ರಭು ಯೇಸುಕ್ರಿಸ್ತಧಿ ದೇವ್ನಿ ಜೋಡ್ಲ ಸಮಾಧಾನ್ ರೊಯ್.

2 ಇನೆ ಅಪ್ಪುನ ವಿಶ್ವಾಸ್‌ಧಿ ದೇವ್ನಿ ಕೃಪೆನ ಆಖೊರಾಮ ಲಾಯೊ. ಹಮ್ಮೆ ಅಪ್ಪೆ ಇನಮಹಿ ಜಿವುಕರಿಯೇಸ್. ಇನಖ್ವಾಜೆ ದೇವ್ನಿ ಮಹಿಮೆಮ ಅಪ್ಪೆ ಭಾಗ್‌ಹುಯಿರೊಯ್ತೆ ನಂಬಿನ್ ಇನಮಹಿ ಅಪ್ಪೆ ಹುಮ್ಮಖ್ವೊ ಲಿಯೇಸ್.

3 ಎತ್ರೇಸ್ ಖಲಿಕಾಹೆ, ಅಪ್ಪುನ ಆವಸ್ತೆ ಖ್ವತಾಪ್ಪಿಮಾಬಿ ಖುಷಿಧಿ ಥಿಯೆ. ಕತೋಬಿ ಖ್ವತಾಪ್ಪಿ ಖ್ವಮಾಳಿ ರ್ವ್ವಾನ ಶಿಕಾಡಸ್‌ಕರಿ ಅಪ್ಪುನ ಮಾಲುಮ್ ಥಾ.

4 ಖ್ವಮಾಳಿಲ್ಯವಾನು ಹುಯಿರ್ದ್ವತೆ ಅಪ್ಪುನ ದೇವ್‌ಮ ಘಟ್‌ಥಿ ರ್ವ್ವಾಖ್ವಾರ್‌ಕು ಕರಸ್, ಅಜ್ಜು ದೇವ್‌ಮ ಘಟ್‌ಥಿ ರ್ವ್ವಿಯಾತೊ ಅಪ್ಪಾಮ ಭರೋಖ್ವಾನ ಉಬ್‌ಜಾವಸ್.

5 ಆ ಭರೋಖ್ವೊ ಕದೇಬಿ ನಿರಾಶ್ ಕೋಕರ್‌ಶೇನಿ, ಶನಕತೊ ದೇವ್ನಿ ಪ್ಯಾರ್ ಅಪ್ಪುನ ಇನಿ ವರಹುಯಿರ್ದ್ವತೆ ಪವಿತ್ರಾತ್ಮಧಿ ಅಪ್ಪ ದಿಲ್ಮಿ ರಂಚಿರಾಖ್ವೊಸ್.

6 ಅಪ್ಪೆ ಪಾಪ್‌ಥಿ ಬಿಣ್ ಶಕತ್‌ವಾಳ ಹುಯಿರಾತೆ ತದೇಸ್ ದೇವ್ನೆ ಚೂಣಿಲಿದೊತೆ ವೇಳ್ ಕ್ರಿಸ್ತನೆ ಖರಾಬ್ ಅದ್ವಿವೋನಖ್ವಾಜೆ ಮರ್ರೊ.

7 ಏಕ್ ನೀತಿವಾಳನಖ್ವಾಜೆ ಜಾನ್‌ದ್ಯವಾನು ಘಣು ಮುಶ್ಕಿಲ್. ಅಛೊ ಏಕಜ್ಞಾನಖ್ವಾಜೆ ಜಾನ್‌ದ್ಯವಾನು ಹಿಮತ್ ಕರ್ರ್ಯತೋಬಿ ಕರೆಭಾಯ್.

8 ಕತೋಬಿ ಅಪ್ಪೆ ಪಾಪಿ ಹುಯಿರ್ದ್ವಾನಿ ವಖ್ವೆತೇಸ್ ಕ್ರಿಸ್ತನೆ ಅಪ್ಪಖ್ವಾಜೆ ಮರೀನ್ ದೇವ್ನೆ ಅಪ್ಪಪರ್ ಇನಛಾತೆ ಪ್ಯಾರ್‌ನ ವತಾಳಿರಾಖ್ವೊಸ್.

9 ಕ್ರಿಸ್ತನ ಲೋಯಿಧಿ ಅಪ್ಪೆ ಹಮ್ನೆ ದೇವ್ನಿಜೋಡ್ವ ನೀತಿವಾಳಕರಿ ಚೂಣ್ವೆರ್ದಾಸ್. ದೇವ್ನೆ ಚಂಥಾಳ್‌ಥಿ ಇನಭಣಿಥು ಅಜೂಬಿ ಕೆತ್ರಿ ಘಣೇಧಿ ಬಚಿಜಾವಾಳ ಹುಯಿರ್ದ್ವಿಶು?

10 ಅಪ್ಪೆ ದೇವ್ನೆ ವಹೇರ್ಯ ಹುಯಿರ್ದ್ವಾನಿ ವಖ್ವೆತೇಸ್. ಅಪ್ಪುನ ಇನ ಥಿಯ್ಯಾನಿ ಮರಣ್‌ಥಿ ಅಪ್ಪುನ ಇನ ದೋಸ್ತಿಖ್ವಾರ ಕರಿ ಬಣ್ವೆರಾಖ್ವೊಸ್. ಹಮ್ನೆ ಅಪ್ಪೆ ದೇವ್ನೆ ದೋಸ್ತಿಹುಯಿರಾತೆ ಇನಖ್ವಾಜೆ ದೇವ್ ಇನ ಥಿಯ್ಯಾನ ಜಾನ್‌ಥಿ ಅಪ್ಪುನ ಕೆತ್ರಿ ಭಾಖ್ವತ್ ರಕ್ಷಣೆ ನಾಮಳ್‌ನು?

11 ಕತೋಬಿ ಅಪ್ಪುನ ದೇವ್ನೆ ದೋಸ್ತಿ ಹುವಾಖ್ವರ್ಕು ಕರ್ರೊತೆ ಅಪ್ಪೊ ಪ್ರಭು ಯೇಸುಕ್ರಿಸ್ತಧಿ ದೇವ್ ಕರ್ರೊತೆ ಕಾಮ್ನಖ್ವಾಜೆ ಅಪ್ಪೆ ಖುಷಿ

ಕರ್ಯೆಸ್.

ಆದಾಮ್ ಅಭು ಕ್ರಿಸ್ತ

12 ಇನಖ್ವಾಜೆ, ಏಕ್‌ಜಣೇಧಿ ಜಗತ್‌ಮ ಪಾಪ್‌ಆಯು ಅಭು ಯೋಪಾಪ್ ಇನಿಜೋಡ್ ಮರಣ್ಣಾಬಿ ಲಾಯು. ಅನಖ್ವಾಜೇಧಿ ಮರಣ್ ಅಖ್ವಾ ಅದ್ಮಿವೋನ ಉಪ್ಪರ್ ಪೈಲಾಯು ಶನಖ್ವಾಜೆಕತೊ ಅಖ್ವಾಜಣು ಪಾಪ್‌ಕರ್ಯ್.

13 ಧರ್ಮಶಾಸ್ತ್ರ ದೆವವಾನ ಅಗಾಡಿಸ್ ಪಾಪ್ ಜಗತ್‌ಮಾ ಧು. ಕತೋಬಿ ಧರ್ಮಶಾಸ್ತ್ರ ಕೊಯ್ನಿತಿ ತದೆ ಪಾಪ್ ಗಣ್ತಿಮ ಕೋ ಆಯುಹೋತ್ಸಿ.

14 ಕತೋಬಿ ಮರಣ್ ಅದಾಮ್‌ಧಿ ಮೋಶೆಲಗು ರಾಜ್ ಚಲವ್‌ಕರ್ತುಧು. ಆದಾಮನೆ ಕರ್ಯ್‌ತಿ ಅಪರಾದ್‌ನಖ್ವಾಜೆ ಪಾಪ್‌ಕೊಕರಾಂತೆ ಇವ್ವ ಉಪ್ಪರ್‌ಬಿ ಯೋ ರಾಜ್ ಚಲವ್‌ಕರ್ತುಧು. ಯೊ ಆದಾಮ್ ಅಗಾಡಿ ಆವಾಳೊಧೋತೆ ಏಕ್‌ಜಣಾನ ಖ್ವಣೇದ್ ಹುಯಿರಯ್ಲೋಸ್.

15 ಕತೋಬಿ ಬೇಜಣಾಮ ಫರಕ್ ಲ್ಹಾ. ಶನಕತೊ ದೇವ್ನಿ ಪುಗಟ್ ಇನಾಮ್ ಆದಾಮ್‌ನಿ ಪಾಪ್‌ನಿಘೋಣಿ ಕಾಹೆ. ಆ ಏಕ್‌ಜಣಾನಿ ಪಾಪ್‌ಖ್ವಾಜೆ ಕೈಯೇಕ್‌ಜಣು ಮರ್ಯ್‌ತಿ ಖ್ವಾಚಿಸ್, ಕತೋಬಿ ದೇವ್ನಿ ವಾರ್‌ಖ್ವೇಧಿ ಮಳಾತೆ ವರ ಯೇಸುಕ್ರಿಸ್ತ ಕರಿ ಆ ಏಕ್‌ಜಣಾನ ಗೋರ್‌ಧಿ ಕೈಏಕ್‌ಜಣಾನ ಮಳಾನುಬಿ ಖ್ವಾಚಿಸ್.

16 ದೇವ್ನಿ ಇನಾಮ್ ಅಭು ಏಕ್ ಅದ್ಮಿನ ಪಾಪ್‌ಮ ಪರಕ್ ಲ್ಹಾ. ಏಕ್‌ಜಣಾನ ಪಾಪ್ ನ್ಯಾವ್‌ನು ತೀರ್ಪ್‌ಹುಯಿನ್ ನಿಶತ್ ಮಳ್ಳು ಕತೋಬಿ ಕೈಯೇಕ್‌ಜಣಾನ ಪಾಪ್‌ಪೀರೆ ಗಲ್ತಿವಾಳೊ ಕಾಹೆಕರಿ ಬೋಲಾನು ಊಚು ಇನಾಮ್ ಆಯು.

17 ಏಕ್‌ಅದ್ಮಿನೆ ಕರ್ಯ್‌ತಿ ಅಪರಾದ್‌ಧಿ ಮರಣ್ ರಾಜ್ ಚಲಾಯುಕರಿ ಬೋಲಾನು ಖ್ವಾಚುಹುಯು. ಕತೋಬಿ ಕಾಮ್ನು ಪ್ರತಿಫಲ್ ಕೆತ್ರಿ ಮಹಾನ್ ಹುಯಿರಯ್ಲೋಸ್ ಯೋಸ್‌ಯೇಸು ಕ್ರಿಸ್ತಹುಯಿರಯ್ಲೋಸ್. ದೇವ್ನಿ ಚೆಹೆಳ್ ವಾರ್‌ಖ್ವಾನಾಬಿ ನೀತಿನಿ ವರನಾಬಿ ಲೀಲ್ಯಾವಾಳ ಖ್ವಾರ್‌ಸ್ ಅಭು ಪುಗಟ್‌ಧಿ ನೀತಿವಾಳಕರಿ ಬೋಲೈಲ್ಯವಾಳುಬಿ ಹುಯಿನ್

ಯೇಸುಕ್ರಿಸ್ತಕರಿ ಆ ಏಕ್‌ಜಣಾನಿ ಜೋಡ್ಡ ಜಾನ್‌ಭರೈನ್ ರಾಜ್‌ಭಾರ್ ಕರಾನು ಹುಯು.

18 ಅಮ್‌ರೈವಾಪರ್ ಆದಾಮ್‌ನಿ ಏಕ್ ಅಪರಾದ್‌ಧಿ ಖ್ವಾರಾಸ್ ಅದ್ವಿಪರ್ ಮರಣ್‌ಕರಿ ಅಪರಾದ್ನಿ ತೀರ್ಪ್ ಕಿಮ್‌ನಾಝ್ಕಿ ಇಮ್ಮಸ್ ಕ್ರಿಸ್ತನಿ ಎಕ್‌ಸನೀತಿನ ಕಾಮ್‌ಧಿ ಖ್ವಾರಾಸ್ ಅದ್ವಿನ ನೀತಿವಾಳುಕರಿ ಛುಟಾರ್‌ಹುಯು ಅಜ್ಜು ಜಾನ್ ದೆವಾಯು.

19 ಕಿಮ್ ಏಕ್ ಅದ್ವಿನಿ ಅವಿಧೇಯತೆಧಿ ಕೈಯೇಕ್‌ಜಣು ಪಾಪಿಕರಿ ಗಣ್ಣಿ ಹುಯುಕಿ ತಿಮ್ಮಸ್, ಏಕ್ ಅದ್ವಿನಿ ವಿಧೇಯಾಧಿ ಕೈಯೇಕ್‌ಜಣು ನೀತಿವಾಳುಕರಿ ಗಣ್ಣಿಲುಶೆ.

20 ಗಲತ್ ಅಫ್ಫಿ ಜಾಖ್ವತ್ ಹೋತುಆಯು ಕಿಮ್ಮಿ ಧರ್ಮಶಾಸ್ತ್ರಬಿ ಇನಜೋಡೆಸ್ ಆಯು. ಕತೋಬಿ ಪಾಪ್ ಜಾಖ್ವತ್ ಕಿಮ್‌ಹುಯುಕಿ, ವಾರ್‌ಖೊಬಿ ಬಿಜೂಬಿ ಜಾಖ್ವತ್ ಹುಯು.

21 ಕಿಮ್ ಪಾಪ್ ಮರಣ್‌ಧಿ ರಾಜ್ ಚಲಾಯುಕಿ ಇಮ್ಮಸ್ ದೇವ್ನಿ ವಾರ್‌ಖೊ ಅಪ್ಪೊ ಪ್ರಭು ಯೇಸುಕ್ರಿಸ್ತಧಿ ಹರ್‌ಹಮೇಶಾನಿ ಛಿಂದಾಗಿ ದೈವಾನ ನೀತಿಧಿ ರಾಜ್ ಚಲಾವಸ್.

6

ಪಾಪ್‌ಮ ಮರಾನುರೈಯುತೊ ಕ್ರಿಸ್ತನಿ ಗಳ್‌ಜೋಡ್ಡ ಜಿವ್ವು ಹುಯಿರೈವಾನು

1 ಇಮ್‌ಕತೊ ಅಪ್ಪೆಶಾತ್ ಬೋಲ್‌ಯೇ? ದೇವ್ನಿ ವಾರ್‌ಖೊ ಜಾಖ್ವತ್ ಹುವಾದೆಕರಿ ಅಪ್ಪೆ ಪಾಪ್‌ಮಸ್ ಭಡ್‌ಯೆಕಿ ಶು?

2 ಇಮ್ ಕದೇಬಿ ನಾ ಹೋಣು. ಅಪ್ಪೆ ಪಾಪ್ ಭಾಗ್ನ ಮರಿಗಯ, ಅಪ್ಪೆ ಬಿಜೂಬಿ ಪಾಪ್‌ಮ ಬಚಾನು ಕಿಮ್?

3 ನತರ್ ಕ್ರಿಸ್ತಯೇಸುನಿ ಗಳ್‌ಜೋಡ್ಡ ಭಾಗ್ ಲೀರಾವಾಳ ಹುಯಿನ್ ಬ್ಯಾಪ್ತಿಸ್ಮ ಕರೈಲಿದಾತೆ ಅಪ್ಪೆ ಇನ ಮರಣ್‌ಮ ಬ್ಯಾಪ್ತಿಸ್ಮ ಕರೈರಾಖ್‌ಸಕರಿ ತುಮೂನ ಮಾಲುಮ್ ಕೊಯ್ತಿಕಿ ಶು?

4 ಇನಖ್ವಾಜೆ ಅಪ್ಪಿ ಬ್ಯಾಪ್ತಿಸ್ಮಧಿ ಅಪ್ಪೆ ಇನಿಮರಣ್‌ಮ ಭಾಗ್‌ಲವಾಳಹುಯಿರೈನ್, ಇನಿ ಜೋಡ್ಡ

ಗಡೈಗಯ.ಅಮರ್ವವಾಪರ್ ಬಾನಿ ಮಹಿಮೆನಿ ಶಕಡ್ಡಿ ಕ್ರಿಸ್ತ ಮರಣಮಾಡು ಉತಾಡೈಗಯೋತೆ ತಿಮ್ಮಸ್ ಅಪ್ಪೇಬಿ ಏಕ್ ನವ ಜಾನ್‌ಮ ಜಿವವಾಳ ಹುಯಿರ್ರಾಸ್.

5 ಅಜ್ಜು ಇನಿಮರಣಮ ಭಾಗ್‌ಲ್ಯವಾಳಹುಯಿರ್ರಾಸ್. ಇಮ್ಮೀಸ್‌ಪರಕ್‌ಮ ಇನಿಜೋಡ್ಡ ಏಕ್‌ಹುಯಿನ್ ಯೋ ಪಾಟ್ಟು ಜಿವ್ತುಹುಯಿನ್ ಆಯೋತೆ ಇನಮಾಬಿ ಅಪ್ಪೆ ಭಾಗ್‌ಲ್ಯವಾಳ ಹುಯಿರಾಸ್.

6 ಅಪ್ಪು ಜ್ಞಾನು ಚಾಲ್‌ಚಲಣ್ ನಾಶ್ ಹುಯಿಜೈನ್ ಬಿಜ್ಜು ಅಗಾಡಿ ಅಪ್ಪೆ ಕದೇಬಿ ಪಾಪ್ಪ ಗುಲಾಮ್ ನಾ ಹೋಣುಕರಿ ಅಪ್ಪು ಪಾಪ್‌ಥಿ ಮರಿಹುಯು ಶರೀರ್ ಇನಜೋಡ್ಡ ಶಿಲ್‌ಬೆಪರ್ ಮರೈಗಯುಕರಿ ಅಪ್ಪುನ ಮಾಲುಮ್ ಛಾ.

7 ಶನಕತೊ ಕೋಣ್ ಮರಿರ್ರ್ವಸ್ತಿ ಇವ್ವೆ ಪಾಪ್‌ಥಿ ಛುಟ್ಟಾರ್ ಹುಯಿರೇಸ್.

8 ಅಪ್ಪೆ ಹಮ್ಮೆ ಕ್ರಿಸ್ತನಿ ಜೋಡ್ಡ ಮರಿರ್ರ್ವತೊ, ಇನಿ ಜೋಡ್ಡ ಜಿವ್‌ಶುಕರಿ ವಿಶ್ವಾಸ್ ಕರ್ಯೆಸ್.

9 ಶನಖ್ವಾಜೆಕತೊ ಕ್ರಿಸ್ತ ಮರಣ್‌ಥಿ ಉತಾಡೈಗಯೋತೆ ಇನಖ್ವಾಜೆ ಯೋ ಬಿಭೊಪಾಱೊ ಮರ್‌ಶೆಕೊಯ್ತಿಕರಿ ಮಾಲುಮ್ ಕರಿರಾಖ್ತೆಸ್. ಅನಪಾರ್ ಇನ ಉಪ್ಪರ್ ಮರಣ್ಣ ಶನೂಬಿ ಹಕ್‌ಕೊಯ್ತೆ.

10 ಯೋ ಪಾಪ್ಪ ಭಾಗ್ನ ಮರ್ರ್ಯೋತೆ ಎಕ್ಕಸ್‌ಹಲ್ಲ. ಕತೋಬಿ ಯೋ ಮರ್ರ್ಯೋತೆ ಖ್ವಾರಸ್ನ ಖ್ವಾಜೆ. ಯೋ ದೇವ್ನಿ ಜೋಡ್ಡ ಏಕ್ ಹುಯಿನ್ ಜಿವ್‌ಕರಸ್.

11 ಯೋಸ್‌ಪರಕ್ಕ ತುಮೂಬಿ ಪಾಪ್ಪಭಾಗ್‌ನ ಮರ್ರ್ಯುಹುಯಕರಿಬಿ ಕ್ರಿಸ್ತಯೇಸುಥಿ ದೇವ್ನಖ್ವಾಜೆ ಬಚಾವಾಳುಕರಿ ಗಣ್ತಿಕರಿಲೆವೊ.

12 ಇನಖ್ವಾಜೆ ತುಮೆ ಶರೀರ್‌ನ ಖರಾಬ್ ಆಖ್ವಾಮ ನಾ ಪಡ್‌ನೂತೆ ತುಮಾರ ಮಟಿಚಾವಾಳ ಶರೀರ್ಮ ಪಾಪ್ ಹುಕುಮ್ ಚಲಾವನ ನಕೊಮ್ಮೇಲಿದೆವೊ.

13 ತುಮಾರ ಶರೀರ್‌ನು ಭಾಗ್ನ ನೀಚ್ ಕಾಮ್ನ ಚಲಾವವಾಳು ಕಪ್ಪನ್ನಿತರ ಪಾಪ್ಪ ದಿನಾಖೊನಕೊ, ಕತೋಬಿ ಇನ ಬದಲ್ ಮರಣ್‌ಥು

ಜಿವ್ತುಹುಯಿನ್ ತುಮೂನ ದೇವ್ವ ಸಮರ್ಪಣ್ ಕರಿನಾಖೊ. ತುಮಾರ ಶರೀರ್‌ನ ಭಾಗ್ನ ನೀತಿನು ಕಪ್ಪನ್ ಹುಯಿರ್ದವಾನಖ್ವಾಜೆ ದೇವ್ವ ಸಮರ್ಪಣ್ ಕರೊ.

14 ಪಾಪ್ ತುಮಾರಪರ್ ಯಜಮಾನ್ ನಾ ಹುಯಿರ್ದೇಣು, ಶನಕತೊ ತುಮೆ ಧರ್ಮಶಾಸ್ತ್ರನಿ ಅಧೀನ್‌ಮ ಕೊಯ್ತೆ, ದೇವ್ವಿ ವಾರ್‌ಖ್ವಾನಿ ಅಧೀನ್‌ಮ ಹುಯಿರ್ದಾಸ್.

ನೀತಿನು ಗುಲಾಮ್‌ಖ್ವಾರು

15 ಇಮ್‌ಕತೊ ಶಾತ್? ಅಪ್ಪೆ ಧರ್ಮಶಾಸ್ತ್ರನಿ ಅಧೀನ್ ನಾ ರ್ದೇವ್ವಣಿ ವಾರ್‌ಖ್ವಾನಿ ಅಧೀನ್ ಹುಯಿರ್ದೇಯೇಸ್‌ಕರಿ ಪಾಪ್ ಕರೇಚ್ಚಾಯ್ತೆ ಶು? ಕೊಯ್ತೆಕತೊ,

16 ತುಮೆ ತುಮುನಾಸ್ ಗುಲಾಮ್‌ಹುಯಿನ್ ಕಿನಾತೋಬಿ ದೆವೈಚಾವಾನಿ ವಖ್ವತ್‌ಮ ತುಮೆ ಯಜಮಾನ್ಸ್ ವಿಧೇಯ ಹುಯಿರ್ದವಾಳ ಸೇವಕ್ ಹುಯಿರ್ದೇಸ್‌ಕರಿ ತುಮೂನ ಮಾಲುಮ್ ಛಾ. ಪಾಪ್‌ಮ ಪಡ್ತುತೊ ಮರಣಸ್ ಫಲ್, ದೇವ್ವ ಭರೋಖ್ವಾನ್ ದಾಸಹುಯಾತೊ ನೀತಿ ಮಳ್‌ಶೆ.

17 ಕತೋಬಿ ದೇವ್ವ ಧನ್ಯವಾದ್‌ಹುವಾದೆ! ಶನಕತೊ ತುಮೆ ಏಕ್ ವಖ್ವತ್‌ಮ ಪಾಪ್ ಗುಲಾಮ್ ಹುಯಿರ್ದತೋಬಿ, ತುಮೆ ಶಿಕಿಲಿದಾತೆ ಖ್ವಾಚಿ ಬೋಧನೆಮ ಭರ್‌ಪೂರ್ ಮನ್‌ಥಿ ವಿಧೇಯ ಹುಯಿರ್ದಾಸ್.

18 ತುಮೆ ಪಾಪ್‌ಥಿ ಛುಟ್ಕಾರ್ ಲ್ಯವಾಳಹುಯಿನ್ ನೀತಿನ ಗುಲಾಮ್ ಹುಯಿರ್ದಾಸ್.

19 ತುಮೆ ಶರೀರ್ದಿ ಖ್ವಯಾಲ್ಮ ಕಮ್‌ಜೋರ್ ಹುಯಿರಾತೆ ಇನಖ್ವಾಜೆ ಮೇ ದನ್‌ಪರೋಚ್‌ನಿ ವಾತ್ಸಿತರಸ್ ಬೋಲುಕರುಸ್. ತುಮಾರ ಶರೀರ್‌ನು ತನ್‌ಬದನ್ನ್ ಮೈಲಾನಾಬಿ, ಖರಾಬ್‌ನಾಬಿ ಗುಲಾಮ್‌ಕರೀನ್ ದಿನಾಖಿದಿದಾಧಾಕಿ. ಇಮ್ಮಿಸ್ ಪರಕ್ಮ ಹಮ್ಮೆ ತುಮೆ ತುಮಾರ ಶರೀರ್‌ನು ತನ್‌ಬದನ್ನ್ ಪರಿಶುದ್ಧವಾನಿ ನೀತಿನ ಗುಲಾಮ್ ಬಣ್ಣೆನ್ ದಿನಾಖಿದೆವೊ.

20 ತುಮೆ ಪಾಪ್ ಗುಲಾಮ್ ಹುಯಿರ್ದಾಧಾತೆ ತದೆ ನೀತಿನ ಅಧೀನ್‌ಮ ಕೋಧಾನಿ.

21 ತುಮೆ ಖರಾಬ್ ಕಾಮ್‌ಕರ್ಯ್ ಹಮ್ಮೆ ತುಮೆ ಯೋ ಕಾಮ್‌ಬಾರೇಮ ಖರ್‌ಮಾವಸ್ತಿ? ಯೋ ಕಾಮ್‌ಥಿ ತುಮೂನ ಮರಣಸ್ ಹುಯಿರ್ಲ್ವಸ್.

22 ಕತೋಬಿ ಹಮ್ಮೆ ತುಮೆ ಪಾಪ್‌ಥಿ ಛುಟ್ಕಾರ್ ಲ್ಯವಾಳಹುಯಿನ್, ದೇವ್ವ ಗುಲಾಮ್ ಹುಯಿರಾಸ್. ತುಮೂನ ಮಳಾನು ಫಾಯಿದೊ ಪರಿಶುದ್ ಭಣಿ ಲೀಜಾಸ್ ಇನು ಫಲ್ ಹಮೇಶಾನಿ ಜಿಂದಾಗಿ ಹುಯಿರ್ಲ್ವಸ್.

23 ಶನಕತೊ ಪಾಪ್ ದೇಯಿತೆ ಮಜ್‌ದೂರಿ ಮರಣ್ ಹುಯಿರುಸ್. ಕತೋಬಿ ದೇವ್ವು ಪುಗಟ್ ಇನಾಮ್ ಅಪ್ಲೊ ಪ್ರಭು ಕ್ರಿಸ್ತಯೇಸುನ ಗಳೊಜೋಡ್ತು ಅಪ್ಪುನ ದಿಶೇತೆ ಹಮೇಶಾನಿ ಜಿಂದಾಗೀಸ್.

7

ವ್ಯಹಾನಿ ಬಾರೇಮ ವಿಚಾರ್

1 ಭೈಯೇ ಭೇನೇವೊ, ಧರ್ಮಶಾಸ್ತ್ರನ ಮಾಲುಮ್ ಕರಿರಾಖವಾಳನ ಮೇ ಶಾತ್ ಬೋಲಸ್‌ಕತೊ, ಏಕ್‌ಅದ್ಮಿ ಬಚಿರ್ಲ್ವಾವಲಗು ಖಲಿ ಧರ್ಮಶಾಸ್ತ್ರ ಇನ ಉಪ್ಪರ್ ಅದಿಕಾರ್ ಕರಸ್‌ಕರಿ ತುಮೂನ ಮಾಲುಮ್ ಛಾ.

2 ಉದಾಹರಣೆ ಏಕ್ ವ್ಹೆತ್ತಿ ತಯೇಡ ಇನೊ ಬಾವ್ರಿ ಜಿವ್ವೊರ್ಲ್ವಾನಿ ವಖ್ವೆತೆ ಧರ್ಮಶಾಸ್ತ್ರನಿ ಪರಕ್ ಇನ ಜೋಡ್ತು ಬಂಧಣ್‌ಮರ್ಲ್ವೆಸ್. ಕತೋಬಿ ಬಾವ್ರಿ ಮರಿಗೋತೊ ಇನ ಜೋಡೆ ಭಂದೈರ್ಲ್ವೆತೆ ಧರ್ಮಶಾಸ್ತ್ರನಿ ಬಂಧಣ್‌ಥಿ ಛುಟ್ಕಾರ್ ಲೀರಾಖವಾಳಿ ಹುಯಿರ್ಲ್ವೆಸ್.

3 ಅಮರ್ಲ್ವಾಪರ್, ಇನೊ ಬಾವ್ರಿ ಜಿವ್ವೊರ್ಲ್ವಾನಿ ವಖ್ವೆತ್‌ಮ ಯೋ ತಯೇಡ ಬಿಜೇಕ್ ಜಣಾನಿ ಜೋಡ್ತು ಸಂಬಂದ್ ರ್ವಯೂತೊ ವ್ಯಬಿಚಾರಿಣಿಕರಿ ಬೋಲ್ವೆಜಾಸ್. ಕತೋಬಿ ಬಾವ್ರಿ ಮರಿಗಯೂತೊ ಯೋ ತಯೇಡ ಯೊ ನಿಯಮ್‌ಥಿ ಛುಟ್ಕಾರ್ ಹುಯಿತೆ ಇನಖ್ವಾಜೆ, ಯೋ ಬಿಜೇಕ್ ಜಣಾನಿ ಜೋಡೆ ವ್ಯಹಾಕರಿ ಲಿದಿತೋಬಿ ವ್ಯಬಿಚಾರಿಣಿಕರಿ ಗಣ್ತಿ ಹುವಾಕೊಯ್ತೆ.

4 ಇನಖ್ವಾಜಿ ಮಾರ ಭೈಯೇ ಭೇನೇವೊ,ಧರ್ಮಶಾಸ್ತ್ರನಿ ಬಾರೇಮ ಬೋಲ್ವುಕತೊ ತುಮೇಬಿ ಕ್ರಿಸ್ತಾನು ಶರೀರಮ ಭಾಗ್ ಹುಯಿರ್ದ್ವಾಸ್ತೆಖ್ವಾಜಿ ತುಮೇಬಿ ಮರಿರ್ದ್ವಾಸ್ ಅಜ್ಜು ಹಮ್ಮೆ ಮರೈಹುಯಮಾಧು ಜಿವೊಹುಯಿನ್ ಉಲೊತೆ ಇನ ಮಳ್ಳಹುಯ ಹುಯಿರಾಸ್. ಅಮ್ ಅಪ್ಪೆ ದೇವ್ನಿ ಸೇವೆಮ ಫಾಯಿದೊ ಹುಯೆಜಾಯ್.

5 ಅಪ್ಪೆ ಅದ್ವಿನಿ ಖೂಜ್ಹಮ ಜಿವ್ಕರ್ತಧಾತೆ ತದೆ, ಪಾಪ್‌ಧಿ ಭರೈಹುಯು ಖಿರಾಬ್ ಆಖ್ವಾಜ್ರು ಅಪ್ಪ ಶರೀರಮ ಕಾಮ್ ಕರುಕರ್ತುಧು. ಯೊ ಧರ್ಮಶಾಸ್ತ್ರನ ಖೂಜ್ಹಾಧೀಸ್ ಹೋತುಧು. ಇನಖ್ವಾಜಿ ಅಪ್ಪೆ ಕರಾನು ಫಲ್ ಮರಣ್ ಹುಯಿರ್ದ್ವಾಸ್.

6 ಹಮ್ಮೆತೋಬಿ ಅಪ್ಪುನ ಬಂದೈರುಧುತೆ ಧರ್ಮಶಾಸ್ತ್ರನ ಭಾಗ್‌ಮ ಮರೈಹುಯ ಹುಯಿನ್, ಯೊ ಧರ್ಮಶಾಸ್ತ್ರಧಿ ಛುಟ್ಕಾರ್ ಲೀರಾಖ್ಯಸ್. ಅಮ್ ಲೀಖೈರ್ದ್ವಾತೆ ಫಾಚ್‌ಲಿ ನಿಯಮ್‌ನಿ ಪರಕ್ ಅಪ್ಪೆ ದೇವ್ನಿ ಸೇವೆ ಕರೈಕೊಂತೆ, ಪವಿತ್ರಾತ್ಮಧಿ ನವಿ ಪರಕ್ ಚಾಲವಾಳ ಹುಯಿರ್ದ್ವಾಸ್.

ಧರ್ಮಶಾಸ್ತ್ರ ಅಜ್ಜು ಪಾಪ್

7 ಇಮ್‌ಕತೊ ಅಪ್ಪೆಶಾತ್ ಬೋಲಿಯೆ ಪಾಪ್ ಧರ್ಮಶಾಸ್ತ್ರಸ್ ಹುಯಿರ್ದ್ವಾಸ್ತಿಶು? ಕದೇಬಿ ಕೊಯ್ನಿ. ಕತೋಬಿ ಧರ್ಮಶಾಸ್ತ್ರನ ಮ್ಹೇಲಿನ್ ಬಿಜ್ಜಿ ಖಿವೆಧೀಬಿ ಪಾಪ್‌ಕತೊ ಶಾತ್‌ಕರಿ ಮನ ಖ್ವಿಮ್‌ಜಿಲ್ವವಾನ ಹುಯುಹೋತ್ ಕೊಯ್ನಿ. “ಬಿಜೇಕ್ ಜ್ಞಾನ ರಾಲ್ವನ ತುಮೆ ಆಖ್ವಿನಾಕರ್ದ್ನ.” ಕರಿ ಧರ್ಮಶಾಸ್ತ್ರ ಬೋಲ್ವುತೆ ಇನಖ್ವಾಜೀಸ್ ಯೋ ಮನ ಮಾಲುಮ್‌ಪಡ್ವು.

8 ಕತೋಬಿ ಪಾಪ್ ಆ ಹುಕುಮ್‌ನಾಸ್ ಪಾಡಿಲೀನ್ ಮಾರಾಮ್ ಖ್ವಾರಿಸ್ ಥರಾನು ಆಖ್ವಿನ್ ಲಾಯು. ಶನಕತೊ ಧರ್ಮಶಾಸ್ತ್ರ ಕೊಂತೆ ಪಾಪ್ ಮರೈಹುಯ ಹುಯಿರ್ದ್ವಾಸ್.

9 ಏಕ್ ವಖ್ತ್ ಮೇ ಧರ್ಮಶಾಸ್ತ್ರ ಕೊಂತೆ ಜಿವ್‌ಕರ್ತೊಧೊ. ಕತೋಬಿ ಕೆದೆ ನಿಯಮ್ ಕರಿ ಬೋಲಾನು ಆಯುಕಿತದೆ ಪಾಪ್ ಜೂತುಹುಯು.

10 ಅಜ್ಜು ಮೇ ಮರಿಗಯೊ. ಜಾನ್‌ಲೀನ್ ಆವಾನ ದೆವೈಗೈತೆ ಹುಕುಮಸ್ ಮಾರಿ ಬಾರೇಮ ಮರಣ್ಣಲೀನ್ ಆಯು.

11 ಪಾಪ್ ಅವಕಾಶ್ ಮಳ್ಳು ಅಜ್ಜು ಯೊ ಹುಕುಮ್‌ನ ಪಾಡಿಲೀನ್ ಮನ ರಗೈನ್, ಅಜ್ಜು ಮನ ಮರ್‌ನಾಖ್ಕು.

12 ಅಮ್‌ರ್ದವಾಪರ್, ಧರ್ಮಶಾಸ್ತ್ರ ಪರಿಶುದ್ ಹುಯಿರ್ದ್ವಾಸ್, ಹುಕುಮ್‌ಬಿ, ಪರಿಶುದ್‌ಬಿ, ನ್ಯಾವ್‌ಬಿ, ಅಲ್ಫುಬಿ ಹುಯಿರ್ದ್ವಾಸ್.

13 ಇಮ್‌ಕತೊ ಅಲ್ಫುಸ್ ಮನ ಮರಣ್‌ಲಾಯುಕಿಶು? ಇಮ್ ನಾರ್ದ್ವಾಯುತೊ! ಪಾಪಸ್ ಯೊ ಕರ್ದ್ಯಾಲ್ಫುಧೀಸ್ ಮನ ಉಪಯೋಗ್ ಕರೀನ್ ಪಾಪ್ ಮರಣ್ ಆವಾನಿತರ ಕರ್ದ್ಯಾ ಅನೇಧಿ ಪಾಪ್ ಇನು ಖ್ವಾಚು ಸ್ವಭಾವ್‌ನ ವತಾಳ್ಳು ಇನಖ್ವಾಜೆ ಹುಕುಮ್‌ಧಿ ಪಾಪ್ ಯೋ ಕೆತ್ರೆ ಕರೋರ್‌ಕರಿ ಮಾಲುಮ್ ಪಡಾಸ್.

ಅಪ್ಪಾಮ ಛಾತೆ ಕಲಾವ್ಣಿ

14 ಧರ್ಮಶಾಸ್ತ್ರ ಆತ್ಮೀಕ್ ಹುಯಿರ್ದ್ವಾಸ್‌ಕರಿ ಮಾಲುಮ್ ಛಾ. ಕತೋಬಿ ಅದಮ್‌ಜಮಾನೊ ಹುಯಿರೋತೆ ಮೇ ಪಾಪ್ ಗುಲಾಮ್‌ತರ ವೇಚ್ಚೆಜ್ಜಾವಾಳೊ ಹುಯಿರ್ದ್ವಾಸ್.

15 ಮೇ ಶಾತ್‌ಕರೊಸ್ ಕರಿ ಬೋಲಾನು ಮಾಲುಮ್‌ಕೊಂತೆ ಹುಯಿರ್ದ್ವಾಸ್. ಶನಕತೊ ಮೇ ಶಾತ್ ಕರ್ನುಕರಿ ಆಖ್‌ಕರೊಸ್ಕಿ ಇನ ಕರುಕೊಯ್ಣಿ ಕೆವ್ವಾನ ವಹೇರ್‌ಕರುಸ್ಕಿ ಇನಾಸ್ ಕರಾವಾಳೊ ಹುಯಿರ್ದ್ವಾಸ್.

16 ಮೇ ಕರಾನ ಆಖ್‌ಕರುಕೊಂತೆ ತಿನ ಕರಾವಾಳೊರ್ದಯೋತೊ, ಧರ್ಮಶಾಸ್ತ್ರ ಅಲ್ಫುಕರಿ ವತಾಳಸ್.

17 ಅಮ್‌ರ್ದವಾಪರ್ ಮೇ ಆಖ್‌ಕರುಕೊಂತೆ ತಿನ ಕರಾವಾಳೊ ಬಿಜ್ಜು ಮೇಕಾಹೆ, ಮಾರಾಮ ರ್ಡ್ವೆಸ್ತೆ ಪಾಪಸ್ ಇನ ಕರಸ್.

18 ಮಾರಾಮ, ಕತೊ ಶರೀರ್‌ನ ಅಧೀನ್ ಸ್ವಭಾವಾಧಿ ಅಟ್ಟುಶಾತ್‌ಬಿ ಜಿವ್‌ಕರಾಕೊಯ್ನಿ ಕರಿ ಮಾಲುಮ್‌ಲ್ಲಾ. ಶನಕತೊ ಅಟ್ಟು ಕರ್ನುಕರಿ ಬೋಲಾನು ದಿಲ್ ಮಾರಾಮ ರ್ಹಯುತೋಬಿ ಇನ ಕರಾನ ಮನ ಕೊಹೋಯ್ನಿ.

19 ಶನಕತೊ ಮೇ ಅಟ್ಟು ಕರ್ನುಕರಿ ಆಖ್ವ್‌ಕರುಸ್ತೆ ಇನ ಯೊ ಅಟ್ಟಾನ ಕರುಕೊಂತೆ ಖರಾಬ್‌ನ ಕರನಾಸ್ ಆಖ್ವ್‌ಕರುಕರೂಸ್.

20 ನಾ ಕರ್ನುಕರಿ ಬೋಲಾತೆ ಕಾಮ್ ಮೇ ಕರುಕರುಸ್‌ಕತೊ ಇನ ಕರ್ರೊತೆ ಮೇ ಕಾಹೆ ಮಾರಮ ಜಿವ್‌ಕರಾತೆ ಪಾಪಸ್ ಇನ ಕರುಕರಸ್.

21 ಇನಖ್ವಾಜೆ ಖಿವು ಅಟ್ಟುಲ್ಲಾಕಿ ಇನ ಮೇ ಕರ್ನುಕರಿ ಲ್ಲೂ ಕತೋಬಿ ಖರಾಬಸ್ ಮಾರಾಮ ರಿಕಾಣಿ ಹುಯಿರ್ಹೊಸ್‌ಕರಿ ನಿಯಮ್‌ಧಿ ಮಾಲುಮ್‌ಹುವಸ್.

22 ಶನಕತೊ ಮೇ ಪೂರದಿಲ್‌ಧಿ ದೇವ್ನು ಧರ್ಮಶಾಸ್ತ್ರಮ ಮುಷಿಕರವಾಳೊ ಹುಯಿರ್ಹೊಸ್.

23 ಕತೋಬಿ ಮಾರದಿಲ್ಮಿ ಬಿಜೇಕ್ ನಿಯಮ್ ಮೇ ದೇಮುಕರುಸ್ ಮಾರ ಶರೀರ್‌ಮ ಲ್ಲಾತೆ ಪಾಪ್ ನಿಯಮ್ ಕೊಂಡ್ರೆರ್ರೊಸ್.

24 ಮೇ ಕೆಥ್ರಾನು ಖರಾಬ್ ಹಾಲತ್ನು ಅದ್ತಿ! ಮನ ಆ ಮರಣ್ಣು ಶರೀರ್‌ಧಿ ಕೋಣ್ ಛೋಡಾವವಾಳು?

25 ಅಪ್ಪೊ ಪ್ರಭು ಯೇಸುಕ್ರಿಸ್ತಧಿ ಮನ ಬಚ್ಚಾಡವಾಳ ದೇವ್ನು ಧನ್ಯವಾದ್ ಕರುಸ್. ಅಮರ್ತ್ವಾಪರ್ ಮೇ ದೇವ್ನಿ ನಿಯಮ್ನು ಅಕ್ಕಲ್‌ಧಿ ಸೇವೆ ಕರಾವಾಳೊ ಹುಯಿರ್ಹೊಸ್, ಕತೋಬಿ ಶರೀರ್‌ನ ಪಾಪ್ ನಿಯಮ್‌ಧಿ ಆಳ್ ಹುಯಿನ್‌ಬಿ ಚ್ಚಾಲುಕರುಸ್.

8

ಪವಿತ್ರಾತ್ಮನಿ ಜಿಂದಾಗಿ

1 ಇನಖ್ವಾಜೆ ಹಮ್ಮೆ ಯೇಸುಕ್ರಿಸ್ತಮ ಗಳ್‌ಜೋಡ್ ರ್ಹವವಾಳಾನ ಖಿವಿ ಅಪರಾದ್ನಿ ತೀರ್ಮಾನ್‌ಬಿ ಕೊಯ್ನಿ.

2 ಶನಕತೊ ಕ್ರಿಸ್ತಯೇಸುಮ ಛಿಯ್ಯೇತೆ ಅಪ್ಪುನ ಜಾನ್ನ ಲ್ಯಾವವಾಳು ಪವಿತ್ರಾತ್ಮನು ನಿಯಮ್ ಮನ ಪಾಪ್ ನಿಯಮ್‌ಛಿಬಿ ಅಜ್ಜು ಮರಣ್‌ಛಿ ಛುಟ್ತಾರ್ ಕರಿರಾಮ್ಮಿಸ್.

3 ಶನಕತೊ ಧರ್ಮಶಾಸ್ತ್ರ ಅದ್ಮಿನು ಸ್ವಭಾವ್‌ಛಿ ಕಮ್‌ಜೋರ್ ಹುಯಿನ್ ಖಿವು ಕಾಮ್ ಕರ್ನುನಾಕರಿ ಥೂಕಿ, ಇನ ದೇವ್‌ವೆಸ್ ಕರ್ರೊ ಕಿಮ್‌ಕತೊ ಇನೆ ಪಾಪ್ ಕಾಡಾನಖ್ವಾಜೆ ಇನ ಛಿಯ್ಯಾನಸ್ ಪಾಪ್ ಕಬ್‌ಭಾಮಥೂತೆ ಶರೀರ್‌ನ ರೂಪ್‌ಮ ಮೋಕ್ಲಿನ್ ಯೋ ಶರೀರ್‌ಮಾಸ್ ಪಾಪ್ ಮಾರಿನಾಖಿದಿದೊ. ಅಮರ್ತ್ವಾಪರ್, ಧರ್ಮಶಾಸ್ತ್ರ ಕರಾಕೊಂತೆ ತಿನ ದೇವ್‌ವೆ ಕರ್ರೊ ದೇವ್ ಇನ ಶೊಂತ್ ಛಿಯ್ಯಾನಸ್ ಪಾಪ್‌ಮಾನಿ ಅದ್ಮಿನಿ ಖ್ವಿಯಾಲ್ ಪಾಪ್ ಕಾಡಿನಾಖಾನ ಮೋಕ್‌ಲ್ಯೊ ಇನಖ್ವಾಜೆ ದೇವ್ ಪಾಪ್ ಮರಣ್ಣಿ ನಿಶತ್ ದೈವಾನ ಅದ್ಮಿನಿ ಖ್ವಿಯಾಲ್ಯಾಸ್ ಲೀಲಿದೊ.

4 ಅಪ್ಪೆ ಅದ್ಮಿನಿ ಸ್ವಭಾವ್‌ವಾಳ ಹುಯಿನ್ ನಾ ಚಾಲ್ತುತೆ ಪವಿತ್ರಾತ್ಮನಿ ಪರಕ್ ಚಾಲವಾಳ ಹುಯಿನ್ ಧರ್ಮಶಾಸ್ತ್ರನಿ ನಿಯಮ್‌ನಿ ಘೋಣಿ ಚಾಲನುಸ್ ಆ ವಾತೆನ ಭರ್‌ಪೂರ್ ಹುವಾನಿತರ ಕರ್ರೊ.

5 ಶರೀರ್‌ನಿ ಖ್ವಿಯಾಲ್‌ವಾಳ ಹುಯಿನ್ ಚಾಲವಾಳು ಶರೀರ್‌ನ ಸಂಬಂಧ್ ರ್ವಿಯಿತೆ ವಾತೆವ್ವಮಘನ್ ರ್ವಿಸ್. ಕತೋಬಿ ಪವಿತ್ರಾತ್ಮನ ಪೀಛಿ ಚಾಲಿಲ್ಯಾವಾಳನು ದಿಲ್ ಪವಿತ್ರಾತ್ಮನ ಸಂಬಂಧ ಹುವಾತೆ ತಿನಪರ್ ರ್ವಿಸ್.

6 ಶರೀರ್‌ನು ಸ್ವಭಾವ್‌ನುದಿಲ್ ಮರಣ್ಣು ಹುಯಿರ್ವ್ವಿಸ್. ಕತೋಬಿ ಪವಿತ್ರಾತ್ಮನ ಮಹಿರ್ವ್ವಿಯೋತೊ ಇನಪರ್ ದಿಲ್‌ರಾಖನು ಜಾನ್‌ಬಿ ಸಮಾಧಾನ್‌ಬಿ ಹುಯಿರ್ವ್ವಿಸ್.

7 ಶರೀರ್‌ನಿ ಸ್ವಭಾವ್‌ಪರ್ ದಿಲ್‌ರಾಖನು ದೇವ್ ವಿರೋಧ್ ಹುಯಿರ್ವ್ವಿಸ್. ಶನಕತೊ ಯೊ ದೇವ್ವಿ ನಿಯಮ್ಮ ವಿಧೇಯ ಹುವಾಕೊಯ್ವಿ ಅಜ್ಜು ಯೊ ಶಾಶ್ವಿ ಕರಾನ ಕೊಹೊಯ್ವಿ.

8 ಶರೀರ್‌ನ ಖ್ವಿಯಾಲ್ವಿ ಸ್ವಭಾವ್‌ಮರತ್ವಾಳು ದೇವ್ ಲ್ವಾಯಕ್ ಕರಾವನಕೊಹೊಯ್ವಿ.

9 ಕತೋಬಿ ದೇವ್ನು ಆತ್ಮ ತುಮಾರಮ ರ್ವವಾನು ಖ್ವಾಚಸ್ ಉಶೇತೊ ತುಮೆ ಶರೀರ್‌ನ ಖ್ವಿಯಾಲ್ನ ಮಹಿ ರ್ವವಾಳಕಾಹೆ, ದೇವ್ನ ಆತ್ಮಾನ ಮಹಿರ್ದೆಸ್. ಕ್ರಿಸ್ತನು ಆತ್ಮ ಕೋರ್ದೆಯಿನಿತೆ ಯೊ ಕ್ರಿಸ್ತಮ ಮಳ್ಳೊಹುಯೊ ಕಾಹೆ.

10 ಕತೋಬಿ ಕ್ರಿಸ್ತ ತಾರಮ ರ್ವವಾಳೊ ಉಶೇತೊ, ಆತ್ಮ ತುಮುನ ಜಾನ್ ಹುಯಿರ್ದೆಸ್. ತುಮಾರು ಶರೀರ್ ಪಾಪ್ಪಖ್ವಾಜೆ ಮರಿರ್ದೆತೋಬಿ ತುಮೆ ದೇವ್ನಿ ಜೋಡ್ತನೀತಿವಾಳಕರಿ ಜಿವ್‌ಶು.

11 ಯೇಸುನ ಮರ್ಯಹುಯಮಾಥು ಜಿವಾಡವಾಳನು ಆತ್ಮ ತುಮಾರಮ ಜಿವ್‌ಕರ್ದೆತೊ, ಕ್ರಿಸ್ತಯೇಸುನ ಮರಣ್‌ಥಿ ಉರಾಡ್ತೊಹುಯೊ ದೇವ್ನು ಆತ್ಮ ತುಮಾರಮ ರ್ವಿಯುತೊ ನಾಶಹುವಾಳು ಶರೀರ್‌ನಾಬಿ ತುಮಾರಮ ಜಿವವಾಳ ಆತ್ಮಧೀಸ್ ಜಾನ್‌ದಿಶೆ.

12 ಇನಖ್ವಾಜೆ ಭೇನೆ ಬೈಯೇವೊ ಅಪ್ಲೆ ಶರೀರ್‌ನ ಸ್ವಭಾವ್‌ನ ಚಪ್ಪಣ್‌ಮ ಕೊಯ್ನಿ. ಇನು ಆಖ್‌ದಾಖ್‌ಮ ಜಿವ್ಪಕರಾನು ಚಪ್ಪಣ್‌ಮಬಿ ಕೊಯ್ನಿ.

13 ಶನಕತೊ ತುಮೆ ಶರೀರ್‌ನ ಆಖ್‌ನ್ ಖ್ವಿಯಾಲ್‌ವಾಳಹುಯಿನ್ ಜಿವ್ಯಾತೊ ಮರ್‌ಶು. ಕತೋಬಿ ಆತ್ಮಧಿ ಶರೀರ್‌ನ ಪಾಪ್ಪಕಾಮ್ನ ಮಾರ್ದೆತೊ, ತುಮೆ ಜಿವ್‌ಶು.

14 ಕೋಣ್ ದೇವ್ನ ಆತ್ಮಧಿ ಚಲೈಲೇಸ್ತಿ ಇವ್ಲೆ ದೇವ್ನ ಲಡ್ಕಾ ಹುಯಿರ್ದೆಶೆ.

15 ಶನಕತೊ ದೇವ್ನ ದೀರಾಖ್ಯೋತೆ ಆತ್ಮ ತುಮೂನ ಗುಲಾಮ್ ಕೊ ಕರ್‌ಶೇನಿ ಅಜ್ಜು ತುಮಾರ ಡರ್‌ಥಿ ಕೊಹುಯಿರಿಶೇನಿ ಅನಬದಲ್ ಪವಿತ್ರಾತ್ಮ ದೇವ್ನ ಲಡ್ಕಕರಿನ್ ಬಣಾವಸ್ ಅಜ್ಜು ಯೊ ಆತ್ಮಾನಿ ಶಕಧಿ ಭರಾವವಾಳೊ ಹುಯಿನ್ ಅಪ್ಲೆ ದೇವ್ನ “ಬಾ, ಪಿತಾ!” ಕರಿ ಚಿಕ್ರಿಯೆಸ್.

16 ಅಪ್ಲೆ ದೇವ್ನ ಥಿಯ್ಯಾ ಹುಯಿರ್ದೆಸ್, ಕರಿ ಬೋಲಾನ ಪವಿತ್ರಾತ್ಮಸ್ ಅಪ್ಲ ಆತ್ಮನಿಜೋಡ್ತಸಾಕ್ಷಿ ದೇಸ್.

17 ಹಮ್ಲೆ ಅಪ್ಲೆ ಲಡ್ಕಾ ಹುಯಿರ್ದೆತೊ, ಹಕ್‌ದಾರ್ ಹುಯಿರ್ದೆಯೇಸ್; ದೇವ್ನ ಹಕ್‌ದಾರ್ ಅಜ್ಜು ಕ್ರಿಸ್ತನಿ ಜೋಡ್ತ

ಹಕ್ದಾರ್ ಹುಯಿರ್ದಾಸ್. ಅಪ್ಪೆ ಕ್ರಿಸ್ತನು ಖ್ವತಾಪ್ಪಿಮ ಖ್ವಾಚಮಾಸ್ ಭಾಗ್‌ಲ್ಯಾವಾಳ ರ್ದ್ವಿಯಾತೊ, ಇನಿ ಮಹಿಮೆಮಾಬಿ ಭಾಗ್‌ಲ್ಯಾವಾಳ ಹುಯಿರ್ದ್ವಿಶು.

ಭವಿಶ್ಯತ್‌ಮ ಅಪ್ಪುನ ಮಳಾನು ಮಹಿಮೆ

18 ಅಪ್ಪುನ ಖ್ವಾಪ್ಪಿ ಮಾಲುಮ್ ಪಡ್‌ಶೇತಿ ಮಹಿಮೆನಿ ಜೋಡ್ಡ ಏಕ್‌ಕರಿ ದೆಖಾನಿವಖ್ವೆತೆ ಹಮ್ಮೇನಿ ಖ್ವತಾಪ್ಪಿಖ್ವಾರು ಯೊ ಶಾತ್ವಿಕೊಯ್ನಿ.

19 ದೇವ್ನ ಲಡ್ಕಾವಾನಿ ಮಹಿಮೆ ಕದೆ ದೆಖಾವ್‌ಶೇಕರಿ ಉಬ್‌ಜಾಪ್ಪಿ ಘಣು ಜರೂರ್‌ಧಿ ಖ್ವಾಪ್ಪಿ ದೇಖುಕರಸ್.

20 ಶನಕತೊ ಉಬ್‌ಜಾಪ್ಪಿ ಇನು ಉದ್ದೇಶ್‌ನ ಗುಮ್ಮೇಲೀನ್ ಯೊ ಗುರ್‌ಕಾಪ್ಪಿಮ ಪಡಿಗಯು, ಯೊ ಇನ ಶೊಂತ್ ಖ್ವಾಜ್‌ಧಿ ಕಾಹೆ ಕತೋಬಿ ದೇವ್ನಿ ಖ್ವಾಜ್‌ಧೀಸ್ ಹುಯು ಯೋ ಅಜ್ಞಾಬಿ ಭರೋಖ್ವಾಮಸ್ ಛಾ,

21 ಯೋ ಏಕ್ ದನ್ ನಾಶನನು ಗುಲಾಮ್‌ನ ಕಾಮ್‌ಧಿ ಛುಟ್ಕಾರ್ ಉಷೆ ಅಜ್ಞು ದೇವ್ನ ಲಡ್ಕಾನ ಮಹಿಮೆಧಿ ಭರಿಹುಯು ಛುಟ್ಕಾರ್‌ಮ ಭಾಗ್‌ಲುಷೇಕರಿ ಬೋಲಿನ್.

22 ಜಗತ್ನಿ ಉಬ್‌ಜಾಪ್ಪಿ ಹಮ್ಮೆಲಗು ಜಣತನಿ ಖ್ವತಾಪ್ಪಿನಿಘೋಣಿನಿ ದರದ್ ಲೆವ್‌ಕರಾಸ್‌ಕರಿ ಅಪ್ಪುನ ಮಾಲುಮ್.

23 ಖಲಿ ಉಬ್‌ಜಾಪ್ಪಿಸ್ ಕಾಹೆತೆ ಪಹಿಲು ಫಲ್‌ಹುಯಿರಾತೆ ಅಜ್ಞು ಪವಿತ್ರಾತ್ಮನಿ ವರಾನ ಲೀರಾಖ್ಯಾತೆ ಅಪ್ಪೇಬಿ ದೇವ್ನಲಡ್ಕಾನು ಇನಾಮ್‌ನಾಬಿ ಕತೊ ಶರೀರ್‌ನ ಆವುತ್ವೆ ಛುಟ್ಕಾರ್‌ನ ಆವಾನು ದೇಕ್ತಹುಯಿನ್ ಅಪ್ಪಾಮಸ್ ಕುರ್ಲವ್‌ಕರೆಯೇಸ್.

24 ಆ ಭರೋಖ್ವಾಧಿಸ್ ಅಪ್ಪೆ ರಕ್ಷಣೆ ಲೀರಾಖವಾಳ ಹುಯಿರ್ದ್ವಿಯೇಸ್. ಕತೋಬಿ ಡೋಳಿಮ್ಮ ದೆಖಾವತೆ ಭರೋಖ್ವೊ ಭರೋಖ್ವೊಸ್ ಕಾಹೆ, ದೆಖವ್‌ಕರಾತೆ ತಿನ ಕೋಣ್‌ತೋಬಿ ಭರೋಖ್ವೊ ಕರ್ತೆಕಿ ಶು?

25 ಕತೋಬಿ ಅಪ್ಪೆ ಬಿಜೂಬಿ ದೆಖವ್‌ಕರಾಕೊಂತೆ ಇನಖ್ವಾಜೆ ಭರೋಖ್ವೊ ರ್ವವಾನು ರ್ವಯೂತೊ ಅಪ್ಪೆ ಇನಖ್ವಾಜೆ ಖ್ವಮಾಳಿನ್ ಟಿವೈರ್‌ಶು.

26 ಇಮ್ಮಸ್ ಪವಿತ್ರಾತ್ಮಬಿ ಅಪ್ಪಿ ಕಮ್‌ಜೋರ್ಮ್ ಅಪ್ಪುನ ಮದತ್‌ಕರಸ್. ಕಿಮ್‌ಕತೊ ಅಪ್ಪೆ ಕದೆ ಶಾತ್ ಮಾಂಗಿಲೇವ್ಣಕರಿ ಅಪ್ಪುನ ಮಾಲುಮ್‌ಕೊಂತೆ ಇನಖ್ವಾಜೆ ಪವಿತ್ರಾತ್ಮಸ್ ವಾತ್‌ಕೊಂತೆ ಥರ್‌ಪಡೀನ್ ಅಪ್ಪಖ್ವಾಜೆ ಗಿಂಗೈಲೇಸ್.

27 ಕತೋಬಿ ಖ್ವಾರದಿಲ್‌ನ ಪರ್ವಿ ರಾಖವಾಳನ ಪವಿತ್ರಾತ್ಮನು ದಿಲ್ಲಿ ಖ್ವಿಯಾಲ್ ಶಾತ್‌ಕರಿ ಮಾಲುಮ್ ಛಾ; ಯೋ ಆತ್ಮ ದೇವ್ನ ಖ್ವಿಯಾಲ್ಲಿ ಘೋಣಿಸ್ ದೇವ್‌ಮ ಅದ್ಮಿನಖ್ವಾಜೆ ಗಿಂಗೈಲೇಸ್.

28 ಕೋಣ್ ಇನ ಪ್ಯಾರ್ ಕರಾಸ್ಕಿ ಅಜು ಕಿನ ದೇವ್ನಿ ಖ್ವಿಜ್‌ನಿ ಪರಕ್‌ಥಿ ಬುಲಾಯಹುಯಾತೆ ಇವ್ಣಾಮ ಖ್ವಾರಿಬಾರೇಮ ಅಲ್ಫಾ ಕಾಮ್ನಸ್ ಕರಸ್‌ಕರಿ ಅಪ್ಪುನ ಮಾಲುಮ್ ಛಾ.

29 ಕಿನ ದೇವ್ನ ತದೇಸ್ ಚೂಣಿಲಿದೊಕಿ. ಇನೆ ಇವ್ಣುನ ಇನ ಛಿಯ್ಯಾನಿಘೋಣಿ ಹುವಾನ ಎಕ್ಚು ಕರಿರಾಖ್ಯೋಸ್. ಅಮ್ ಇನೊಛಿಯ್ಯೊಕ್ಯೆಏಕ್ ಭೈಯೇ ಭೇನೆವ್‌ನ ಬೀಚ್‌ಪೈಲೊಟೊ ಛಿಯ್ಯೊಕರಿ ಬೋಲಾವನಿತರ ಕರಿರಾಖ್ಯೋಸ್.

30 ಕತೋಬಿ ಯೋ ಪಹಿಲೆ ಕಿನ ಚೂಣ್ಯೊಕಿ ಇವ್ಣುನ ಬುಲಾಯೊ; ಕಿನ ಬುಲಾಯೋಕಿ ಇವ್ಣುನ ನೀತಿವಾಳಕರಿ ಬಣಾಯೊ; ಕಿನ ನೀತಿವಾಳುಕರಿ ಬಣಾಯೋಕಿ ಇವ್ಣುನ ಮಹಿಮೆಮ ಭಾಗ್ ದಿದೊ.

ಕ್ರಿಸ್ತ ಯೇಸುಮ ದೇವ್ನಿ ಪ್ಯಾರ್

31 ಇಮ್‌ಕತೊ ಅನ ಅಪ್ಪೆ ಕಿಮ್ ಜವಾಬ್‌ದಿಯೆ, ದೇವ್ ಅಪ್ಪ ಭೇರಿರ್‌ವೊಯೊತೊ ಕೋಣ್ ಅಪ್ಪುನ ವಿರೋದ್ ಕರ್ಶೆ.

32 ಇನ ಶೊಂತ್ ಛಿಯ್ಯಾನಸ್ ಬಚಾಯೊಕೊಂತೆ ಅಪ್ಪಖ್ವಾರಾನಖ್ವಾಜೆ ಇನ ದಿದೊಹುಯೊ, ಅಮ್‌ರ್‌ವಾಪರ್ ಖ್ವಾರುಸ್‌ಬಿ ಇನಜೋಡ್ಕ ದಿಶೆಕೊಂತೆ ರ್ವಿಶೇಕಿ ಶು?

33 ದೇವಸ್ ಭೂಣಿಲಿದ ಹುಯಾನ ಉಪ್ಪರ್ ಕೋಣ್ ಗಲತ್ ಬೋಲ್‌ಶೆ? ದೇವಸ್ ಗಲ್ತಿಕರಾವಾಳು ಕಾಹೆಕರಿ ಭುಟ್ಕಾರ್ ಕರಾವಾಳೊ ಹುಯಿರ್ದೋಸ್.

34 ಅಪರಾದಿಕರಿ ನಿಶತ್ ಕರಾವವಾಳು ಕೋಣ್? ಕ್ರಿಸ್ತಯೇಸು ಮರಣ್‌ಲಿದೊ. ಅಙ್ಗು ಎತ್ರೇಸ್ ಕಾಹೆತೆ ಮರ್ಮಹುಯಮಾಥು ಉರಿನ್ ದೇವ್ನ ಖಾವಿಬಾಙ್ಗುಮ ಬೇಶಿನ್. ಯೋಸ್ ಅಪ್ಪಖ್ವಾಜೆ ಬಿಂತೀನಿವ್ವಾರ್ ಕರಾವಾಳೊ ಹುಯಿರೋಸ್.

35 ಅಮ್ ರ್ವಾವಾಪರ್ ಕ್ರಿಸ್ತನಿ ಪ್ಯಾರ್‌ಥಿ ಅಪ್ಪನ ಅಲಕ್ ಕರವಾಳು ಕೋಣ್? ವದೇಖ್ವೆಕಿ, ವಾಖ್ಯೋಕಿ, ಖ್ವತಾಪ್ಪಿಕಿ, ಭುಕ್ಯೋಕಿ, ಪೆರ್ವ್ವಾನ ಕೊಯ್ತೀಕಿ, ನಫಾಡೋಮ್‌ಕಿ, ನತರ್ ಮರಣ್‌ಕಿ?

36 ಆ ಖ್ವಾರು ಪರಿಶುದ್ ದಪ್ಪರಮ ಲೀಖ್ಪಿರುತೆ ಇಮ್ನಸ್ ಛಾ, “ತಾರಾಖ್ವಾಜೆ ಹಮೆ ಅಖ್ವೋದನ್ ಮರಣ್‌ಮ ಛಿಂಚ್ಚಿ; ರ್ವೆಖ್ವಾವನ ಆಯೂತೆ ಮೇಂಢವನಿ ತರ ಹಮೆ ರ್ವೆಖ್ವಾವನಿತರಾಬಿ ಹುಯಿರ್ದೆಯೇಸ್.

37 ಕೊಯ್ನಿ ಆ ಖ್ವಾರಮಾಬಿ ಹಮೆ ಹಮೂನ ಪ್ಯಾರ್ ಕರವಾಳಾಥಿ ಜೈಕಾರ್ ಲೀರಾವಾಳಥಿಬಿ ಘಣ ಮೋಟಹುಯಿರಾಸ್.

38 ಶನಕತೊ ಮರಣ್ಣರ್ವೊ, ಜಾನ್ನರ್ವೊ, ದೇವ್‌ದೂತರ್ ರ್ವೊ, ದುರಾತ್ಮರ್ವೊ, ಸೊರ್ಗನೊ ಅದಿಕಾರಿ ಕೊಯ್ನೊ ಶಕಧಿರ್ವೊ. ಹಮ್ಕೇನಿ ಬಾರೇಮರ್ವೊ, ಖ್ವಾಮ್ಕೇನಿ ಬಾರೇಮರ್ವೊ,

39 ಊಘುರ್ವೊ, ಗಧಾರ್‌ಮರ್ವೊ, ನತರ್ ಉಬ್‌ಘಾಪ್ಪಿಮ ಛಾತೆ ಬಿಙ್ಗು ಖೆವೂಸ್‌ರ್ವೊ ಅಪ್ಪೊ ಪ್ರಭು ಹುಯಿರ್ದೋತೆ ಕ್ರಿಸ್ತಯೇಸುಮ ಛಾತೆ ದೇವ್ನಿ ಪ್ಯಾರ್‌ಥಿ ಅಪ್ಪನ ಅಲಕ್ ಕರ್ತೆಕೊಯ್ನಿ.

9

ದೇವ್ ಅಙ್ಗು ಇನು ಅದ್ನಿ

1 ಮೇ ಕ್ರಿಸ್ತಮ ಖ್ವಾಚ ಬೋಲುಸ್, ಮೇ ಜ್ಞೂಟು ಬೋಲುಕರುಕೊಯ್ನಿ. ಮಾರ ದಿಲ್ಸಿಾಕ್ಚಿ ಅನ ಪವಿತ್ರಾತ್ಮಾ ಘಟ್ ಬಿಣಾವಸ್.

2 ಮಾರ ದಿಲ್ಮಪುರ್‌ಶತಸ್ ಕೊಯ್ನಿ ತಲಖ್ವೀಬಿ ಘಣಿ ದುಖ್‌ಬಿ ಛಾ.

3 ಮಾರ ಭೈಯೇನಖ್ವಾಜಿ ಮಾರಶೊಂತ್ ಅದ್ಮಿವೋನಖ್ವಾಜಿ ಕ್ರಿಸ್ತಾಧಿ ದೂರ್‌ಹುಯಿನ್ ಶಾಪ್‌ಮ ಪಡಾಮಬಿ ತಯಾರ್ ಛಾ.

4 ಇಸ್ರಾಯೇಲ್‌ವಾಳು ಹುಯಿರ್ದುತೆ ಇವ್ಣುನ ಇನಿ ಲಡ್ಕಾವ್‌ನಿ ಘೋಣಿಬಿ ಮಹಿಮೆನ ವತಾಳಿರಾಖ್ಪುಸ್, ಒಪ್ಪಂದಾನ ಅಖ್ವಾಬಿ, ಧರ್ಮಶಾಸ್ತ್ರ ದೇವವಾನುಬಿ, ಮಂದಿರೊನಿ ಸೇವೆಬಿ ಅಜ್ಜು ವಾಗ್ದಾನ್‌ಬಿ ಲೀರಾಖ್ಪುಸ್.

5 ಗುರುಗುರಬ್‌ಲೊಬಿ ಇವ್ಣುನ ಮಳ್ಳಹುಯಿ. ಕ್ರಿಸ್ತ ಅದ್ಮಿಹುಯಿನ್ ಇವ್ಣಿ ಖೂಮ್ಮ ಪೈದಹುಯೊ. ಆ ಖ್ವಾರ್‌ಸ್ನ ಉಪ್ಪರ್ ಛಾತೆ ದೇವ್ ಕದಕದೇಬಿ ಸ್ತುತಿ ಹುವಾದೆ ಆಮೆನ್.

6 ಹೈರೂತೆ ದೇವ್ನಿ ವಾತೆ ಗಲತ್ ಹುಯ್ಗುಕರಿ ಅಪ್ಪೆ ನಾ ಲಾಜ್‌ಣು. ಶನಕತೊ ಇಸ್ರಾಯೇಲ್‌ನು ಖ್ವಾರುಸ್ ಅದ್ಮಿಬಿ ಇಸ್ರಾಯೇಲ್‌ವಾಳು ಕಾಹೆ.

7 ಇಮ್ಮುಸ್ ಅಬ್ರಹಾಮ್‌ನು ಪಿಳ್ಳಿವಾಳು ಖ್ವಾರುಸ್ ಇನ ಲಡ್ಕಕಾಹೆ. ದೇವ್ ಅಬ್ರಹಾಮ್‌ನ ಬೋಲ್ಯೊ ಮೆ ವಾಗ್ದಾನ್ ಕರುಸ್, “ಇಸಾಕಾಧಿ ಪೈದಹುವವಾಳುಸ್ ತಾರು ಪಿಳ್ಳಿಕರಿ ಬೋಲ್ಯೆಲಿಶೆ.”

8 ಅನಿ ಮತಲಬ್, ಶಾತ್‌ಕತೊ ಶರೀರೊನಿ ಸಂಬಂಧಾಧಿ ಪೈದಾಹುವವಾಳು ಖ್ವಾರುಸ್ ದೇವ್ನ ಲಡ್ಕಕಾಹೆ, ವಾಗ್ದಾನ್ ಲಡ್ಕಾಸ್ ಅಬ್ರಹಾಮ್‌ನ ಪಿಳ್ಳಿವಾಳು ಕರಿ ಗಣ್ತಿ ಹುವಾಸ್.

9 ಶನಕತೊ, “ಬರೊಬರ್‌ನ ಹಗಾಮ್ಮ ಮೇ ಏಶ್ತೆ, ತದೆ ಸಾರನ ಏಕೊಲಿಯೊ ರ್‌ಶ್ತಿ” ಕರಿ ಬೋಲಾನಿ ವಾಗ್ದಾನ್ ಹುಯಿರ್ದುಸ್ ಎತ್ರೇಸ್.

10 ಅತ್ರೇಸ್ ಕಾಹೆತೆ ರೆಬೆಕ್ಕಬಿ ಅಪ್ಪೊ ಗುರುಗುರಬ್‌ಲೊ ಹುಯಿರೋತೆ ಇಸಾಕಾಧಿ ಅವ್‌ಳಿಜವ್‌ಳಿ ಪರ್ಖ್ವಾ ಲಡ್ಕಾನ ಭಣಿ.

11 ಅಮ್ ಯೋ ಲಡ್ಕಾ ಪೈದಹುವಾನ ಅಗಾಡಿ, ಅಲ್ಛು ನತರ್

ಗಲತ್ ಕರಾನ ಅಗಾಡಿಸ್, ಮೋಟೊ ನ್ವಾನನ ಚಾಕ್ರಿಕರ್ಶೆ ಕರಿ ರೆಬೆಕ್ಕನ ಬೋಲೈರೊಡ್ಡು. ಅನೇಥಿ ದೇವ್ ದಿಲ್‌ರಟ್ಟಿಸ್ತೆ ಇನ ಚೂಣಿಲೇಸ್‌ಕರಿ ಬೋಲಾನು ಖೂಜ್ ಘಟ್‌ರಟ್ಟೇಣುಕರಿ ವತಾಳಿಲಿದೊ.

12 ಆ ಕಾಮ್ನ ಉಪ್ಪರ್ ಆಧಾರ್‌ಕಾಹೇತೆ, ಬುಲಾವವಾಳನ ಖೂಜ್‌ನ ಉಪ್ಪರಸ್ ಆಧಾರ್ ಹುಯಿರೊಡ್ಡು. ಇನಖ್ವಾಜೇಸ್ ರೆಬೆಕ್ಕನ ಬೋಲಾಯು ಮೋಟೊ ನ್ವಾನನಿ ಚಾಕ್ರಿಕರ್ಶೆ.

13 ಅನಿನಿತರಸ್, “ಯಾಕೋಬ್‌ನ ಮೇ ಪ್ಯಾರ್‌ಕರೊಕ್ಕಿ ಕತೋಬಿ ಏಸಾವನ ವಹೇರ್ ಕರೊಕ್ಕಿ ಪವಿತ್ರ ದಪ್ತರಾಮ ಲಿಖೈರೊಡ್ಡು.”

14 ಇಮ್‌ಕತೊ ಅಪ್ಪೆಶಾತ್ ಬೋಲಿಯೆ? ದೇವ್ ರಗಾವಾಳೊಕೀ ಶು? ಕದೇಬಿ ಕೊಯ್ನಿ.

15 ದೇವ್ ಮೋಶೆನ, “ಕಿನಾಪರ್ ಮಾರಿ ಗೋರ್‌ಛಾಕಿ ಇನ ಗೋರ್‌ಕರೀನ್, ಕಿನಾಪರ್ ಮಾರಿ ಆರ್‌ಗೋರ್‌ಛಾಕಿ ಇನ ದಯಾ ವತಾಳೇಶ್” ಕರಿ ಬೋಲಿರಾಖೊಸ್.

16 ಅನಖ್ವಾಜೆ ಆ ಅದ್ವಿನ ಆಖ್ ಮ್ಹಿನಧ್ವಿ ಹುಯುಕೊಂತೆ, ದೇವ್ ಗೋರ್‌ಛೇಸ್ ಹುಯಿರೊಡ್ಡು.

17 ಶನಕತೊ, “ಮೇ ತಾರಾಮ, ಮಾರಿ ಶಕತ್ತ್ ವತಾಳಿನ್ ಮಾರ ನಾಮ್ನ ಜುಮೀನ್‌ಪರ್ ಮೋಟು ಭಡಾವ್‌ಣುಕರಿ ಖ್ವಿಯಾಲ್‌ಛೇಸ್ ತುನ ಊಚಿ ಝಗೋಪರ್ ಉಠಾಡಿಭೇರಾಖೊ” ಕರಿ ಧರ್ಮಶಾಸ್ತ್ರಮ ದೇವ್ ಫರೋಹನ ಬೋಲಸ್.

18 ಇನಖ್ವಾಜೆ ದೇವ್ ಕಿನ ಗೋರ್‌ಕರೊಕ್ಕಿ ಕರಿ ಖೂಜ್‌ಕರಸ್ತಿ ಇನ ಗೋರೆಲುಕರಸ್. ಕಿನ ಕರಣ್ ಕರ್ನುಕರಿ ಖೂಜ್‌ಕರಸ್ತಿ ಇವ್ವುನ ಕರಣ್ ಬಣಾವಸ್.

ದೇವ್ನಿ ಚಂಥಾಳ್ ಅಜ್ಜು ದಯಾ

19 ಇಮ್‌ಕತೊ, “ದೇವ್ ಬಿಜ್ಜುಬಿ ಗಲತ್ ಡೂಂಡಸ್ ಶನ? ಇನಿ ಮರ್ಜಿನ್ ಖ್ವಾಮ್ಣೆ ಭೀರ್ದವಾಳು ಕೋಣ್?” ಕರಿ ಮನ ಬೋಲಸ್.

20 ಅಲ ಅದ್ಮಿ ದೇವ್ನ ಆಡ್‌ಫೇಡ್ ವಾತೆ ಬೋಲವಾಳೊ ತು ಕೋಣ್? ಉಬ್ಜಿಹುಯು ಉಬ್‌ಜಾವವಾಳನ “ಶನ ಮನ ಅಮ್ ಉಭ್ಜಾಯೊಕರಿ ಬೋಲೆಜಾಯ್?”

21 ಕುಂಭಾರ್ನ್ ಎಕ್ಕ್‌ಸ್ ಮಾಟಿನ ಮುದ್ದಾಧಿ ಅಟ್ಟುರಾಳ್ತು ಕರನಾಬಿ, ಬಿಜೇಕ್ಸ್ ಖರಾಬ್ ಕಾಮ್‌ಖಾಜೆ ಉಪಯೋಗ್ ಕರಾನ ಮ್ಹಾಮೂಲಿ ರಾಲ್ತನ ಬಣಾವನಾಬಿ ಹಕ್ ಕೊಯ್ನಿಕಿ ಶು?

22 ಕತೋಬಿ ದೇವ್ ಇನ ಇರಾದನ ದೆಖಾಡಿನ್ ಇನಿ ಶಕತ್ತ್ ವತಾಳಿನ್ ಭಡಾವ್‌ಣುಕರಿ ರ್ಹೆಯೊತೋಬಿ, ಇಮ್ ಕರ್ರೊಕೊಂತೆ ಇನ ಇರಾದಮ ನಾಶಹುವಾಳನ ಘಣು ರಂಡೊ ಹುಯಿನ್ ಖ್ವಿಮಾಳಿಲ್ಯವಾನ ಆಖ್‌ಕ್‌ಕರ್ರೊತೊ, ಕೋಣ್ ಶಾತ್ ಕರಾನ ಉಶೆ.

23 ಅಜು ಮಹಿಮೆ ಲಿಲ್ಯಾವನಖ್ವಾಜೆ ಅಗಾಡಿಸ್ ತಯಾರ್‌ಕರೀನ್, ದೇವ್ ಇನಿ ಗೋರ್ ಲೀಲ್ಯಾವಾಳನ ಇನಿ ಮಹಾನ್ ಮಹಿಮೆನ ದೆಖಾಡ್ಲೊ.

24 ಇನಖ್ವಾಜೇಸ್ ಯೋ ಖಲಿ ಯೆಹೂದ್ಯನ ಬುಲಾಯೊ ಕಾಹೆತೆ, ಯೆಹೂದ್ಯಾಕಾಹೆತೆ ಇವ್ಣುನ ಜಿನುಬಿ ಬುಲೈರಾಖ್ಯೊಸ್ಸಿ?

25 ಹೋಶೇಯನ ಪುಸ್ತಕ್‌ಮ ದೇವ್, “ಮಾರು ಅದ್ಮಿಕಾಹೆತೆ ಇವ್ಣುನ ‘ಮಾರು ಅದ್ಮಿ’ ಕರಿ ಬುಲೈಶ್. ಮೇ ಪ್ಯಾರ್‌ಕರಾವಾಳನ ಮಾರು ಪ್ಯಾರ್‌ವಾಳುಕರೀಬಿ ಬೋಲಿಶ್.”

26 “ಖಿವಿ ಝಗೋಮ ‘ತುಮೆ ಮಾರು ಅದ್ಮಿಕಾಹೆಕರಿ’ ಇವ್ಣುನ ಬೋಲಾಯುಕಿ ಯೋ ಝಗೋಮಸ್, ‘ಇವ್ಣೆ ಜಾನ್‌ಸ್ವರೂಪ್ ಹುಯಿರೋತೆ ದೇವ್‌ಲಡ್ಕಾ ಕರಿ ಬೋಲೈಲಿಶೆ”.

27 ಆ ನಾಹುಯಿನ್ ಯೆಶಾಯ ಇಸ್ರಾಯೇಲವಾಳನ ಬಾರೇಮ ಚಿಕ್ರಿಬೋಲಸ್ ಶಾತ್‌ಕತೊ” ಇಸ್ರಾಯೇಲ್‌ವಾಳನಿ ಗಣ್ತಿ ದರ್ರಾವ್‌ನಿ ರೇತ್ವಿತರ ರ್ಹೆಯುತೋಬಿ ಇವ್ಣಾಮ ಥೋಡುಫಣು ಬಚಿರ್ದಿಶೆ.

28 ಶನಕತೊ ಪ್ರಭು ಇನಿವಚನ್ನ ಜಮೀನ್‌ಪರ್ ಖರ್ತಿಮ ಕರೀನ್‌ಬಿ, ಗಣ್ತೀಲಿ ಒಗ್ಗಿಸ್‌ಮ ಚಲೈನ್ ಖತ್ತಮ್ ಕರ್ಶೆ!”

29 ಯೆಶಾಯನೇ ಅನೇಥಿ ಪಾಲ್ಗಲ್, “ಪ್ರಭು ಹುಯಿರೋತೆ ದೇವ್ ಹಮೂನ ಪಿಳ್ಳಿ ಬಚ್ಚೆನ್ ದಿದೊ ನಾಹೊತ್ಲೊ, ಹಮೆ ಸೊದೋಮ್‌ನಿ ಹಾಲತಸ್ ಹಮುನ ಹುಯಿಗಯಹೊತ್, ಗೊಮೋರನಿ ಖರಾಬ್ ಹಾಲಸ್ ಚಾಲಿಗುಹೊತ್!” ಕರಿ ಬೋಲಿರಾಖೊಸ್.

ಇಸ್ರಾಯೇಲ್‌ವಾಳನಖ್ವಾಜೆ ಪಾಲನಿ ಪ್ರಾರ್ಥನೆ

30 ಯೆಹೂದ್ಯರ್‌ಕಾಹೆತೆ ಇವ್ಣೇಥಿ ಇವ್ಣೆಸ್ ಇವ್ಣ ಶಕಥ್ ನಾ ಕರೈತೋಬಿ ದೇವ್ನಿ ವಿಶ್ವಾಸ್‌ಥಿ ಹುಯುತೆ ನೀತಿವಾಳುಕರಿ ಗಣ್ತಿ ಹುಯಿಜಾಶೆ.

31 ಯೋಸ್ ವಖ್ವತ್‌ಮ ದೇವ್ನಿ ಜೋಡ್ಡ ನೀತಿ ಪಾಡಿ ಚಾಲ್ಯುತೆ ಇಸ್ರಾಯೇಲ್‌ವಾಳು ನಿಯಮ್ಮ ಡೂಂಡುಕರ್ತುಧು ಕತೋಬಿ ಲೀಲಿದುಕೊಯ್ನಿ.

32 ಶನಕತೊ, ಇವ್ಣೆ ವಿಶ್ವಾಸ್‌ನ ಪಾಡಿಚಾಲ್ಯುಕೊಂತೆ ಅಲ್ಫಾಕಾಮ್‌ನಾಸ್ ಅಖ್ವು ಪಾಡಿ ಚಾಲ್ಯುತೆ ಇನಖ್ವಾಜೆಸ್. ಇವ್ಣೆ ಲೋಕರ್‌ಖಾವನ ಬಂಡಾಪರ್ ಲೋಕರ್‌ಖಾದು.

33 ಧರ್ಮಶಾಸ್ತ್ರಮ ಅಮ್‌ಲೀಖೈರುಸ್ಸಿ, “ಹಂದೇಕ್, ಚೀಯೋನ್‌ಮ ಮೇ ಅದ್ಮಿತ್ ಧೊಕ್‌ಡಾವನ ಬಂಡನಾಬಿ ಲೊಕ್ರವಾನ ಬಂಡಾನಾಬಿ ಮ್ಹೇಲುಸ್. ಇನ ವಿಶ್ವಾಸ್‌ಕರವಾಳನ ನಿರಾಶ್ ಕೊಲುಷೇನಿ”

10

1 ಭೇನೆ ಭೈಯೇವೊ, ಇಸ್ರಾಯೇಲ್‌ವಾಳು ರಕ್ಷಣೆ ಲೇವ್ಣುಕರಿ ಬೋಲನುಸ್ ಮಾರಿ ದಿಲ್ಲಿ ಮೋಟಿಆಖ್ವ್ ಮೇ ದೇವ್ ಇನಖ್ವಾಜೆ ಪ್ರಾರ್ಥನೆಕರುಕರುಸ್.

2 ಇವ್ಣೆ ದೇವ್ ಪೀರೆಜಾವಾನ ಖ್ವಾಚಮಾಸ್ ಕೋಶಿಶ್‌ಕರಸ್. ಮೇ ಯೆಹೂದ್ಯರ್‌ನಿ ಬಾರೇಮ ಅಮ್ ಬೋಲುಸ್. ಕತೋಬಿ ಇವ್ಣಿ ಭಕ್ತಿ ಊಚಿಲ್ತಾತೆ ಅಕ್ಕಲ್‌ನ ಉಪ್ಪರ್ ಭಿಯುಕೊಯ್ನಿ.

3 ಇವ್ವೆ ದೇವ್‌ಧಿ ಮಳಾತೆ ನೀತಿನ ನಾಮಾಲುಮ್ ಕರ್ಲಿನ್ ಶೊಂತ್ ನೀತಿನಾಸ್ ರಾಖಾನ ಕೋಶಿಶ್ ಕರುಕರಾಸ್ತೆಖ್ವಾಜೆ ದೇವ್ವಿ ನೀತಿನ ಹೇಟುಕೊಹುಯುನಿ.

4 ಇನಾಮ ವಿಶ್ವಾಸ್ ಕರವಾಳು ಹರೇಕ್ ಭಣು ನೀತಿನು ತೀರ್ಪ್‌ಲೀಲೆವ್ವುಕರಿ ಕ್ರಿಸ್ತನೆ ಧರ್ಮಶಾಸ್ತ್ರನ ಖ್ವತಮ್ ಕರೊಯ್.

ರಕ್ಷಣೆ ಛಾತೆ ಅಖ್ವಾಸ್ತೆಖ್ವಾಜೆ

5 ಧರ್ಮಶಾಸ್ತ್ರಧಿ ಮಳಾಸ್ತೆ ನೀತಿನ ಬಾರೇಮ, “ಧರ್ಮಶಾಸ್ತ್ರನ ಪಾಡಿಚಾಲವಾಳೊ ಇನೇಥಿಸ್ ಜಿವ್‌ಶೆ” ಕರಿ ಮೋಶೆನೆ ಲೀಖಿರಾಖೊಸ್,

6 ಕತೋಬಿ ವಿಶ್ವಾಸ್‌ಧಿ ಆಧಾರ್ ಹುಯಿರ್ಟ್ವೆಯ್ ನೀತಿನು ಪವಿತ್ರ ದಪ್ಪರ್ ಶಾತ್ ಬೋಲಾಸ್‌ಕತೊ, ಕ್ರಿಸ್ತನ ಜಮೀನ್‌ಪರ್ ಲೀನ್‌ಆವಾನ “ಪರ್‌ಲೋಕ್ ಕೋಣ್ ಉಡೀನ್‌ಛಾಶೆ?”

7 ನಿತರ್ ಕ್ರಿಸ್ತನ ಮರ್ಮಾಹುಯಾಮಾಧು ಉರಾಡಿಲೀನ್ ಆವಾನ ಕೋಣ್ ಪಾತಾಳ್‌ಉತ್ರಿನ್ ಛಾಶೆ?” ಕರಿ ಬೋಲಿಲ್ಯವಾನು ನಕೊ.

8 ಯೊ ಶಾತ್ ಬೋಲಾಸ್‌ಕತೊ, “ವಚನ್ ತಾರಕನ ಛಾ ಯೋ ತಾರ ಮ್ಹೊಡಮಾಬಿ ದಿಲ್‌ಮಾಬಿ ಛಾ” ಯೋಸ್ ಅಪ್ಪೆ ಬೋಲಿವತಾಳಾನು ವಿಶ್ವಾಸ್‌ನು ವಚನ್.

9 ತೂ, “ಯೇಸುಸ್ ಪ್ರಭು” ಕರಿ ಮ್ಹೊಡೇಥಿ ಬೋಲೆನು ದೇವ್ ಯೇಸುನ ಮರ್ಮಾಹುಯಾಮಾಧು ಉರಾಡೊಕರಿ ದಿಲ್ಮ ವಿಶ್ವಾಸ್‌ಕರೊತೊ, ತೂ ರಕ್ಷಣೆಲೀಶ್.

10 ಶನಕತೊ ತುಮೆ ತುಮಾರ ದಿಲ್‌ಥಿ ವಿಶ್ವಾಸ್‌ಕರಿನ್ ನೀತಿವಾಳುಕರಿ ಗಣ್ತಿಲುಶು. ಅಜು ತಾರ ಮ್ಹೊಡೇಥಿ ಬೊಲಾನಿ ವಖ್ವಾತಿ ರಕ್ಷಣೆ ಲೀರಾಖೊಸ್.

11 ಪವಿತ್ರ ದಪ್ಪರಮ ಬೋಲೈರ್ಟ್ವೆ ತಿಮ್, “ಇನಪರ್ ವಿಶ್ವಾಸ್ ಕರಾವಾಳೊ ಕದೇಬಿ ಖ್ವರಮಾವ್‌ಶೆ ಕೊಯ್”

12 ಶನಕತೊ ಯೆಹೂದ್ಯರ್ ಅಜು ಯೆಹೂದ್ಯರ್‌ಕಾಹೇತೆ ಇವ್ವುನಾಬಿ ಕಮ್ ಜಾಖ್ತ್ ಕರೈಕೊಯ್ನಿ, ದೇವ್ ಖ್ವಾರಾನ ಪ್ರಭುಹುಯಿರ್ದೆಸ್. ಇನ ಸ್ವೀಕಾರ್ ಕರವಾಳನ ಖ್ವಾರಸ್ ಪ್ರಭು ಘಣು ಆಶೀರ್ವಾದ್ ಕರಸ್.

13 ಶನಕತೊ, ಪವಿತ್ರ ದಪ್ತರ್ ಅಮ್ ಬೋಲಸ್, “ಕೋಣ್ ಪ್ರಭುನು ನಾಮ್ ಬೋಲಸ್ಕಿ ಯೊ ಹರೇಕ್‌ನಾಬಿ ರಕ್ಷಣೆ ಉಶೆ!”

14 ಕತೋಬಿ ಪ್ರಭುಮ ವಿಶ್ವಾಸ್ ನಾರ್ಡಿಯುತೊ ಇನ ನಾಮ್ ಬೋಲಿಲ್ಯವಾನುಬಿ ಕಿಮ್? ಇವ್ಣೆ ಸಂದೇಶ್ ಖ್ವಮ್‌ಜ್ಜುನಾತೊ ಇನಾಪರ್ ವಿಶ್ವಾಸ್ ಕರಾನುಬಿ ಕಿಮ್? ಬೋಲವಾಳೊ ನಾರ್ಡಿಯೊತೊ ಇವ್ಣೆ ಖ್ವಮ್‌ಜ್ಜಾನು ಕಿಮ್? ಸುವಾರ್ತೆನ ಪೈಲಾವಾಳೊ ನಾಮೋಕ್‌ಲಾಯೊತೊ ಬೋಲಾನುಬಿ ಕಿಮ್?

15 ಬೋಧನೆ ಕರವಾಳನ ಮೋಕ್‌ಲೊನಾತೊ ಬೋಲ್‌ಶೆ ಕಿಮ್? ಇನಖ್ವಾಜೇಸ್, “ಅಲ್ಟಿ ಸುವಾರ್ತೆ ಬೋಲವಾಳನು ಪಗ್ ಕೆತ್ರೇಕ್ತಿ ಶನ್‌ಗಾರ್” ಕರಿ ಪವಿತ್ರದಪ್ತರ್‌ಮ ಲೀಖೈರ್ದೆಸ್.

16 ಕತೋಬಿ ಖ್ವಾರುಸ್ ಸುವಾರ್ತೆನ ಸ್ವೀಕಾರ್ ಕರೈಕೊಯ್ನಿ. ಆ ಬಾರೇಮ ಯೆಶಾಯ ಪ್ರವಾದಿ “ಪ್ರಭು, ಹಮೆ ಬೋಲ್ಯಾತೆ ಸುವಾರ್ತೆನ ಕೋಣ್ ವಿಶ್ವಾಸ್ ಕರೈ?” ಕರಿ ಬೋಲಸ್.

17 ಇನಖ್ವಾಜೆ, ಬೋಲಾತೆ ಸುವಾರ್ತೆನ ಖ್ವಮ್‌ಜ್ಜಾಧಿ ವಿಶ್ವಾಸ್ ಆವಸ್, ಯೋ ಖಿವುಕತೊ ಕ್ರಿಸ್ತನಿ ಬಾರೇನಿ ವಚನ್ ಹುಯಿರ್ದೆಸ್.

18 ಕತೋಬಿ ಇವ್ಣೆ ಕದೇಬಿ ಇನಖ್ವಮ್‌ಜ್ಜು ಕೊಯ್ನಿಕಿಶು? ಕರಿ ಮೇ ಪುಲ್ಲಾವ್‌ಸ್, ಇವ್ಣೆ ಖ್ವಾಚಮಾಸ್ ಖ್ವಮ್‌ಜಿರಾಖ್ಯಸ್. ಪವಿತ್ರದಪ್ತರ್‌ಮ ಅಮ್ ಬೋಲಿರಾಖ್ಯಸ್‌ಕಿ, “ಬೋಲಾವಾಳಾನಿ ಅವಾಜ್ ಜಗತ್ನ ಖ್ವಾರೀಸ್ ಬಾಜು ಜೈರ್ದೆಸ್, ಇವ್ಣಿವಾತೆಖ್ವಾರಿ ಜಗತ್ನ ಕಡೇಶಿಲಗೂಬಿ ಪೈಲೈರ್ದೆಸ್”

19 ಕತೋಬಿ ಇಸ್ರಾಯೇಲ್‌ವಾಳನೆ ಸುವಾರ್ತೆ ಮಾಲುಮ್ ಕರೈಕೊಯ್ನಿಕಿ ಶು? ಕರಿ ಮೇ ಪುಲ್ಲಾವ್‌ಸ್. ಪಹಿಲೆ ಮೋಶೆನೆ, “ಮೇ ಖೂಮ್‌ವಾಳೊ ಕಾಹೆತೆ ಇವ್ಣೇಧಿ ತುಮೆ ಬಳಾಪೊಕರಾನಿತರ

ಕರೀಶ್. ಅಕ್ಕಲ್‌ಕೊಂತೆ ಖೂಮ್‌ವಾಳಧಿ ಮಾರು ಅದ್ವಿ ಇರಾದೊ ಆವನಿತರ ಕರೀಶ್” ಕರಿ ಬೋಲುಸ್.

20 ಕತೋಬಿ ಯೆಶಾಯನೆ ಘಣು ಧಿಲ್‌ಪಧ್ಲಿ ದೇವ್ನಿ ಆ ವಾತೆನ ಬೋಲ್ಯೊ “ಮನ ಕೊ ಡೂಂಡಾನಿತೆ ಇವ್ವುನ ಮೇ ಮಳ್ಳೊ ಮಾರಿ ಬಾರೇಮ ನಾ ಪುಲ್ಲಾವವಾಳನ ಖ್ವಾಪ್ಪೆ ದೇಖಾಯೊ”

21 ಕತೋಬಿ ಯೊ ಇಸ್ರಾಯೇಲ್‌ವಾಳನಿ ಬಾರೇಮ ಮಾರಿ ವಾತ್ತ್ ನಾಮಾನಿನ್ ಆಡ್‌ಫೇಡ್ ಬೋಲವಾಳ ಅದ್ವಿವೋನ ಮೇ ಖ್ವಾರದನ್‌ಬಿ ಮ್ಹೆಲ್ಯೊಕೊಂತೆ ಹಾತ್ ಪಖ್ವಾರಿ ಬುಲಾಯೊಕರಿ, ಯೋ ಬೋಲಸ್.

11

ಇಸ್ರಾಯೇಲ್‌ವಾಳಪರ್ ದೇವ್ನಿ ಗೋರ್

1 ಇಮ್‌ಕತೊ, ದೇವ್ ಇನ ಅದ್ವಿವ್‌ನ ರ್ಹಿಟ್ಕಾರ್‌ದಿದೊಕಿ ಶು? ಕರಿ ಮೇ ಬೋಲುಸ್. ಕದೇಬಿ ಕೊಯ್ನಿ ಮೇ ಏಕ್ ಇಸ್ರಾಯೇಲ್‌ವಾಳೊ ಹುಯಿರ್ದೊಸ್. ಅಬ್ರಹಾಮ್‌ನಿ ಖಾನ್‌ದಾನ್‌ವಾಳೊ, ಬೆನ್ಯಾಮೀನ್ ಮೂಮ್‌ವಾಳೊಬಿ ಹುಯಿರ್ದೊಸ್.

2 ದೇವ್, ಯೋ ಅಗಾಡಿಸ್ ಮಾಲುಮ್ ಕರಿರಾಖ್ಯೊತೆ ಇಸ್ರಾಯೇಲ್ ಅದ್ವಿವ್‌ನ ರ್ಹಿಟ್ಕಾರ್ ದಿದೊಕೊಯ್ನಿ. ದೇವ್ನಿ ವಚನ್ ಎಲೀಯನಿ ಬಾರೇಮ ಶಾತ್ ಬೋಲಸ್‌ಕರಿ ತುಮೂನ ಮಾಲುಮ್ ಕೊಯ್ನಿಕಿಶು?

3 “ಪ್ರಭು, ಇವ್ಣೆ ತಾರ ಪ್ರವಾದಿಖ್ವಾರನ ಮಾರಿನಾಖ್ಯು. ಅಜ್ಜು ತಾರಿ ಚಾಚರ್‌ನ ಫೋಡಿನಾಖ್ಯು. ಮೇ ಎಕ್ಕ್‌ಸ್‌ಜಣೊ ಬಚಿರ್ದೊಸ್. ಇವ್ಣೆ ಮಾರ ಜಾನ್ ಕಾಡಿನಾಖಿದ್ಯವಾನ ಕೋಶಿಶ್ ಕರುಕರಸ್”

4 ದೇವ್ನಿ ಭವಾಬ್ ಶಾತ್‌ಕತೊ, “ಬಾಳನ ಮೂರತ್ತ್ ಅಡ್‌ಪಡ್ಯುಕೊಂತೆ ಖ್ವಾತ್‌ಹಜಾರ್ ಪಖ್ವಾನ್ ಮಾರಖ್ವಾಜಿ ಬಚ್ಚಾಡಿರಾಖ್ಯೊಸ್.

5 ಯೋಸ್ ಪರಕ್ಯ ಆ ಹಗಾಮ್‌ಬಿ ವಾರ್‌ಖ್ಲೆಧಿ ಚೂಣ್ಣೆರ್ದ್ವಿ ಇಸ್ರಾಯೇಲ್‌ವಾಳನು ಜಾನ್ ದೇವ್ ಬಚ್ಚಾಡ್‌ಶೆ.

6 ಯೋ ಭುನಾವ್ವಿ ಕಾಮ್ನಿ ಅದಾರ್ಪರ್ ಕಾಹೆ, ವಾರ್ಖ್ವೇಧಿಸ್ ಹುಯಿರ್ದಿಸ್. ಕಾಮ್ನಿ ಯೋ ಹುಯಿರ್ದಿಯುತೊ ಅಜ್ಜು ಕದೇಬಿ ದೇವ್ನಿ ಕೃಪಾವರ ಕೃಪೆ ಹುಯಿರ್ದಿಶೆಕೊಯ್ನಿ.

7 ಇಮ್ಕತೊ ಶಾತ್? ಇನಖ್ವಾಜೆ ಇಸ್ರಾಯೇಲ್‌ನೆ ಡೊಂಡ್ಯಹುಯಾನ ಲೀಲಿದುಕೊಯ್ನಿ. ಕತೋಬಿ ಇವ್ಣಾಮ್ ಚೂಣೈಗಯಹುಯಾನೆ ಲೀಲಿದು; ಉಬ್ರಿಹುಯುಖ್ವಾರು ಕರಣ್ ದಿಲ್‌ವಾಳುಹುಯು.

8 ಪವಿತ್ರ ದಪ್ತರಮ ಲೀಖ್ಪಿರ್ದಿಯುತೆ ತಿಮ್ “ದೇವ್ನಿ ಇವ್ಣುನ ಮಂಕ್ ಆತ್ಮಾನ ದೇಖಾಕೊಯ್ನಿತೆ ಡೋಳಾನಬಿ ಅಜ್ಜು ಖ್ವಮ್‌ಜಾಕೊಯ್ನಿತೆ ಕಾನ್ನದಿದೊ. ಆ ಹಮ್ಲೆಗೂಬಿ ಇಮ್ನುಸ್ ಲ್ಲಾ.”

9 ದಾವೀದನೆ, “ಇವ್ಣು ಮಿರ್ಝಾವನಸ್ ಇವ್ಣುನ ಫಾಖ್ವೊಬಿ, ಜಾಳೂಬಿ, ಇನಾಮ ಖ್ವಪ್ಪಿ ಪಟ್ಟಿನ್ ನಿಶತ್‌ಲ್ಯವಾದೆ!

10 ಇವ್ಣು ಡೋಳ ಭುಂಬ್‌ಳಹುಯಿನ್ ನಕೊ ದೆಖಾವದೆ, ಅಜ್ಜು ಕದೆಕದೇಬಿ ಇವ್ಣೆ ಖ್ವತಾಪ್ಪಿಮ ಪಡಿಜಾವಾದೆ” ಕರಿ ಬೋಲಸ್.

11 ಇಮ್ಕತೊ ಉಟ್ಟುನಾತೆ ಪರಕ್ಮಯೆಹೂದ್ಯರ್ ರೋಕರ್‌ಲಾಗಿನ್ ಇವ್ಣೆ ರಡ್ಕಿಗುಕಿಶು? ಕಾಹೆ ಇಮ್ ಕಾಹೆ! ಶನಕತೊ ಇವ್ಣಿ ಗಲತ್‌ನಖ್ವಾಜೆ ಯೆಹೂದ್ಯರ್‌ನ ಪೇಟ್ಟ ಬಳಾಪೊ ಹುವಾನಖ್ವಾಜೆ ರಕ್ಷಣೆ ಯೆಹೂದ್ಯರ್‌ಕಾಹೆತೆ ಅದ್ವಿಪರ್ ಆಯು.

12 ಕತೋಬಿ ಇವ್ಣಿ ಗಲತ್‌ಧಿ ಜಗತ್ತ್ ಘಣು ಆಶೀರ್ವಾದ್ ಆಯಿನ್, ಇವ್ಣಿ ಹಾರ್‌ಧಿ ಯೆಹೂದ್ಯರ್‌ಕಾಹೆತೆ ಅದ್ಮೆವ್‌ನ ಘಣು ಆಶೀರ್ವಾದ್ ಮಳಿರ್ದಿಯು ಉಷೇತೊ ಯೋಖ್ವಾರುಸ್ ಯೆಹೂದ್ಯರ್ ಅಯಿನ್ ಎಕ್ಕುಹುಯುತೊ ಕೆತ್ರಿ ಮಹಾನ್‌ರ್ದಿಶೆ.

ಯೆಹೂದ್ಯರ್ ಕಾಹೆತೆ ಇವ್ಣುನ ರಕ್ಷಣೆ

13 ಯೆಹೂದ್ಯರ್‌ಕಾಹೆತೆ ತುಮಾರಿಜೋಡ್ಕ ವಾತೆಬೋಲುಕರುಸ್; ಮೇ ಯೆಹೂದ್ಯ ಕಾಹೆತೆ ಅದ್ಮೆವ್‌ನ ಅಪೊಸ್ತಲ ಹುಯಿರ್ದವಾನಿ ಪರಕ್ಮ ಮಾರಿ ಸೇವೆನಿ ಬಾರೇಮ ಖ್ವರವ್‌ಕರುಸ್.

14 ಕಿಮ್‌ಕತೊ ಮೆ ಮಾರಶೊಂತ್ ಅದ್ಮಿಯೆವ್‌ಮ ಬಳಾಪನ ಜಾಖ್ತ್ ಕರೀನ್ ಇವ್ಣಮ ಥೋಡಜ್ಜಣಾನ ತೋಬಿ ರಕ್ಷಣೆಮ ಲ್ಯಾವ್ಣ್.

15 ಶನಕತೊ ಇವ್ಣನ ಝಿಟ್ಕಾರಾಥಿ ಜಗತ್ ದೇವ್ಣಿಜೋಡ್ ಮಳೈದ್ಯಾವ ಖರ್ಕು ರ್ಡಯುತೊ, ಇವ್ಣ್ ಸ್ವೀಕಾರ್, ಮರ್ಯ್ಹುಯು ಜಿವ್ತುಹುಯಿನ್ ಉರೀನ್ ಆವಾನಿತರ ರ್ಡ್ಲೆಶೆಕೊಯ್ಣಿಕಿ ಶು?

16 ರೋಟಾನು ಪೈಲ ಟುಕ್ಕಾನ ದೇವ್ ದಿದೋತೊ, ಯೊ ಅಖ್ವೋ ಏಕರೋಟೊಸ್ ಇನುಸ್ ಹುಯಿಗು. ಝಾಡ್‌ನಿ ಜಡ್ ಪವಿತ್ರ ಹುಯಿರ್ಯ್ತೊ ಝಾಡ್‌ನಿ ಡಾಳಿಯೇಬಿ ಇನೀಸ್ ಹುಯು.

17 ಖ್ವಾಚಮಾಬಿ ಫುಟಿರ್ಯ್ತೆ ಆಲಿವ್ ಝಾಡ್‌ನಿ ಡಾಳಿಯೆ ಟುಟಿಗಯು, ಅಜ್ಜು ಝಾಡಿನು ಆಲಿವ್ ಝಾಡ್‌ನಿ ಡಾಳೀನಿಫೊಣಿ ಹುಯಿರೋತೆ ತುನ ಇನಿ ಝಗೋಮ ಖಶಿ ಭಾಂದಿರಾಖಾತೆ ಯೋ ಖ್ವಾಚ ಆಲಿವ್ ರಖ್ವೆನಿ ಜಡ್‌ಮ ಯೋ ಭಾಗ್‌ಲೀರಾಖ್ಯತೊಬಿ ಯೋ ಡಾಳಿಯೇವ್‌ನ ಮ್ಹೇಲಿನ್ ತುನ ಚಿಕಾವನ ಉಪ್ಪರ್ ತೊ ಡಾಳಿನಿಬಾರೇಮ ಭಡೈಲೆನಕೊ.

18 ಭಡೈಲಿದೋತೊ, ತೊ ಯೋ ಜಡ್ ಆಧಾರ್‌ಕಾಹೆ. ಯೋ ಜಡ್ ತುನ ಆಧಾರ್ ಹುಯಿರ್ಯ್ತೆ ಎತ್ರೇಸ್.

19 ಇಮ್‌ಕತೊ ತೊ, “ಖಶಿ ಭಂದಾವನಿತರ ಥೋಡು ಡಾಳಿಯೆ ಟುಟಿಗೈಯೇ.” ಕರಿ ಬೋಲಿಶ್.

20 ಯೊ ಬರೋಬರ್, ಕತೋಬಿ ಇವ್ಣೆ ವಿಶ್ವಾಸ್‌ಕೊಂತೆ ಟುಟಿಗಯು. ತೊತೋಬಿ ವಿಶ್ವಾಸ್‌ಥಿ ಭಿಯೋಸ್. ಹಂಕಾರ್ ನಕೊಕರ್ತೆ ಡರ್‌ರ್ಯ್ತಾದೆ.

21 ಶನಕತೊ ದೇವ್ ಪೈದಾಖ್ವೆನಿ ಡಾಳಿಯೇನಸ್ ಬಚ್ಚಾಡ್ಲೊ ಕೊಯ್ಣಿಕತೊ ತುನಾಬಿ ಬಚ್ಚಾಡ್‌ಶೆ ಕೊಯ್ಣಿ.

22 ಇನಖ್ವಾಜೆ ದೇವ್ಣಿ ಗೋರ್‌ನಾಬಿ, ನಿಶತ್ನಾಬಿ ದೇಕ್. ಪಟ್ಕಿಜಾವಳಾನ ಇನಿ ನಿಶತ್ ಮಳ್‌ಶೆ. ತೊ ಇನಿ ಗೋರ್‌ಮ ಭಡವಾಳೊ ಉಪೇತೊ, ತಾರಪರ್ ದೇವ್ಣಿ ಗೋರ್ ವತಾಳ್‌ಶೆ. ನಾಹುಯುತೊ, ತೊ ಜಿನುಬಿ ಟುಟಿಜೈಶ್.

23 ಇವ್ಣೆಜಿನೊಬಿ ಬಿಜೂಬಿ ಅವಿಶ್ವಾಸ್‌ಮ ಭಡ್ಕುನಾತೊ ಖಶಿ

ಭಂದೈಜಾಶೆ. ಶನಕತೊ ಇವ್ವುನ ಬಿಜುಪಾಚ್ಚು ಖಶಿಭಂದಾವನ ದೇವ್ ತಾವಿತ್‌ವಾಳೊ ಹುಯಿರ್ದೊಸ್.

24 ಕಿಮ್ ರ್ಹಿಯುತೋಬಿ ಝಾಡಿನು ಆಲಿವ್ ಝಾಡ್‌ಥಿ ಅಲ್ಪು ಝಾಡ್‌ನು ಡಾಳಿಯೇಹುವಾನು ಮಾಮುಲಿ ಕಾಹೆ. ಕತೋಬಿ ಯೆಹೂದ್ಯ ಕಾಹೆತೆ ತುಮೆ ಝಾಡಿನು ಆಲಿವ್‌ಝಾಡ್‌ಥಿ ಕತ್‌ರೈಹುಯು ಡಾಳಿಯೇರ್ದೊನ್ ಅಲ್ಪು ಆಲಿವ್ ಝಾಡ್‌ಣ ಖಶಿ ಭಂದೈರ್ದೊಸ್. ಯೆಹೂದ್ಯರ್ದೊಬಿ ಅಲ್ಪು ಆಲಿವ್ ಝಾಡ್ ಪುಟಿಹುಯಿ ಡಾಳಿಯೆ. ಇನಖ್ವಾಜೆ ಇವ್ಣೆ ಇವ್ಣ ಶೊಂತ್ ಝೂಂಡ್‌ನ ಪಾಲ್ತು ಮಳಿಜಾವಾನು ಘಣು ಶುಲ್ಕ ಹುಯಿರ್ದೊಶೆ.

ಅಖ್ವಾಸ್‌ಪರ್ ದೇವ್ನಿ ದಯ

25 ಭೇನೆ ಬೈಯೇವೊ, ಏಕ್ ಗಪ್ಲತ್‌ನಿ ವಾತೆ ಖ್ವಾಚುಲ್ಲಾ ಇನ ತುಮೇಬಿ ಖ್ವಮಜ್‌ಣುಕರಿ ಆಖ್‌ಕರುಸ್. ಶನಕತೊ ತುಮೆ ಕೆತ್ರಿ ಅಕ್ಲಿ ಹುಯಿರಾಸ್‌ಕರಿ ಮಾಲುಮ್ ಹುವಾಸ್. ಯೋ ಶಾತ್‌ಕತೊ, ಯೆಹೂದ್ಯರ್ದೊಕಾಹೆತೆ ಅದ್ಮಿಯೇವ್ ದೇವ್‌ಕನ ಆವಾಲಗು ಖಲಿ ಇಸ್ರಾಯೇಲ್‌ವಾಳ ಅದ್ಮಿ ಇವ್ಣ ದಿಲ್ನ ಕರಣ್ ಕರಿರಾಖಸ್.

26 ಅಮ್ ಧರ್ಮಶಾಸ್ತ್ರಮ ಲೀಖೈರ್ದೊತೆ ಪರಕ್, ಇಸ್ರಾಯೇಲ್‌ವಾಳು ಖ್ವಾರು ರಕ್ಷಣೆ ಲಿಶೆ, “ಛುಟ್ಕಾರ್ ದ್ಯವಾಳೊ ಚೀಯೋನ್‌ಥಿ ಆವ್‌ಶೆ, ಯೋ ಯಾಕೋಬವಾಳಾನ ಖೂಮ್‌ಥಿ ದುಷ್ಟಬುದ್ದಿನ ಕಾಡಿನಾಕ್‌ಶೆ.

27 “ಮೇ ಇವ್ಣಿ ಜೋಡ್ಡ ಕರ್ದೊತೆ ಒಪ್ಪಂದ ಇವ್ಣ ಪಾಪ್ ಮೆ ಕಾಡಿನಾಖಿನಿ ವಖ್ವೊತೆ ಪೂರಲುಷೆ”

28 ಶನಖ್ವಾಜೆಕತೊ ಇವ್ಣೆ ಸುವಾರ್ತೆನ ರಿಫ್ತಾರ್‌ಯ್, ಅಜು ಯೆಹೂದ್ಯರ್ದೊ ಕೊಂತೆ ಇವ್ಣೆ ತುಮಾರೇಥಿ ದೇವ್ನ ವಿರೋದಿಹುಯು. ಕತೋಬಿ ದೇವ್ನಿ ಚುನಾವ್ಣಿನಿ ಕಾರಣ್‌ಥಿ ಇವ್ಣೆ ಇನ ಪ್ಯಾರ್‌ವಾಳ ಹುಯಿರಾಸ್, ಇನ ಪಿಳ್ಳಿವಾಳು ಕಾರಣ್‌ಹುಯಿರ್ದೊಸ್.

29 ಶನಕತೊ ದೇವ್ ವರಾನ ದಿದೋತೆ ಇನಖ್ವಾಜೇಬಿ, ಅದ್ಮೆವ್‌ನ ಬುಲಾಯೋತೆ ಇನಖ್ವಾಜೇಬಿ ದಿಲ್‌ಬದ್ಲಾವವಾಳೊ ಕಾಹೆ.

30 ಏಕ್ ಹಗಾಮ್‌ತುಮೆ ಇನ ವಿಧೇಯ ಕೋಹುಯಿರಾಥಾನಿ. ಇವ್ಣು ಅವಿಧೇಯತೆಥಿ ತುಮೆ ಹಮ್ಗೆ ದೇವ್ನಿ ದಯಾ ಲೀರಾಖ್ಯಾಸ್,

31 ಇಮ್ಮಿಸ್ ಪರಕ್ತ ಇವ್ಣೆ ಹಮ್ಗೆ ಅವಿಧೇಯ ಹುಯುತೋಬಿ ತುಮೂನ ಕಿಮ್ ಗೋರ್ ವತಾಳ್ಯೊಕಿ ತಿಮ್ಮಸ್ ಹಮ್ಗೆ ಇವ್ಣುನ ಗೋರ್ ವತಾಳವಾಳೊ ಹುಯಿರಾಕ್ಲೋಸ್.

32 ದೇವ್ ಯೋಖ್ವಾರಾನ ದಯ ವತಾಳನಖ್ವಾಜೆ ಖ್ವಾರಾನ ಅವಿಧೇಯತೆಮ ಭಾಂದಿರಾಖ್ಯೋಸ್.

ದೇವ್ನ ಧನ್ಯವಾದ್ ಹುವಾದೆ

33 ಆಹಾ! ದೇವ್ನಿ ಗ್ಯಾನ್, ಅಕ್ಕಲ್‌ನು ಧನ್‌ದೌಲತ್ ಕೆತ್ರೆ ಗಧಾರ್‌ನು! ದೇವ್ನು ನ್ಯಾಯತೀರ್ಪ್‌ನ ಕೋಣ್‌ಬಿ ಛೋಡಿವತಾಳನ ಹುವಾಕೊಯ್ನಿ. ಇನ ಮಾರಗ್‌ನ ಡೂಂಡಿಕಾಡನ ಕಿನೇಥೀಬಿ ಹೋಯಿಕೊಯ್ನಿ!

34 ಪವಿತ್ರ ದಪ್ತರಾಮ ಲೀಖ್ಪಿರುತೆ ತಿಮ್ ಪ್ರಭುನ ದಿಲ್ನ ಮಾಲುಮ್ ಕರಾವಾಳೊ ಕೋಣ್? ನತರ್ ದೇವ್ನ ಅಮ್ಮಸ್ ಕರ್ನುಕರಿ ಬೋಲಿವತಾಳವಾಳು ಕೋಣ್?

35 ದೇವ್‌ಥಿ ಪಾಲ್ತು ಮಾಂಗಿಲ್ಯವಾನ ಇನ ದಿರಾಖವಾಳೊ ಕೋಣ್?

36 ಶನಕತೊ ದೇವ್‌ಥಿ ತಮಾಮ್‌ನಾಸ್ ಉಬ್ಜಿರ್ಲ್ವಾಸ್. ಖ್ವಾರುಸ್ ಇನೇಥಿಸ್ ಇನಖ್ವಾಜೇಸ್ ರಕ್ಲೋಸ್. ದೇವ್ನ ಜಗ್‌ಜಮಾನಮಾಬಿ ಮಹಿಮೆಹುವಾದೆ! ಆಮೆನ್.

12

ದೇವ್ನಿ ಸೇವೆಮ ಜಿವ್ಣು

1 ಇನಖ್ವಾಜೆ ಭೇನೆ, ಬೈಯೇವೊ, ದೇವ್ನಿ ಗೋರ್‌ಥಿ ಗಿಂಗೈಲ್ಯವಾನು ಶಾತ್‌ಕತೊ, ತುಮಾರು ತುಮೇಸ್ ಶರೀರ್‌ನ ದೇವ್ನ ಪರಿಶುದ್‌ಬಿ ಖ್ವಾರಾಪ್ಲಿತರಾಬಿ ಹುಯಿರ್ಲ್ವಾನು ಜಿವ್‌ತಜಾನ್ನ್ ಬಲಿದೀನ್ ಸಮರ್ಪಣ್‌ಕರೊ. ಆಸ್‌ತುಮೆ ದೇವ್ನಕರಾನಿ ಖ್ವಾಚಿ ಆರಾದನೆ,

2 ಆ ಜಗತ್‌ವಾಳು ಫಾಲ್ ಭಲಣ್ಣಾ ನಾ ಪಾಡಿಫಾಲ್ವುತೆ ನವ ದಿಲ್‌ಥಿ ಬದ್ಲಿನ್ ಪರಲೋಕ್‌ನ ಖ್ವಿಯಾಲ್‌ವಾಳ ಹುಯಿರ್ದೈವೊ. ಅಮ್ ರಡ್ವಿಯಾತೊ ದೇವ್ ಪರ್ವಿನ್ ಅಲ್ಫಾನಾಬಿ, ಇಷ್ಟರ್ದವಾನುಬಿ ಕಳಂಕ್ ಕೊಂತೇಬಿ ಖಿವುಕರಿ ಮಾಲುಮ್ ಕರೈಶು.

3 ದೇವ್ ಮನ ಕೃಪಾಧಿ ದೀರಾಖ್ಯೊತೆ ಸೇವೆನಖ್ವಾಜೆ ತುಮಾರಮ ಹರೇಕ್ ಭಣಾನ ಮೇ ಬೋಲಾನು ಶಾತ್‌ಕತೊ, ತುಮಾರಿ ಲ್ಹಾಯೇಕ್‌ನ ಮೀರಿನ್ ತುಮೆ ಸೋಚ್ನುನಾತೆ ದೇವ್ ಏಕೇಕ್ ಭಣಾನ ಕಿಮ್‌ಕಿಮ್‌ನು ವಿಶ್ವಾಸ್‌ನಿ ತಾಖತ್ ದೀರಾಖ್ಯೊಸ್ಕಿ ಇವ್ಲಿ ಬಾರೇಮ ಬರೋಬರ್‌ಥಿ ಮಾಲುಮ್‌ಕರಿರಾಖಿದೆ.

4 ತುಮಾರಮ ಹರೇಕ್ ಭಣಾನಾಬಿ ಕೈಏಕ್ ಭಾಗ್‌ಥಿ ಏಕ್ ಶರೀರ್ ಮಳ್ಳುಹುಯು ಹುಯಿರ್ದಾಸ್. ಅಜ್ಜು ಕಿಮ್ ಆ ಆಖ್ವಾ ಭಾಗ್ವಾಬಿ ಎಕ್ಸ್‌ಕಾಮ್ ಕೊ ರಡ್ವಿಯೊಕಿ,

5 ಯೋಸ್ ಪರಕ್ ಕೈಯೇಕ್‌ಭಣ ಹುಯಿರಾತೆ ಅಪ್ಲೆ ಕ್ರಿಸ್ತಮ ಎಕ್ಸ್‌ಕಾ ಶರೀರ್ ಹುಯಿರ್ದಿಯೇಸ್. ಅಜ್ಜು ಅಪ್ಲೆ ಅಖ್ವಾ ಎಕ್ಸ್‌ಕಾ ಶರೀರ್‌ನ ಭಾಗ್‌ಹುಯಿರ್ದಿಯೇಸ್.

6 ದೇವ್ ಅಪ್ಪುನ ಕೃಪೆ ಕರೊತೆ ಇಮ್ ಅಪ್ಲೆ ಅಲಕ್ ಅಲಕ್ ವರಾನ ಲೀರಾಖ್ಯಸ್. ಏಕ್‌ಭಣಾನ ಪ್ರವಾದನೇನು ಪರಕ್ ಹುಯಿರ್ದತೊ, ಇನ ಇನು ವಿಶ್ವಾಸ್‌ನಿಮತ್ ಬೋಲಾದೆ.

7 ಯೊ, ಸೇವೆಕರವಾಳೊ ಉಶೇತೊ, ಸೇವೆ ಕರ್ದಾದೆ. ಇನ ಶಿಕಾಡನು ವರ ಉಶೇತೊ ಯೊ ಶಿಕಾಡಿದ್ಯವಾದೆ.

8 ಯೊ ಹುಮ್ಮಖ್ವಾದೆವಾಳೊ ಉಷೇತೆ, ಹುಮ್ಮಖ್ವಾದ್ಯವಾದೆ. ಧರಮ್ ದ್ಯವಾನು ವರ ಉಷೇತೊ ಯೋ ಛುಟಾದಿಲ್‌ಥಿ ದ್ಯವಾದೆ. ಅದಿಕಾರಿ ಉಶೇತೊ, ಯೋ ನಿಯ್ಯಥಿ ಫಾಲದೆ, ಗೋರ್ ವತಾಳವಾಳೊ, ಇನ ಖುಷಿಥಿಬಿ ಕರಾದೆ.

9 ತುಮಾರಿ ಪ್ಯಾರ್ ಪಾಕ್ ದಿಲ್‌ಥಿ ರ್ದವಾದೆ. ಖರಾಬ್‌ಕಾಮ್ನ ವಹೇರ್‌ಕರೀನ್, ಅಲ್ಫಾನ ಧರಿರಾಖೊ.

10 ವಿಶ್ವಾಸಿ ಭೇನ್ ಭೈಯೇನ ಏಕ್‌ಥಿಏಕ್ ಪ್ಯಾರ್ ಕರೊ, ಮರ್ಯಾದಿ

ದೃವಾಮ, ಏಕ್‌ಥಿಏಕ್ ಖ್ವಾಮೆರ್ದೀವೊ.

11 ಮ್ಹಿನ್ ಕರೀನ್ ರಾಬೊ ವಳ್‌ಶಿ ನಕೊಖಾವೊ. ತುಮಾರ ಹುಮ್ಮಖ್ವೆನ್ ಮನ್‌ಥಿ ಪ್ರಭುನಿ ಸೇವೆಕರೊ.

12 ಕ್ರಿಸ್ತವಾಳು ಭರೋಖ್ವಾನಿ ಮಹಾ ಇನಾಮ್ನ ಖ್ವಿಯಾಲ್ ಕರೀನ್ ಖುಷಿಧಿರ್ದವಾಳಾಬಿ, ಖ್ವಿತಾಪ್ಪಿಮ ಖ್ವಿಮಾಳಿಲ್ಯಾವಾಳಾಬಿ, ಅಖ್ವಿ ವೇಳ್‌ ಘಟ್‌ದಿಲ್‌ಥಿ ಪ್ರಾರ್ಥನೆ ಕರ್ತರ್ದೀವೊ.

13 ಜರೂರತ್ ರ್ದವಾಳ ದೇವ್ನ ಅದ್ಮಿನಿ ಜೋಡ್ಡ ತುಮಾರಕನ ಛಾತೆ ಇನಾಮ ಮದತ್ ಕರೊ, ಮ್ಹೇಮಾನ್ನ್ ಘರ್‌ಮ ಬುಲೈನ್ ಉಪಚಾರ್ ಕರೊ,

14 ತುಮೂನ ಖ್ವಿತಾವವಾಳನ, ದೇವ್‌ಕನ ಆಶೀರ್ವಾದ್ ಕರೊ ಶಾಪ್ ನಕೊದೇವೊ.

15 ಖುಷಿಕರವಾಳನಿ ಜೋಡ್ಡ ಖುಷಿಕರೊ. ರೋವವಾಳಾನಿ ಜೋಡ್ಡ ರೋವೊ.

16 ಏಕ್‌ಥಿಏಕ್ ಎಕ್ಕ್ಸ್ ದಿಲ್‌ವಾಳ ಹುಯಿರ್ದೀವೊ. ತುಮೆ ದಿಲ್ ಹಂಕಾರಿ ನಾ ರ್ದೀವ್ಣತೆ, ಅಖ್ವಾನಿ ಜೋಡ್ಡ ಮಳಿನ್ ರ್ದವೊ. ತುಮೇಸ್ ಅಕ್ಲಿಕರಿ ನಕೊಲ್ವಾವೊ.

17 ಏಕ್ ಹಲ್ಲ ಕೋಣ್ ತೋಬಿ ತುಮಾರ ಜೋಡೆ ಖರಾಬ್ ಘಾಲ್‌ಥಿ ಚಾಲಿಲಿದುತೊ ಬದಲ್ ಖರಾಬ್ ನಕೊಕರೊ. ಖ್ವಾರಾನಿ ನಜರ್‌ಮಾಬಿ ಮರ್ಯಾದಿಥಿ ಶಾತ್ ಛಾಕಿ ಇನಾಸ್ ಕರೊ.

18 ತುಮೂನ ಹುವಾಯೆತ್ರಿ ಖ್ವಾರಾಸ್‌ನಿ ಜೋಡ್ಡ ಸಮಾಧಾನ್‌ಥಿ ರ್ದವೊ.

19 ಮಾರ ಪ್ಯಾರ್‌ನ ದೋಸ್ತಿವೊ, ಬದಲ್‌ನ ಬದಲ್ ನಾಕಾಡ್ವತೆ, ಇನ ದೇವ್ನ ಇರಾದಕನ ಮ್ಹೇಲಿದೇವೊ. ಶನಕತೊ, “ಫೇಡವಾನು ಮಾರು ಕಾಮ್. ಮೇಸ್ ಪ್ರತಿಫಲ್ ದಿಶ್ ಕರಿ ಪ್ರಭು ಬೋಲಿರಾಖ್ವೆಕ್‌ಕರಿ ಪವಿತ್ರ ಪುಸ್ತಕ್‌ಮ ಲಿಖ್ತಿರ್ದಸ್.

20 ಕತೋಬಿ, ಪವಿತ್ರ ಪುಸ್ತಕ್ ಅಮ್ ಬೋಲಸ್ಕಿ, “ತುಮಾರು ವಹೇರ್ದ ಭುಕ್ಯ ಆಯೂತೊ ಇನ ಖಾಣುದೆ. ಯೋ ತರಖ್ವಿಗಯೊ ಉಶೇತೊ ಪಿಯಾನ ದೇ. ಅಮ್‌ಕರಾಥಿ ಇನ ಖ್ವರಮ್‌ಥಿ ಇಂಗಾಲೊ

ಪಡಾಖ್ಡರ್ಕು ಉಷೆ.”

21 ಖರಾಬ್‌ಫನ್ಯೆಧಿ ನಕೊ ಹರಿಞಾವೊ. ಖರಾಬ್‌ ಫನ್ಯೆನ ಅಛ್ಛಾಧಿ ಜೂತಿಲೇವೊ.

13

ಅಧಿಕಾರಿನ ಬಾರೇಮ ಅಪ್ಪು ಕಾಮ್

1 ಹರೇಕ್‌ಞಣುಬಿ ಇನ ಉಪ್ಪರ್‌ಲ್ಯ ಅಧಿಕಾರಿಯೇನ ಅಧೀನ್ ಹುಯಿರ್ದೋಣು; ಶನಕತೊ ದೇವ್‌ಧಿ ಪಣ್ಣಿ ಏಕ್‌ಞಣಾನಬಿ ಅಧಿಕಾರ್ ರ್ದೋಯಿಕ್ಕೊಯ್ತೆ; ಛಾತೆ ಅಧಿಕಾರ್ ದೇವ್‌ಧೀಸ್ ಆಯಿರ್ದ್ವಾಸ್.

2 ಇನಖ್ವಾಜೆ ಅಧಿಕಾರ್‌ನ ವಿರೋದ್ ಹುವವಾಳು ಅದ್ಮಿಖ್ವಾಜಮಾಸ್ ದೇವ್‌ನಿ ಯಮ್ಮಾಸ್ ವಿರೋದ್ ಹುಯಿರ್ದ್ವಾಸ್. ಖರ್ಕಾರ್‌ನ ಖ್ವಾಷ್ಟೆ ಹುವವಾಳು ಇನುಯೋಸ್ ನ್ಯಾಯತೀರ್ಪ್ ಲೀಲೇಸ್.

3 ಶನಕತೊ ಖರಾಬ್‌ನ ಕರಾವಾಳನ ಅಧಿಕಾರಿಯೇವ್‌ನು ಡರ್‌ರ್ದೋಸ್ ಪಣ್ಣಿ, ಅಛ್ಛು ಕರವಾಳನ ಕಾಹೆ. ಅಧಿಕಾರಿಯೇಧಿ ತೊ ಡರ್‌ಕೊಂತೆ ರ್ದವಾನು ಆಖ್‌ಹರಸ್‌ಕಿ ಶು? ಅಛ್ಛನಕರ್. ತದೆ ಇವ್ಣೇಧಿ ತುನ ಖ್ವಾರ್‌ವಿ ಮಳ್‌ಶೆ.

4 ಶನಕತೊ ಯೋ ತುನ ಅಛ್ಛು ಕರಾನಖ್ವಾಜೆ ಛಾತೆ ದೇವ್‌ನೊ ಸೇವಕ್ ಹುಯಿರ್ದೋಸ್. ಕತೋಬಿ ತೊ ಖರಾಬ್‌ ಕರಾವಾಳೊ ಹುಯಿರ್ದೋತೆ ಡರಿನ್ ರ್ದೋಣು. ಕತೋಬಿ ಯೋ ಚುಪ್ಪೆ ಅಧಿಕಾರ್ ಅಧಿಕಾರ್‌ನೊ ಡಂಡೊ ಧರಿರಾಖ್ಕೊಯ್ತೆ. ಯೋ ದೇವ್‌ನೊ ಸೇವಕ್ ಹುಯಿರ್ದೋ ಖರಾಬ್‌ನ ಕರವಾಳಾನ ದೇವ್‌ನಿಶತ್ ದೇಸ್.

5 ಇನಖ್ವಾಜೆ ಖಲಿ ದೇವ್‌ನಿ ನಿಶತ್‌ಖ್ವಾಜೆಕರಿ ಕಾಹೆ, ದಿಲ್ವಿಸಾಕ್ಷಿನಖ್ವಾಜೆಬಿ ಅಧಿಕಾರಿಯೇನ ಅಧೀನ್ ಹುಯಿರ್ದವಾನು ಜರೂರತ್ ರ್ದೋಸ್,

6 ಅನಖ್ವಾಜೆಧೀಸ್ ತುಮೆ ಶುಂಕ ದೆವ್‌ಕರಾಸ್. ಶನಕತೊ ಅಧಿಕಾರಿಖ್ವಾರು ದೇವ್‌ನಿ ಸೇವಕ್ ಹುಯಿರ್ದೋ ಯೋ ಕಾಮಸ್ ಕರಾವಾಳ ಹುಯಿರೇಸ್.

7 ತುಮೆ ಕಿನಶಾತ್ ದೇವ್ವುಕಿ ಯೋ ದೇವೊ, ಕಿನ ಕಂದಾಯಕಿ ಇನ ಕಂದಾಯ ದೇವೊ, ಕಿನ ಶುಂಕಕಿ ಇವ್ವುನ ಶುಂಕದೇವೊ. ಅಜು ಕಿನ ಡರೞ್ಕಿ ಇನ ಡರೊ, ಕಿನ ಅಧೀನ್‌ಕಿ ಇನ ಅಧೀನ್ ರೞ್ವೊ, ಕಿನ ಮರ್ಯಾದಿಕಿ ತಿನ ಮರ್ಯಾದಿ ದೇವೊ.

ಅಪ್ಪಿ ಜೋಡ್ತು ಏಕ್‌ಥಿಏಕ್ ಜಿಮ್ಮೇದಾರ್

8 ಏಕ್‌ಥಿಏಕ್ ಪ್ಯಾರ್‌ಕರೞ್ಕರಿ ಬೋಲಾನು ಕರಜ್‌ ಪಣ್ಣಿ ತುಮೊನ ಬಿಜು ಖೆವು ಕರಜ್ ನಾರೞ್ವಿವ್ವು. ಶನಕತೊ ಬಿಜೇಕ್‌ಜಣಾನ ಪ್ಯಾರ್ ಕರಾವಾಳೊ ಧರ್ಮಶಾಸ್ತ್ರನಸ್ ಭಲೈರಾಖ್ಯೊಸ್.

9 ಶನಕತೊ “ವ್ಯಬಿಚಾರ್‌ನಾಕರೞ್ವು ಖೊನ್‌ನಾಕರೞ್ವು ಚೋರ್‌ನಾಕರೞ್ವು ಬಿಜೇಕ್‌ಜಣಾನಿ ಶೊತ್ನ ಆಖ್ವೊನಾಕರೞ್ವು” ಆ ಅಖ್ವಿ ಹುಕುಮ್ ಅಖ್ವು, “ತಾರ ಭೀಡೆವಾಳಾನ ತಾರಿನಿತರಸ್ ಪ್ಯಾರ್ ಕರೞ್ವು!” ಕರಿ ಬೋಲಾನಿ ಎಕ್ಕ್‌ಸ್ ಹುಕುಮ್ ಲಪಿರೞ್ವೊಸ್.

10 ಪ್ಯಾರ್ ಇನ ಭೀಡೆವಾಳನ ಖೆವು ಕೇಡ್ ಕರಾಕೊಯ್ವಿ. ಇನಖ್ವಾಜಿ ಪ್ಯಾರ್ ಧರ್ಮಶಾಸ್ತ್ರನ ಭರ್‌ಪೂರ್ ಹುಯಿರೞ್ವೊಸ್.

11 ಹಮ್ಮೇನ ಹಗಾಮ್ನ ಖ್ವಮ್‌ಜಿನ್ ಆ ಅಖ್ವು ಕರೞ್ವು. ತುಮೆ ನಿಂದರ್‌ಥಿ ಹೊಷಾರ್‌ಹುವಾನಿ ಘಡಿಹುಯಿರೞ್ವೊಸ್. ಶನಕತೊ ಅಪ್ಪಿ ರಕ್ಷಣೆ, ಅಪ್ಪೆ ಪಹಿಲೆ ಕ್ರಿಸ್ತನ ವಿಶ್ವಾಸ್‌ಕರ್‌ಧಾತೆ ಇಂಥೀಬಿ ಹಮ್ಮೆ ಛುಟ್ಯಾರ್‌ನ ಹಗಾಮ್ ಖನ್ನೆ ಹುಯಿರೞ್ವೊಸ್.

12 ಘಣೇಥಿ ರಾತ್ ನಿಕ್ಕಿಜೈನ್ ವಾಣು ಖನ್ನೆ ಅಯಿಗು. ಇನಖ್ವಾಜಿ ಅಪ್ಪೆ ಅಂಧಾರನು ಖ್ವಾರು ಕಾಮ್ನ ಫೇಕಿನ್ ಉಜಾಳಾಮ ಜಂಗ್ ಭೀಡಾನು ಕಪ್ಪನ್ನ ಫೆರೞ್ವಿಯೆ.

13 ಫಾಯಿದೊಕೊಂತೆ ಮಿರ್ಚ್‌ವಾನ್, ಪೀನ್ ನಿಶಾಚಡೈಲ್ಯವಾನು ಅಪ್ಪ ಶರೀರ್ ಸಂಬದ್‌ಥಿ ಕರಾನು ಪಾಪ್, ಲಡೈರುಗ್‌ಡೊ, ಪೇಟೊ ಬಳಾಪೊ ಆ ಖ್ವಾರೇಥಿ ದೂರ್‌ಹುಯಿನ್ ಉಜಾಳಾಮ ರೞ್ವಾಳನಿತರ ಚಾಲಿಯೆ.

14 ಶರೀರ್‌ನ ಆಖ್ವೊನ ಚಲಾವನಖ್ವಾಜಿ ನಕೊಸೋಚೊತೆ. ಪ್ರಭು ಕ್ರಿಸ್ತ ಯೇಸುನ ಕಪ್ಪನ್ನ ಫೆರಿಲೆವೊ.

14

ಬಿಜೇಕ್‌ಭಣಾನ ತೀರ್ಪ್‌ನಕೊ ಕರೊ.

1 ವಿಶ್ವಾಸ್‌ಮ ಕಮ್‌ಜೋರಿ ರ್ವವಳಾನ ತುಮಾರಿ ಝೂಂಡ್‌ಮ ಮಳ್ಳೆಲೇವೊ. ಕತೋಬಿ ಇವ್ವಿ ಶೊಂತ್ ಖ್ವಾಜ್‌ನಿ ಬಾರೇಮ ಅಬ್ಬಾಜ್‌ಬಿ ನಕೊ ಕರೊ.

2 ಅಜ್ಜು ಏಕ್‌ಭಣಾನಿ ವಿಶ್ವಾಸ್‌ ಖ್ವಾರುಸ್‌ ಥರಾನು ಖಾಣುಖಾವಾನಿತರ ಕರಸ್. ಕತೋಬಿ ವಿಶ್ವಾಸ್‌ಮ ಕಮ್‌ಜೋರಿ ರ್ವವಾಳು ಭಾಜಿಪಾಲೊ ಖಾವಾಳೋಸ್‌ ಹುಯಿರ್ದೆಸ್.

3 ಇನಖ್ವಾಜಿ ಬೋಟಿ ಖಾವವಾಳೊ ಖಾಯಿಕೊಂತೆ ಇನ ನಕ್ಕೆ ನಕೊ ಕರಾದೆ. ಭಾಜಿಪಾಲೊ ಖಾವಾಳೊ ಬೋಟಿ ಖಾವವಾಳನ ತೀರ್ಪ್‌ನಕೊಕರಾದೆ. ಶನಕತೊ ದೇವ್ ಇವ್ವ ಭೇಜ್‌ಣಾನ ಮಳ್ಳೆರಾಖ್ಯೊಸ್.

4 ಬಿಜೇಕ್‌ಭಣ ಸೇವಕ್‌ನ ತೀರ್ಪ್‌ಕರಾನ ತೂ ಕೋಣ್? ಯೋ ಘಟ್‌ಥಿ ಭಿಯೋತೋಬಿ ರಡ್‌ಕ್ಯೊತೋಬಿ ಯೋ ಇನ ಯಜಮಾನ್ನ್ ಶೇರಾಸ್. ಶನಕತೊ ಇನ ಘಟ್‌ ಭೀರಾವಾನಿತರ ಕರಾನ ಪ್ರಭು ಶಕತ್‌ವಾಳೊ ಹುಯಿರೋಸ್.

5 ಏಕ್‌ಭಣೊ ಏಕ್‌ದನ್ನ್ ಬಿಜೇಕ್ ದನ್‌ಥಿ ವಿಶೇಷ್‌ಕರಿ ಗಣ್ತಿ ಕರಸ್. ಬಿಜೇಕ್‌ಭಣೊ ಖ್ವಾರಾಸ್‌ದನ್ನ್ ಎಕ್ಕ್‌ಸ್‌ಕರಿ ಖ್ವಾಜ್‌ ಕರಸ್. ಹರೇಕ್ ಜ್ಞಾನುಬಿ ಇನಶೊಂತ್ ದಿಲ್ಮ ಕಲಾವ್ವಿನಾ ಕರ್ನುತೆ ತಿಮ್ ರ್ವವಾದೆ.

6 ಏಕ್‌ದನ್ನ್ ವಿಶೇಷ್‌ಕರಿ ಸೋಚವಾಳು ಯೋ ಪ್ರಭುನ ಮರ್ಯಾದಿನಖ್ವಾಜಿ ಕರಿ ಲಾರ್ಜುದೆ. ಅಖ್ವೊಸ್‌ ಖಾವವಾಳೊ ದೇವ್ನ್ ಧನ್ಯವಾದ್‌ಕರಿನ್ ಪ್ರಭುನ ಮರ್ಯಾದಿನ ಖ್ವಾಜಿಸ್‌ ಖಾಸ್. ಅಖ್ವೊಸ್‌ ನಾ ಖಾವವಾಳೊಬಿ ದೇವ್ನ್ ಧನ್ಯವಾದ್ ಕರಸ್.

7 ಅಪ್ಪಾಮ ಕೋಣ್‌ಬಿ ಇನಖ್ವಾಜಿ ಬಚ್ಚಾಕೊಯ್ನಿ. ಅಜ್ಜು ಇನಖ್ವಾಜಿ ಮರಾಬಿಕೊಯ್ನಿ.

8 ಏಕ್ ವೇಳ್ ಬಚಿರ್ದಾತೊ ಪ್ರಭುನಖ್ವಾಜಿ ಅಪ್ಪೆ ಜಿವಿಯೇಸ್. ಮರ್ಯಾತೊ ಪ್ರಭುನಖ್ವಾಜಿ ಮರ್ಯೇಸ್. ಅಮ್ ಅಪ್ಪೆ ಮರ್ಯಾತೊಬಿ ಜಿವ್‌ಯತ್ಯೊಬಿ ಪ್ರಭುನ ಮಳ್ಳಹುಯ ಹುಯಿರ್ದೆಯೇಸ್.

9 ಶನಖ್ವಾಜಿ ಕತೊ, ಜಿವ್ತು ರ್ವವಳಾನಾಬಿ, ಮರಾವಳನಾಬಿ ಪ್ರಭು ಹುಯಿರ್ದೇವ್ಣಕರಿ ಕ್ರಿಸ್ತ ಮರೀನ್ ಜಿವಿಲುಲೊ.

10 ಅಮರ್ವಾಪರ್, ನಾಖಾವಳೊ ತೊ ಶನ ತಾರ ಭೈನ ತೀರ್ಪ್ಕರಸ್? ಅಖ್ವಾಸ್ನ ಖಾವಳೊ ತು ತಾರ ಜೋಡ್ ರ್ವವಾಳ ವಿಶ್ವಾಸಿನ ಶನ ಫಾವಣ್ಯ ಕಾಡಸ್? ಅಪ್ಪೆ ಖ್ವಾರುಸ್ ದೇವ್ನ್ ನ್ಯಾವಾನಿ ಝಗೋನಖ್ವಾಪ್ಪೆ ಭೀರಿಶು.

11 ಶನಕತೊ ಪವಿತ್ರ ದಪ್ತರಾಮ ಅಮ್ ಬೋಲಾವಸ್, “ಮೇ ಖ್ವಾಚಮಾಬಿ ಜಿವಿರ್ದೇವ್ಣೆ ದೇವ್ ಹುಯಿರ್ದೇವ್ ಇನಖ್ವಾಜಿ ಹರೇಕ್ ಜಣುಬಿ ಮಾರಖ್ವಾಪ್ಪೆ ಡುಕ್ಣಮಾಂಡ್ಶೆ. ಅಜು ಹರೇಕ್ ಮೋಡು ಮನ ದೇವ್ಕರಿ ಸ್ತುತಿಕರಿನ್ ಕಬೂಲ್ಶೆ. ಕರಿ ಪ್ರಭು ಬೋಲಸ್”.

12 ಅಮರ್ವಾಪರ್ ಅಪ್ಪಾಮ ಹರೇಕ್ ಜಣುಬಿ ಇವ್ಣಿ ಬಾರೇಮ ದೇವ್ನ್ ಗಣಿ ದೇವ್ಣ ಪಡಸ್.

ಏಕ್‌ಜಣು ಬಿಜೇಕ್‌ಜಣಾನ ರಡ್ಕಾನ ಕಾರಣ್ ನಕೊಹುವೊ

13 ಇನಖ್ವಾಜಿ ಅಪ್ಪೆ ಏಕ್‌ನ ಉಪ್ಪರ್ ಏಕ್ ತೀರ್ಪ್‌ನಕೊ ಕರಿಯೆ. ಇನ ಬದಲ್ ಬಿಜೇಕ್ ಭೈನ ಖ್ವಾಮೆ ಅಡ್ಡಿ ಹುವಾನು ಅಜು ಪಾಪ್ ಕಾಮ್ ನಾ ರಡ್ಕಾವ್ಣ್ಣ ತಿಮ್ ಹುಯಿರಿಯೆ.

14 ಅಜು ಖಿವೂಬಿ ರಾಘು ಇನುಯೋಸ್ ಅಶುದ್ಧ ಕಾಹೆಕರಿ ಪ್ರಭು ಯೇಸುಮ ರ್ವೇನ್ ಖ್ವಚ್ಚೆಂಬಿ ಬೋಲುಸ್. ಕತೋಬಿ ಕೋಣ್‌ತೋಬಿ ಅಶುದ್ಧಕರಿ ದಿಲ್ಮ ಕರ್ದೊತೊ ಯೋ ಇನ ಅಶುದ್ಧ ಹುಯಿರ್ದೇವ್.

15 ತೊ ಖಾಣೇಥಿ ತಾರ ಭೈಭೇನ್ನ ಕಚಿಂಡ್ ಕರಾಯೋತೆ ತೊ ಪ್ಯಾರ್‌ಥಿ ಫಾಲಿಲೇಶ್‌ಕೊಯ್ನಿ. ತೊ ಖಾವಾಥಿ, ಕ್ರಿಸ್ತ ಕಿನಖ್ವಾಜಿ ಮರ್ದೋಕಿ ಇನ, ತೊ ಖಾವಾನ ಖಾಣಾನಖ್ವಾಜಿ ಧೋಕ ನಾದೇವ್ಣ್.

16 ಅಮ್ ತಾರ ಅಲ್ಫಾನಖ್ವಾಜಿ ಕಾಹೆತೆ ಬಿಜೇಕ್‌ಜಣಾಥಿ ಖರಾಬ್ ಕರಿ ಬೋಲೈಲಿನ್ ಚಿಂಫಾವ್ಣಿ ನಕೊ ಕಡೈಲಿಶ್.

17 ಶನಕತೊ ಖಾವಪೀಯಾನು ದೇವ್ನು ರಾಜ್ಯ ಕಾಹೆ. ನೀತಿ, ಸಮಾಧಾನ್, ಪವಿತ್ರಾತ್ಮಮ ಛಾತೆ ಖ್ವಶಿಸ್ ಹುಯಿರ್ದಿಸ್.

18 ಶನಕತೊ ಅಮ್ಮಿ ಪರಕ್ ಕ್ರಿಸ್ತನ ಸೇವೆಕರವಾಳೊ ದೇವ್‌ಧಿ ಪಸಂದ್ ಕರ್ಯೆವಾಳೋಬಿ, ಅದ್ಮೆವ್‌ನ ಅಲ್ಫು ಕರವಾಳೊಬಿ ಹುಯಿರ್ದವಾದೆ.

19 ಇನಖ್ವಾಜೆ ಖೆವು ಅಪ್ಪುನ ಸಮಾಧಾನ್ವಾಬಿ ಏಕ್‌ಧಿಏಕ್ ಭಾಲ್ ದೆವಾಮ ಭಟಾವಮಾಬಿ ಅಗಾಡಿ ಚಲಾವಸ್ತಿ ಇನಾಸ್ ಕರಿಯೆ.

20 ಇನಖ್ವಾಜೆ ಖಾಣಾನಖ್ವಾಜೆ ದೇವ್ ಕಾಮ್ ನಾಶ್ ನಕೊಕರೊ. ಖ್ವಾರು ಜಿನಖ್ವಾಜೆ ಶುದ್ಧಾಸ್ ಹುಯಿರ್ದೊಸ್. ಕತೋಬಿ ಏಕ್‌ಚಣೊ ಖೈನ್ ಬಿಜೇಕ್‌ಚಣಾನ ಪಾಪ್‌ಮ ರಡ್ಕಾವನು ಗಲ್ಲಿ.

21 ಬೋಟೆ ಖಾವಾನುರ್ದವೊ, ದ್ರಾಕ್ಷಿನೊ ರಖ್ವೊನ ಪೀಯಾನು ರ್ದವೊ ನತರ್ ಬಿಚು ಖೆವೊಬಿರ್ದವೊ ತಾರ ಭೈ ಭೇನ್ ಪಾಪ್‌ಮ ರಡ್ಕಾವಾನು ರ್ದಯೂತೊ ಇನ ಮ್ಹೇಲಿದ್ಯವಾನುಸ್ ಅಲ್ಫು.

22 ಅನಿಬಾರೇಮ ತುನಛಾತೆ ವಿಶ್ವಾಸ್ ದೇವ್‌ಖಲಿ ದೆಖೈನ್, ಯೊ ತಾರಲಗುಸ್ ಮಾಲುಮ್‌ರ್ದವಾದೆ. ಇನು ಯೊ ಮಾನಿಲೇಯ್ತೆ ಇನಿ ಬಾರೇಮ ಗುಮಾನಿ ಕರಾಕೊಂತೆ ಯೋ ಧನ್ಯ.

23 ಕತೋಬಿ ಏಕ್ ವಖ್ವೆತೆ ಗುಮಾನಿ ರ್ವೀನ್ ಖಾವವಾಳೊ ಹುಯಿರ್ದೊತೆ ದೇವ್ ಖ್ವಾಮ್ಣೆ ಅಪರಾದಿ ಹುಯಿರ್ದೊಸ್, ಯೋ ವಿಶ್ವಾಸ್‌ಪರ್ ಆಧಾರ್ ಕೊಯ್ತಿ ಇನಖ್ವಾಜೆ ಯೋ ದೋಷಿ ಹುಯಿರ್ದೊಸ್. ಅಜು ವಿಶ್ವಾಸ್‌ನು ಆಧಾರ್ ನಾರ್ದಯಾತೊ ಯೋ ಪಾಪಸ್.

15

ಬಿಜಾನ ಲ್ಹಾಯಕ್ ಕರಾವೊ ತುಮುನ ಕಾಹೆ

1 ವಿಶ್ವಾಸ್ತು ಘಟ್‌ಹುಯಿರ್ದಾತೆ ಅಪ್ಪೆ ಕಮ್‌ಜೋರಿವಾಳನು ಭೋಜ್‌ನ ಖ್ವಮಾಳಿರ್ದವಾಳ ಹುಯಿರ್ದೊಸ್ ಇನಾಮ ಅಪ್ಪು ಅಪ್ಪೆಸ್ ಕಮ್‌ರೋಕಿಲ್ಯವಾಳ ನಾಹುಯಿರ್ದೊವ್ಣು.

2 ಅಪ್ಪಾಮ ಹರೇಕ್‌ಜಣು ಇನ ಭೀಡೆವಾಳನು ಭತ್ತಿನ ಭಡಾವಾನಖ್ವಾಜೆ, ಆಖ್ವಾಕರಿನ್ ಅಪ್ಪ ಬೈಯೇ ಭೇನೇನ ಅಲ್ಟಾನಖ್ವಾಜೆ ಕಮ್‌ಲೋಕವಾಳ ಹುಯಿರ್ದೇಣು.

3 ಶನಕತೊ ಪವಿತ್ರ ದಪ್ತರಾಮ ಬೋಲಾತೆ ತಿಮ್ ತುನ ಚಿಂಗಾವವಾಳನಿ ಚಿಂಫಾವ್ವಿ ಮಾರಪರ್ ಆಯು ಕರಿ ಕ್ರಿಸ್ತ ಜಿನುಬಿ ಇನು ಯೊ ಖ್ವರೈಲಿದೊಕೊಯ್ನಿ.

4 ಪವಿತ್ರದಪ್ತರಾಮ ಅಗಾಡಿಸ್ ಲೀಖೈರ್ದೊತೆ ಅಪ್ಪುನ ಬೋಧನೆ ಕರಾನಖ್ವಾಜೇಸ್ ಲೀಖೈರ್ದೊಡ್ರು. ಅಪ್ಪೆ ಫಡೀನ್ ಘಟ್‌ದಿಲ್‌ಥೀಬಿ ಭಾಲಿಲೀನ್ ಭರೋಖ್ವಾಧಿ ರ್ದವಾಳ ಹುಯಿರ್ದೇವ್ವುಕರಿ ದಪ್ತರಾಮ ಲೀಖಾಯು

5 ಖ್ವಮಾಳಾನು ಅಜ್ಜು ಭಾಲಿ ದೆವಾಳೊ ದೇವ್, ತುಮೆ ಕ್ರಿಸ್ತಯೇಸುನ ಪೀಠೆಜಾವಾನೊ ಎಕ್ಕ್‌ಸ್ ದಿಲ್‌ದ್ಯವಾದೆ.

6 ಅಮ್ ತುಮೆ ಎಕ್ಕ್‌ಸ್ ದಿಲ್ ಅಜ್ಜು ಎಕ್ಕ್‌ಸ್ ಗಳೇಥಿ ಅಪ್ಪೊ ಪ್ರಭು ಹುಯಿರ್ದೊತೆ ಯೇಸುಕ್ರಿಸ್ತನೊ ಬಾ ಹುಯಿರೋತೆ ದೇವ್ ಖ್ವರಾವ್‌ಶು.

ಯೆಹೂದ್ಯರ್ ಕಾಹೆತೆ ಇವ್ವಖ್ವಾಜೆ ಸುವಾರ್ತೆ

7 ದೇವ್ ಮಹಿಮೆ ಹುವಾನಖ್ವಾಜೆ, ಕ್ರಿಸ್ತ ತುಮೂನ ಮಳ್ಳೆಲಿದೊತೆ ತಿಮ್ಮಸ್ ತುಮೇಬಿ ಏಕ್‌ಥಿ ಏಕ್ ಮಳ್ಳೆಲೆವೊ.

8 ಶನಕತೊ ಕ್ರಿಸ್ತಾನು ಸೇವೆನು ಜಿವ್ವು ಯೆಹೂದ್ಯರ್‌ನ ಸಾಕ್ಷಿ ಹುಯಿರ್ದೊಕರಿ ಮೇ ಬೋಲುಸ್, ಕತೋಬಿ ದೇವ್ ಗುರುಗುರಬ್‌ಲ್ಯನ ಕರ್ದೊತೆ ವಾಗ್ದಾನ್‌ಖ್ವಾರು ಖ್ವಾಚನ ಒತಾಳನಖ್ವಾಜೆ ಖ್ವತ್ವಕರಿ ಪದತ್ತಿನ ಖ್ವಾಜೇಥಿಬಿ ಕ್ರಿಸ್ತ ಯೆಹೂದ್ಯರ್‌ನೊ ಚಾಕ್ರಿವಾಳೊ ಬಣ್ಣೊ.

9 ದೇವ್ ಇವ್ವುನ ವತಾಳನು ಗೋರ್‌ನಖ್ವಾಜೆ ಯೆಹೂದ್ಯರ್‌ಕಾಹೆತೆ ಇವ್ವೆ ದೇವ್ ಮಹಿಮೆ ಕರಾದೆಕರಿ ಕ್ರಿಸ್ತಾನೆ ಅಮ್‌ಕರ್ದೊ ಕರಿ ಮೆ ಬೋಲುಕರುಸ್. ಆ ಧರ್ಮಶಾಸ್ತ್ರಮ ಅಮ್ ಬೋಲಾಸ್, “ಇನಖ್ವಾಜೆ

ಯೆಹೂದ್ಯರ್ ಕಾಹೆತೆ ಇವ್ವ ಬೀಚ್ಚ ಮೇ ತುನ ಸ್ತುತಿಕರುಸ್; ಮೇ ತಾರ ನಾಮ್ ಸ್ತುತಿನು ಗೀದ್ ಬೋಲುಸ್.” ಕರಿ ಬೋಲೈರ್ದ್ಸ್.

10 ಬಿಜೇಕ್ ಹಲ್ಲ ಅಮ್ ಬೋಲಾಸ್, “ಯೆಹೂದ್ಯರ್ ಕಾಹೆತೆ ಅದ್ತಿವೊ ದೇವ್ ಅದ್ತಿನ ಜೋಡ್ಡ ಮುಷಿಥಿ ಏಕ್ ಹುವೊ,

11 ಅಜ್ಜು ಪಾಳ್ತು ಯೆಹೂದ್ಯರ್ ಕಾಹೆತೆ ಅಖ್ವಾಸ್ ಅದ್ತಿವೊ ಪ್ರಭುನ ಸ್ತುತಿಕರೊ, ತಮಾಮಸ್ ಅದ್ತಿಖ್ವಾರು ಇನ ಧನ್ಯವಾದ್ ಕರೊ” ಕರೀಬಿ ಲೀಖೈರ್ದ್ಸ್.

12 ಪಾಳ್ತೊ ಯೆಶಾಯ ಶಾತ್ ಬೋಲಸ್ ಕತೊ, “ಇಷಯನ ಪಿಳ್ಳಿವಾಳೊ ಏಕ್ ಜಣೊ ದೆಖೈಲೇಸ್. ಯೊ ಯೆಹೂದ್ಯರ್ ಕಾಹೆತೆ ಅದ್ತಿಖ್ವಾರಾನ ಚಲಾವನ ಆವ್ ಶೆ. ಅಜ್ಜು ಯೊ ಅದ್ತಿಖ್ವಾರು ಇನಖ್ವಾಜೆ ಭರೋಖೊ ಕರ್ತೆ.

13 ಭರೋಖ್ವಾನ ದ್ಯವಾಳೊ ದೇವ್ ಪವಿತ್ರಾತ್ಮನಿ ಶಕಧ್ಲಿ ಘಣು ಭರೋಖ್ವಾಧಿ ನಂಬಾವಾಳನ ಮ್ಹುಶಿ ಅಜ್ಜು ಸಮಾಧಾನ್ ಥಿ ಭರಾದೆ, ಅನಖ್ವಾಜೇ ಥಿ ಶಕಧ್ಲಿ ಆಖ್ವಾಮ ಭಡ್ತಾ ಭಾವ್ಣತೆ ತಿಮ್ ತುಮೂನ ವಿಶ್ವಾಸ್ ಥಿ ಮಳಾತೆ ಹರೇಕ್ ಮುಷಿ ಸಮಾಧಾನ್ ದ್ಯವಾದೆ.

ಪಾಲ ಶನುಸ್ ಡರ್ ಕೊಂತೆ ಲಿಖಾನ ಕಾರಣ್

14 ಮಾರ ಭೇನ್ ಭೈಯೇವೊ, ತುಮೆ ಅಲ್ಫಿ ಗುಣಥೀಬಿ ಹರೇಕ್ ಅಕ್ಲೆ ಥೀಬಿ ಭರೈರ್ದ್ವಾಳ ಹುಯಿರ್ದ್ಸ್, ಏಕ್ ಥಿ ಏಕ್ ಬುದ್ಧಿ ಬೋಲಾನ ಶಕತ್ ವಾಳ ಹುಯಿರ್ದ್ವಾಸ್ ಕರೀಬಿ ತುಮಾರಿ ಬಾರೇಮ ಮನ ಭರೋಖೊ ಲ್ಲಾ.

15 ಕತೋಬಿ ಮೇ ತುಮೂನ ಥೋಡಿ ವಾತಿಖ್ವಾರಿ ಯಾದ್ ಕರಾವನಖ್ವಾಜೆ ಘಣಿ ವಿಶ್ವಾಸ್ ಥಿ ಅಮ್ ಲೀಖಿರಾಖೊಸ್.

16 ಅಮ್ತ್ಯಸ್ ಯೆಹೂದ್ಯರ್ ಕಾಹೆತೆ ಅದ್ತಿವೊನಖ್ವಾಜೆ ಯೇಸುಕ್ರಿಸ್ತನಿ ಸೇವಕ್ ಹುವಾನಖ್ವಾಜೆ ಮನ ದೇವ್ನಿ ಆಶೀರ್ವಾದ್ ಹುಯು. ಮೇ

ದೇವ್ನಿ ಸುವಾರ್ತೆನಿ ಸೇವೆನ ಏಕ್ ಯಾಜಕ್‌ನಿಂತರ ಚಲೈನ್ ಪವಿತ್ರಾತ್ಮಧಿ ದೇವ್ನ ಸಮರ್ಪಣ್‌ಕರಾನ ಕೋಶಿಷ್ ಕರುಕರೂಸ್.

17 ಇನಖ್ಲಾಜೆ ಕ್ರಿಸ್ತಯೇಸುಮ, ದೇವ್ನ ಕಾಮ್ನಿ ಬಾರೇಮ ಮೇ ಖ್ವರೈಲಿಯೇಜಾಯ್.

18 ಕ್ರಿಸ್ತಾನೆ ಯೆಹೂದ್ಯರ್‌ಕಾಹೆತೆ ಅದ್ಮಿಯೇವ್‌ನ ವಿಧೇಯ ಹುವಾನಖ್ಲಾಜೆ ಆಖ್ಲಾರಾನಿ ಬಾರೇಮ ಮೇಖಲಿ ಭಾಲ್‌ಧಿ ಬೋಲೆಜಾಯ್ ಅತ್ರೇಸ್ ಕಾಹೆತೆ ವಾತ್‌ಮಾಬಿ ಕಾಮ್‌ಧೀಬಿ,

19 ಅಜ್ಜು ಖ್ವಣೇದ್ನ ಕಾಮ್‌ಧೀಬಿ, ಅದ್ಭುತ್‌ಕಾಮ್‌ನಿ ತಾಖತ್ತಿ ಅಜ್ಜು ದೇವ್ನುಆತ್ಮನ ಕಾಮ್‌ಧೀಬಿ ಕರಿರಾಖ್ಯೊಸ್. ಇನಖ್ಲಾಜೆ ಯೆರೂಸಲೇಮ್‌ಥೊ ಧರೀನ್ ಇಲ್ಲುರಿಕ ತಬರ್‌ಖಾಲಗು ಜಾವಾನಿ ವಖ್ವೆತೆ ಮೇ ಕ್ರಿಸ್ತನಿ ಸುವಾರ್ತೆನ ಅಖ್ವಿ ಪೂರಪ್ಪೆಲಾಯೊ.

20 ಮಾರಿ ಆಖ್ಲ ಶಾತ್‌ಕತೊ, ಕಿಜ್ಜಾ ಕ್ರಿಸ್ತನು ನಾಮ್ನ ಖ್ವಮ್‌ಭಾಡಿ ಕೊರಾಖ್ಯುನಿತೆ ಯೊ ಝಗೋಪರ್ ಸುವಾರ್ತೆನ ಬೋಲಾನು ಮಾರಿ ದಿಲ್ಲಿ ಆಖ್ಲ ಇನಖ್ಲಾಜೆ ಬಿಜೇಕ್‌ಜಣು ನಾಖಿರಾಖ್ಯುತೆ ಹದಿಪಾಯನ ಉಪ್ಪರ್ ಮೇ ನಾಭಾಂದ್‌ಣು.

21 “ಕೋಣ್ ಇನಿ ಬಾರೇಮ ಮಾಲುಮ್ ಕರೈಕೊಯ್ನಿಕಿ ಇವ್ಣೆಸ್ ಇನ ದೇಕ್‌ಶೆ. ಕೋಣ್ ಇನಿ ಬಾರೇಮ ಖ್ವಮ್‌ಜಿರಾಖ್ಯುಕೊಯ್ನಿಕಿ ಇವ್ಣೆ ಪರ್‌ಖಿಲಿಶೆ. ಕರಿ ಪವಿತ್ರ ದಪ್ತರ್‌ಮ ಲೀಖೈರುತೆ ತಿಮ್ ಮಾರ ಕಾಮ್ನಿ ಚಲೈರಾಖ್ಯೊಸ್.

ರೋಮ್‌ನ ಭೇಟಿಕರಾನ ಜಾವಾನಿ ಪೌಲಾನಿ ಖ್ವೂಜ್

22 ಇನಖ್ಲಾಜೇಸ್, ತುಮಾರಕನ ಆವ್ಣುನಾತೆ ತಿಮ್ ಮನ ಕೈಏಕ್ ವಖ್ವೆತೆ ತಕಲೀಬ್ ಹುಯು.

23 ಕತೋಬಿ ಇನಾಪರ್ ಆ ತಬರ್‌ಖಾವ್‌ಮ ಮಾರು ಸೇವೆಕರಿ ಹುಯಿಗು. ಕೈಏಕ್ ವರಖ್ಲೆಡ್ನು ತುಮೂನ ಮಳ್‌ಣುಕರಿ ಬೋಲಾನಿ ಆಖ್ಲಾಧೀಬಿ

24 ಮೇ ಸ್ಪೇನ್ ಜ್ಞಾವಾನಿ ವಖ್ವತೆ ತುಮೂನ ಮಳಾನಖ್ವಾಜೆ ಟಿವೈರಂಟ್ಲೀಸ್. ದರಾಖ್ವಿದನ್ ತುಮಾರಿ ಲಾಡ್‌ಮೋಹಬತ್ತಿ ಖುಷಿಮ ಮೇ ರ್ಲೀನ್, ಇನಕೇಡೆಥು ಯೋ ದೇಖ್ವೆನ ಜ್ಞಾವಾನ ಮನ ತುಮಾರಿ ಮದತ್ ಮಳಾಶೆಕರಿ ವಿಶ್ವಾಸ್‌ಕರುಸ್.

25 ಕತೋಬಿ ಹಮ್ ಮೇ ದೇವ್ವ ಅದ್ಮಿವೊನ ಚಾಕ್ರಿಕರಾನಖ್ವಾಜೆ ಯೆರೂಸಲೇಮ್ಮ ವಳೆಞವುಸ್.

26 ಶನಕತೊ ಮೆಕೆದೋನ್ಯ ಅಜು ಅಖಾಯ ತಬರ್‌ಖಾವಾಳು ವಿಶ್ವಾಸಿ ಯೆರೂಸಲೇಮ್ಮ ದೇವ್ವ ಅದ್ಮಿವೊನ ಮಳಿನ್ ರ್ಲವಾಳ ಗರೀಬ್ ವಿಶ್ವಾಸಿನ ಮದತ್ ಕರಾನಖ್ವಾಜೆ ಖ್ವಿಯಾಲ್ ಕರಿರಾಖ್ಯಸ್.

27 ಇವ್ಣೆ ಯೋ ಕರಾನ ಆಖ್ವ್ ಕರಿರಾಖ್ಯಸ್ ಏತ್ರೇಸ್ ಕಾಹೆತೆ, ಯೆಹೂದ್ಯರ್‌ಕಾಹೆತೆ ಅದ್ಮಿ ಯೆಹೂದ್ಯರ್‌ನ ಆತ್ಮಿಕ ಆಶೀರ್ವಾದ್‌ಮ ಭಾಗ್ ಲೀರಾಖ್ಯತೆ ಇನಖ್ವಾಜೆ ಇವ್ಣೆಜಗತ್ ಸಂಬಂಧನಿ ಕಾಮ್ ಇವ್ಣುನ ಸೇವೆಕರಾನಿ ಫರಜ್‌ಮ ಛಾ.

28 ಇನಖ್ವಾಜೆ ಆ ಕಾಮ್ ಖ್ವತಮ್‌ಕರೀನ್ ಆ ಪ್ಯಾರ್‌ಫಲ್ವ ಹಿಜ್ಜಾವಾಳನ ದೀನ್ ಭರ್‌ಪೂರ್ ಹುವಾನ ಬಾದ್ಮ ತುಮುನ ಮಳಿನ್ ಯೋಸ್ ಮಾರ್ಗೇ ಸ್ಪೇನ್ ದೇಖ್ವೆನ ಜೈಶ್.

29 ಆ ನಾಹುಯಿನ್ ತುಮಾರಕನ ಆವಾನಿ ವಖ್ವತೆ ಕ್ರಿಸ್ತಥಿ ಹುವಾನು ಘಣಿ ಆಶೀರ್ವಾದ್‌ನ ಮೇ ತುಮಾರಕನ ಲಾಯಿಶ್, ಕರಿ ಮಾಲುಮ್ ಛಾ.

30 ಭೇನ್ ಭೈಯೇವೊ, ಅಪ್ಪೊ ಪ್ರಭು ಹುಯಿರೋತೆ ಯೇಸುಕ್ರಿಸ್ತಬಿ, ಪವಿತ್ರಾತ್ಮನಿ ಪ್ಯಾರ್‌ಥೀಬಿ, ಮೇ ಗಿಂಗೈಲ್ಯವಾನು ಶಾತ್‌ಕತೊ, ಮಾರಖ್ವಾಜೆ ದೇವ್‌ಮ ಪ್ರಾರ್ಥನೆಥಿ ಮಾರಿ ಜೋಡ್ಕರ್ದವೊ.

31 ಮೇ ಯೂದಾಯಮ ಅವಿಶ್ವಾಸಿನ ಹಾತ್ಮಥು ಛೋಡಾವುಕ್ಲಕರೀಬಿ ಮಾರಿ ಸೇವೆ ಯೆರೂಸಲೇಮ್ಮ ಛಾತೆ ದೇವ್ವ ಅದ್ಮಿಯೇವ್‌ನ ಸ್ವೀಕಾರ್ ಹೋಣುಕರಿ ಪ್ರಾರ್ಥನೆ ಕರೊ.

32 ತದೆ ಯೋ ದೇವ್ವಿ ಮರ್ಜಿಥಿ ತುಮಾರಕನ ಖ್ವಿಶಿಥಿ ಆಯಿನ್ ತುಮಾರಿ ಜೋಡ್ಕ ರ್ಲೀನ್ ಅರಾಮ್ ಕರಾನು ಹುವಾದೆ.

33 ಸಮಾಧಾನೊ ದೇವ್ ತುಮಾರ ಖ್ವಾರಾನಿ ಜೋಡ್ಕ ರ್ಲವಾದೆ.

ಆಮೆನ್.

16

ಶೊಂತ್ ಖ್ವಲಾಮ್

¹ ಅಪ್ಪಿ ಭೇನ್ ಹುಯಿರ್ದೀತೆ ಕೆಂಖ್ರಿಯ ಖ್ವಯೇರ್ದಿ ಸಬೇನಿ ಸೇವಕೀಬಿ ಹುಯಿರ್ದೀತೆ ಪೊಯಿಬೆನಿ ಬಾರೇಮ ತುಮುನ ಖ್ವಮ್‌ಜಾಡುಕರೂಸ್.

² ಪ್ರಭುಮ ದೇವ್ ಅದ್ಮಿವ್‌ನ ಯೋಗ್ಯಹುಯಿರೂತೆ ಪರಕ್ಕ ಯೋ ಹೈರಿತೆ ಇನ ಸ್ವೀಕಾರ್‌ಕರೊ, ಶನಕತೊ ತುಮುನ ಶನಿ ಜರೂರತ್ ರ್ದಿತೋಬಿ ಇನ ಹೋಣುತೆತ್ಯೊ ದೇವೊ. ಹೈರಿತೆ ಯೋ ಕೈಫಕ್ ಜಣನಾಬಿ ಮನಾಬಿ ಘಣು ಮದತ್ ಕರೀರಾಖಿಸ್.

³ ಕ್ರಿಸ್ತಯೇಸುಮ ಮಾರಿ ಜೋಡ್ತಕಾಮ್ ಕರಾವಾಳು ಹುಯಿರಾತೆ ಪ್ರಿಸ್ತಿಲ್ಲನಾಬಿ ಅಕ್ವಿಲನಾಬಿ ಮಾರಿ ಖ್ವಲಾಮ್ ಬೋಲಿದೆವೊ.

⁴ ಇವ್ಣೆ ಮಾರ ಜಾನ್‌ಖ್ವಾಜೆ ಇವ್ಣೆ ಜಾನ್‌ ಖತ್ರಾಮ ನಾಖ್ಯಾ ಇವ್ಣುನ ಮೇಸ್ ಕಾಹೆತೆ ಯೆಹೂದ್ಯರ್‌ಕಾಹೆತೆ ಅದ್ಮಿಯೇವ್‌ನಿ ಸಬೆವಾಳೊಬಿ ಇವ್ಣುನ ಧನ್ಯವಾದ್‌ಕರಸ್.

⁵ ಅತ್ರೇಸ್‌ಕಾಹೆತೆ ಇವ್ಣೆ ಘರ್ಮ ಎಕ್ವಹುಯಿನ್ ಆವಾತೆ ಸಬೆವಾಳನಾಬಿ ಮಾರಿ ಖ್ವಲಾಮ್ ಖ್ವಮ್‌ಜಾಡೊ. ಏಷ್ಯಾತಬರ್‌ಖಾಮ ಕ್ರಿಸ್ತನ ಪೀಠೆಜಾವಾಳಮ ಪೈಲೆನೊ ಮಾರೊ ಪ್ಯಾರ್‌ನೊ ದೋಸ್ ಎಫೈನೆತನಾಬಿ ಮಾರಿ ಖ್ವಲಾಮ್ ಖ್ವಮ್‌ಜಾಡೊ.

⁶ ತುಮಾರಖ್ವಾಜೆ ಘಣು ವಾಖ್ಯೊ ಪಡೀತೆ ಮರಿಯನ ಮಾರಿ ಖ್ವಲಾಮ್.

⁷ ಮಾರು ಮಾಯಮಾತ್ರಾಬಿ ಮಾರಿ ಜೋಡ್ತ ಜೇಲ್‌ಮಥಾತೆ ಅಂದ್ರೋನಿಕನಾಬಿ ಅಜು ಯೂನ್ಯನ ಮಾರಿ ಖ್ವಲಾಮ್. ಇವ್ಣೆ ಅಪೊಸ್ತಲರ್‌ಮ ನಾಮ್ ಕಮೈರಾಖ್ಯತೋಬಿ ಮಾರೇಢಿ ಅಗಾಡಿಸ್ ಕ್ರಿಸ್ತನ ವಿಶ್ವಾಸಿ ಹುಯಿರ್ದೀತ್.

⁸ ಮನ ಪ್ರಭುಮ ಪ್ಯಾರ್‌ನೊ ಹುಯಿರೋತೆ ದೋಸ್ತಿ ಅಂಫಿಯಾನ ಖ್ವಲಾಮ್.

9 ಕ್ರಿಸ್ತಮ ಮಾರಿ ಜೋಡ್ನಸೇವಕ ಹುಯಿರೋತೆ ಉರ್ಬಾನಾಬಿ ಮನ ಪ್ಯಾರ್‌ನೊ ದೋಸ್ಟ್ ಸ್ತಾಖುಯನಾಬಿ ಖ್ವಲಾಮ್.

10 ಕ್ರಿಸ್ತನಿ ಸೇವೆಮ ತರೀಪ್ಪ ಹುಯಿನ್ ಲ್ಹಾಯಕ್ ಹುಯಿನ್ ರ್ಹವಾಳೊ ಅಪೆಲ್ಲನ ಮಾರಿ ಖ್ವಲಾಮ್ ಅರಿಸ್ತೊಬೂಲನ ಘರ್‌ವಾಳಾನ ಖ್ವಲಾಮ್.

11 ಮಾರಿನಿತರಸ್ ಯಹೂದಿ ಭೈ ಹುಯಿರೋತೆ ಹೆರೋಡಿಯೋನಾನ ಖ್ವಲಾಮ್. ಪ್ರಭುಮಲ್ಲಾತೆ ನಾರ್ಕಿಸ್‌ನ ಕುಟಮ್‌ವಾಳನ ಖ್ವಲಾಮ್.

12 ಪ್ರಭುನಿ ಸೇವೆಮ ಮ್ಹಿನತ್‌ಕರವಾಳಿಯೇ ಹುಯಿರ್‌ಹಿಯೇತೆ ತ್ರುಪ್ಪೆನನಾಬಿ, ತ್ರುಪೋಸನಾಬಿ ಮಾರಿ ಖ್ವಲಾಮ್. ಪ್ರಭುಮ ಘಣು ವದೇಖ್‌ಕರೀನ್ ಮ್ಹಿನತ್ ಕರಿರಾಖಿತೆ ಪ್ಯಾರ್‌ನಿ ಪೆರ್ಸೀಸನ ಮಾರಿ ಖ್ವಲಾಮ್.

13 ಪ್ರಭುಮ ಚೂಣೈರೈತೆ ರೂಫನಾಬಿ ಮನಾಬಿ ಅಮ್ಮಾನಿ ಘೋಣಿಥೀತೆ ಇನಿ ಅಮ್ಮನಾಬಿ ಖ್ವಲಾಮ್.

14 ಅಸುಂಕ್ರಿತ, ಫೈಗೋನ, ಹೆರ್ಮೆಯನಾಬಿ, ಪತ್ತೋಬನಾಬಿ ಹೆರ್ಮಾನ ಅಜ್ಜು ಇನಿಜೋಡ್ ರ್ಹವಾಳ ಉಬ್‌ರೈತೆ ಮಾರಿ ಭೈಯೇ ಭೇನೇನ ಖ್ವಲಾಮ್.

15 ಫಿಲೋಲೋಗ, ಯೂಲ್ಯ ನೇರ್ಯ ಅಜ್ಜು ಇನಿ ಭೇನ್, ಒಲುಂಪ ಅಜ್ಜು ಇವ್ವಿ ಜೋಡ್ ರ್ಹವಾಳ ಖ್ವಾರಾಸ್ ವಿಶ್ವಾಸಿಯೇವ್ವ ಖ್ವಲಾಮ್.

16 ಪವಿತ್ರ ಪ್ಯಾರ್‌ಥಿ ಏಕ್‌ಥಿಏಕ್ ಹಾತ್‌ಮಳ್ಳೆನ್ ಖ್ವಲಾಮ್ ಕರೊ. ಕ್ರಿಸ್ತನಿ ಖ್ವಾರೀಸ್ ಸಬೆವಾಳು ತುಮೂನ ಖ್ವಲಾಮ್ ಬೋಲಿ ಮೋಕ್ಲಿರಾಖ್ತಾ.

ಖ್ವರ್ತಿನಿ ವಾತೆಖ್ವಾರು

17 ಭೇನ್ ಭೈಯೇವೊ, ತುಮೆ ಶಿಕಿರಾಖ್ಯಾತೆ ಬೋಧನೆನ ವಿರೋದ್ ಹುವಾಳೊಬಿ ತುಮಾರಿ ಒಗ್ಗಟ್ ಫುಟಾಖ್ತುಕ್ ತುಮಾರಮ ಕಚ್ಚರ್ ಹುವಾನಿತರ ಕರವಾಳನಿ ಬಾರೇಮ ಹೊಷಾರ್‌ಥಿ ರ್ಹವೊ. ಎಥ್ರಾನವಾಳಧಿ ದೂರ್ ರ್ಹವೊಕರಿ ಗಿಂಗೈಲೆವುಸ್.

18 ಎಧ್ರಾನು ಅದ್ಮಿವ್‌ನ ಅಪ್ಲೊ ಪ್ರಭು ಕ್ರಿಸ್ತನಿ ಸೇವೆ ಕರಾನು ಮ್ಹೇಲಿನ್ ಇವ್ಲ ಪೇಟ್ಟಿ ಸೇವೆಕರವಾಳ ಹುಯಿರ್ದ್ಲೆಸ್. ಮಿಠಿ ಅಜ್ಜು ಕವ್ಳಿ ವಾತೇಥಿ ಶೇದೇವ್ ಅದ್ಮಿವ್‌ನ ದಿಲ್ವ ಠಗಾವವಾಳು ಹುಯಿರ್ದ್ಲೆಸ್.

19 ತುಮಾರಿ ವಿಧೇಯತೆ, ಖ್ವಾರಾಸ್ ಅದ್ಮಿವ್‌ನ ಮಾಲುಮ್ ಹುವಾನಿತರ ಹುಯು. ಇನಖ್ವಾಜೆ ಮೇ ತುಮಾರಿ ಬಾರೇಮು ಖುಷಿಕರುಸ್. ಕತೋಬಿ ತುಮೆ ಅಲ್ಫಾನಿ ಬಾರೇಮು ಗ್ಯಾನಿ ಖ್ವಾರಹುಯಿನ್ ಖಾರಾಬ್‌ನಿ ಬಾರೇಮು ಶನು ಕಳಂಕ್‌ಕೊಂತೆ ರ್ಲೇಣು ಕರಿ ಆಖ್‌ಕರುಸ್.

20 ಅಜ್ಜು ಸಮಾಧಾನೊ ದೇವ್ ವಗ್ಗಿಸ್ ಶೈತಾನ್ನ ತುಮಾರ ಗೋಡ ಹೇಟ್‌ನಾಖಿನ್ ಭಗ್‌ದಿನಾಕ್‌ಶೆ. ಅಪ್ಲೊ ಪ್ರಭು ಹುಯಿರ್ದ್ಲೆತೆ ಯೇಸುನಿ ವಾರ್‌ಖ್ವೊ ತುಮಾರ ಜೋಡ್ಡ ರ್ಲೆವಾದೆ.*

21 ಮಾರಿ ಜೋಡ್ಡಕಾಮ್ ಕರಾವಾಳೊ ಹುಯಿರೋತೆ ತಿಮೊಥೆಯ ತುಮೂನ ಖ್ವಲಾಮ್ ಬೋಲುಕರುಸ್. ಇಮ್ಮಸ್ ಲೂಕ್ಯಬಿ, ಯಾಸೋನಬಿ, ಸೋಸಿಪತ್ರಬಿ, ಅಜ್ಜು ಮಾರಿನಿತರ ಯೆಹೂದ್ಯರ್‌ಖ್ವಾರು ಹುಯಿರ್ದ್ಲೆತೆ ಇವ್ಲೆ ತುಮೂನ ಖ್ವಲಾಮ್ ಬೋಲುಕರುಸ್.

22 ಆ ಚಿಟ್ಟಿನ ಲೀಖ್ವೋತೆ ತೆತ್ಯಯ ಕರಿ ಮೇ ಪ್ರಭುನ ಅದ್ಮಿಯೇನ ಖ್ವಲಾಮ್ ಕರುಸ್.

23 ಹಜ್ಜ ಮನಾಬಿ, ಹಿಡಿ ಸಬೇನಾಬಿ, ಮೆಹಮಾನ್ನಿ ಸತ್ಕಾರ್ ಕರುಕರಾತೆ ಗಾಯ ಇನಿ ಖ್ವಲಾಮ್ ಬೋಲಸ್. ಆ ಖ್ವಿಯೇರ್ದ್ಲೊ ರಪ್ಯಾನಿ ಗಣ್ತಿ ದೇಖಿಲ್ವಾಳೊ ಹುಯಿರೋತೆ ಎರಸ್ತಬಿ ಅಜ್ಜು ಭೈಕ್ವರ್ತಬಿ ತುಮೂನ ಖ್ವಲಾಮ್ ಬೋಲಸ್.

24 ಅಪ್ಲೊ ಪ್ರಭು ಯೇಸುಕ್ರಿಸ್ತನಿ ಕೃಪೆ ತುಮಾರ ಅಖ್ವಾನಿ ಜೋಡ್ಡ ರ್ಲೆವಾದೆ. ಆಮೆನ್.†

ಖ್ವರ್ತಿನಿ ಸ್ತುತಿ ಪ್ರಾರ್ಥನೆ

* 16:20 16:20 ಆ ವಚನ್ ಥೋಡು ಲಿಖಾವಟ್ಟು ಕೊಯ್ತು. ಲಿಖಾವಟ್ಟು ಆ ವಚನ್ 27 ವಚನ್ನ ಕೇಡೆಧು ಮಳ್ಳೆರಾಖ್ಯಾಸ್.

† 16:24 16:24 ಥೋಡ

25 ಅಷ್ಟೆ ದೇವ್ವ ಮಹಿಮೆ ಕರಿಯೆ ಮೆ ಯೇಸು ಕ್ರಿಸ್ತನಿ ಬಾರೇಮ ಬೋಲಿವತಾಳ್ವೊತೆ ಸುವಾರ್ತೆನಿ ಘೋಣಿ ಅಜ್ಜು ಜಗ್ಗೊಮಾನೇಡಿ ಲಪಿರೊಡ್ಲೊತೆ ಹಮ್ಮೆ ದೆಖಾವನು ಗಪ್ಪತ್‌ನ ಖ್ವಾಚಾನಿತರ ತುಮಾರಿ ವಿಶ್ವಾಸ್ತುತುಮುನ ಘಟ್ ಕರಾನ ಶಕತ್‌ವಾಳೊ ಹುಯಿರೊಸ್.

26 ಹಮ್ಮೆ ಯೋ ಖ್ವಾಚು ಪ್ರವಾದ್‌ನೆನು ನಿಯಮ್‌ಡಿ ಹಮ್ಮೆ ಭಡ್‌ಕೈನ್ ಲೈರಾಖ್ಯಸ್; ಅಜ್ಜು ಹರ್‌ಹಮೇಶ ರ್ವಾಳ ದೇವ್ವಿ ಹುಕುಮ್‌ನಿಮತ್ ಅಖ್ಯಾಸ್ ಜಗ್ಗೊತ್ತ್ ಅದ್ಮಿವೋನ ಮಾಲುಮ್‌ಪಡಾನಿ ಘೋಣಿ ಕರಿರಾಖ್ಯಸ್, ಅಮ್ ವಿಧೇಯ ಹೋಣು ಅಜ್ಜು ವಿಶ್ವಾಸ್ ಕರ್ನ್.

27 ತುಮೂನ ಭೀರಾಖಾನ ಶಕತ್‌ವಾಳೊ ಹುಯಿರೋತೆ, ಅಖ್ಯಾಸ್ ಮಾಲುಮ್ ಕರಿರಾಖ್ಯೊತೆ ಏಕ್‌ನೊವಕ್ಕಸ್ ದೇವ್ವ ಯೇಸುಕ್ರಿಸ್ತಡಿ ಕದೆಕದೇಬಿ ಮಹಿಮೆ ಹುವಾದೆ! ಆಮೆನ್.

ದೇವಿ ಖಾಚಿ ವಚನ್

The New Testament in the Vaagri Booli language of India: ದೇವಿ ಖಾಚಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವಿ ಖಾಚಿ ವಚನ್ ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06